



Broj: 02-05-1-1047/19  
Datum, 24.05.2019.godine

### ZAPISNIK

sa 28. sjednice Općinskog vijeća Maglaj  
održane dana 24.05.2019.godine u 09,00 sati u sali  
JU Dom kulture «Edhem Mulabdić» Maglaj

**Predsjedavajuća**, na osnovu člana 59. Poslovnika o radu Općinskog vijeća, zaključaka Kolegija od 17.05.2019.godine, te Programa rada Općinskog vijeća za 2019. godinu otvaram 28. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih partija SDA-a, SDP-a, SBB, DF, HDZ, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i zastupnici Doma naroda Jasminko Kapić i zastupnica u Skupštini ZDK Emira Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozvikom vijećnika utvrdimo broj vijećnika na 28. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutan vijećnik Edib Delić, koji je najavio svoje odsustvo sa današnje sjednice.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo i verifikaciju zapisnika sa 27. sjednice OV. Ima li primjedbi? Nema, dajem na verifikaciju zapisnik sa 27. redovne sjednice OV.

Konstatujem da je Zapisnik verifikovan sa 23 glasa za i 1 uzdržan Hajrudin Fermić.

Otvaram raspravu po pitanju dnevnog reda uz jednu napomenu, da smo na Vanrednoj sjednici Kolegija održanog 17.05.2019.godine dogovorili da će dio materijala koji je bio spreman ići odmah vijećnicima, a da preostali dio materijala će se dostavljati kako bude dostavljen i u Službu. Informacija o provedenim aktivnostima i preliminarnoj šteti tokom elementarne nepogode sa 13/14.05.2019.godine dostavljena je 22.05.2019.godine. Istu smo odmah prosljedili svim vijećnicima putem maila i putem stranaka. U dnevnom redu koji ste dobili u sazivu za današnju sjednicu prva tačka dnevnog reda naslovljena je Informacija nakon prirodne nesreće poplave-klizišta od 13.05.2019.godine na području općine Maglaj, uz preliminarni izvještaj o nastalim štetama, a na materijalu naslov je Informacija o provedenim aktivnostima i preliminarnoj šteti tokom elementarne nepogode 13/14.05.2019.godine. Ja predlažem da prilikom usvajanja dnevnog reda uvažite ovu ispravku naslova, suštinski, radi se o apsolutno istoj stvari jer je u pitanju informacija.

**Vijećnik Safet Jašić**, traži pauzu za Klub SDA.

**Predsjedavajuća**, predlažem da uvažimo ovu sugestiju i preimenujemo prvu tačku u skladu sa dostavljenim materijalom. Ima li još diskusija po ponuđenom dnevnom redu koji ste dobili u sazivu.

**Vijećnik Mirza Bradarić**, možda samo mala dopuna tačke broj 8. Informacija o radu boračkih udruženja sa finansijskim izvještajem o utrošku sredstava dodijeljenih iz Budžeta Općine Maglaj za 2018.godinu, da se dopuni.

Pauza za Klub SDA.

**Vijećnik Safet Jašić**, prije usvajanja dnevnog reda, mi smo uzeli pauzu i Klub vijećnika SDA predlaže da se danas održi vanredna sjednica OV. Poznato je da su 13.05.2019.godine se dogodile poplave i iz tog razloga je Klub vijećnika zauzeo takav stav.

**Predsjedavajuća**, obzirom da su predsjednici klubova prisustvovali sjednici Kolegija na kojoj smo se dogovorili da danas idemo sa informacijom vezano za preliminarne štete, ono što je važno da se saopšti i da javnost zna, a da

ćemo do završetka izrade Izvještaja u administraciji, odnosno u nadležnoj službi održati vanrednu sjednicu kada ćemo usvajati Izvještaj. On je danas samo u vidu informacije, takav je bio dogovor na Kolegiju.

**Vijećnik Safet Jašić**, već odavno se ide na iznenađenja neka. Ja kad sam pozvan na sjednicu Kolegija rečeno je da je vanredna sjednica Kolegija, na samoj sjednici koja je zakazana kao vanredna se pretvorila kao redovna sjednica. Većina u Kolegiju je tako donijela odluka, međutim, saziv je bio za vanrednu sjednicu Kolegija i iz tog razloga je proizašlo sve ovo, a vi uradite kako god hoćete, a ovo je prijedlog Kluba da se održi vanredna sjednica Vijeća.

**Predsjedavajuća**, ja ću se pozvati na Poslovnik o radu OV. Održavanje vanredne sjednice Kolegija ne podržava i održavanje vanredne sjednice Vijeća, a usaglašeni su bili stavovi vezano za održavanje ove sjednice, kao i održavanje vanredne sjednice koja će uslijediti vrlo brzo čim se okonča izvještaj.

To je bio prijedlog SDA,

Prvi prijedlog bio je vezan za izmjenu u samom naslovu dnevnog reda, pa molim da se izjasnite da li ste za izmjenu u skladu sa materijalom koji je dostavljen za AD – 1.

Ko je za:

**Glasalo 14 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Josip Jurišić (HDZ), Fikret Delić, Mustafa Bešić, Kanita Bašić, Elvir Vehabović, samostalni vijećnici,

**Glasalo 10 glasova protiv:** Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA), Mustafa Buljubašić (samostalni vijećnik).

Drugi prijedlog je bio prijedlog Kluba SDA da se ova sjednica pretvori u vanrednu sjednicu OV, pretpostavljam sa ovakvim naslovom kako je i dostavljeno:

**Glasalo 10 glasova za:** Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA), Mustafa Buljubašić (samostalni vijećnik).

**Glasalo 9 glasova protiv :** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Kanita Bašić, samostalna vijećnica.

**Glasalo 5 glasova uzdržan :** Mustafa Bešić, Fikret Delić, Hajrudin Fermić, Josip Jurišić i Elvir Vehabović, Prijedlog Kluba SDA nije dobio potrebnu većinu, možemo konstatovati da usvajamo dnevni red ovakav kakav je došao u samom prijedlogu. Ja ću pročitati dnevni red za današnju sjednicu

## D N E V N I R E D

1. **Informacija o provedenim aktivnostima i preliminarnoj šteti tokom elementarne nepogode 13/14.05.2018.godine;**
2. **Izvještaj o radu Jedinog općinskog organa uprave Općine Maglaj za 2018. godinu;**
3. **Izvještaj o radu Općinskog pravobranilaštva za 2018.godinu;**
4. **Program rada Općinskog pravobranilaštva za 2019.godinu;**
5. **Odluka o formiranju cijena pijačnih usluga na gradskoj pijaci u Maglaju;**
6. **Rješenje o formiranju građevinske parcele za postojeći objekat u vlasništvu Spahić (Salim) Rabije;**
7. **Izvještaj JU "Dječiji vrtić" za razdoblje 01.09.2017. do 31.08.2018.godine i Finansijski izvještaj 01.01.2018. do 31.12.2018. godine;**
8. **Informacija o radu boračkih udruženja sa finansijskim izvještajem o utrošku sredstava dodijeljenih iz Budžeta Općine Maglaj za 2018. godinu;**
  - OORVI
  - JOB
  - OPŠ i PB
  - Udruženje logoraša
  - Udruga HVO
  - Udruženje civilnih žrtava rata
9. **Program rada boračkih organizacija za 2019.godinu**
10. **Informacija o stanju bezbjednosti za 2018. godine i Informacija o stanju bezbjednosti za prva tri mjeseca 2019.godine;**
11. **Informacija o stanju zaštite od požara na području općine Maglaj u 2018.godini;**
12. **Informacija o planu upisa u osnovne i srednje škole na području općine Maglaj;**
13. **Informacija o radu JU Gimnazija "Edhem Mulabdić" za 2018.godinu;**
14. **Informacija o radu MSS Maglaj za 2018.godinu;**
15. **Informacija o radu „Prva osnovna škola“ Maglaj za 2018. godinu;**
16. **Informacija o radu Osnovna škola „Maglaj“ Maglaj za 2018.godinu;**

## 17. Informacija o radu Osnovna škola "Novi Šeher" Novi Šeher za 2018.godinu;

**Glasalo 14 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović samostalni vijećnici, Josip Jurišić (HDZ).

**Glasalo 10 glasova protiv:** Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA), Mustafa Buljubašić (samostalni vijećnik).

**Vijećnik Hajrudin Ferić,** imam jednu poslovničku intervenciju, sugestija obzirom da nam Poslovnik o radu OV dozvoljava na neki način i obavezuje da prilikom predlaganja izmjena, dopuna dnevnog reda itd. održimo kratke kolegije i mislim da smo i trebali nakon prijedloga Kluba SDA i održati Kolegij, naravno ne piše da moramo, pa bih ja volio da ubuduće i poštujemo tu poslovničku odluku, odnosno mogućnost da pravimo pauze Kolegija.

**Predsjedavajuća,** neka uđe u zapisnik, nakon iznesenih prijedloga od strane vijećnika, predsjednika Klubova ili Načelnika općine, prije usvajanja dnevnog reda sazivat ćemo kratki Kolegij da pokušamo usaglasiti stavove, a onda prijedlog Kolegija iznositi na glasanje.

### AD – 1 Informacija o provedenim aktivnostima i preliminarnoj šteti tokom elementarne nepogode 13/14. 05. 2019.godine;

**Načelnik općine Mirsad Mahmutagić,** obzirom da je šef Službe za urbanizam, bolestan, a Šef službe CZ u Sarajevu na jednom sastanku, ja ću biti izvjestilac po ovoj tački dnevnog reda o toku elementarne nepogode 13/14.05.2019.godine.

Dakle, prateći informacije u medijima i najave za stvaranje vremenskih uslova koji mogu zbog velikih količina padavina pogodovati poplavama i klizištima, OpšCZ je održavao vanrednu sjednicu 11.05.2019.godine, gdje smo razmatrali stanje spremnosti za vanrednu situaciju, Štab je u tom trenutku donio određene zaključke koji se mogu sažeti kroz „**pratiti stanje na terenu u periodu od 12-16.05.2019.godien i biti u stanju pripravnosti. Uvesti dežurstva zbog obilnih padavina koje mogu prouzročiti poplave. Običi mostove uz Jablanicu, Liješnicu, Bočinju, Bisticu i očistiti otpad da se omogući protok vode. Putem RTV Maglaj a u koordinaciji sa OpšCZ obavještavati građane općine Maglaj o stanju na terenu u slučaju ekscesnih situacija. Objaviti vodič za građane kako se ponašati prije i u toku i poslije eventualnih poplava, dostaviti ga u značajnije institucije, sredstva informisanja i objaviti na web stranici Općine Maglaj**“.

Ovi zaključci su praktično ispoštovani od strane i OpšCZ i svih institucija vezanih za ove aktivnosti, a sve s ciljem da ne bi sebi dozvolili scenario iz 2014.godine, kada je sistem u potpunosti zakazao i praktično prouzrokovao dodatne štete. Vremenska najava se praktično i obistinila za područje općine Maglaj, tako da je u ponedjeljak, 13.05.2017.godine, intenzitet padavina bio toliki da smo odmah sazvali sve uposlenike CZ, sve uposlenike PVJ i određeni broj pripadnika Štaba CZ i uveli pripravnost. Nažalost intenzitet padavina je prouzrokovao nagli porast vodostaja svih rijeka i potoka na novošeherskom području zbog čega je u konačnici rijeka Liješnica u vrlo kratkom periodu dosegla izuzetno visok nivo i prouzrokovala ogromne štete na cijelom području sliva. Zahvaćeno je negdje oko 7.000 ha površine, a zahvaćena su područja Kopice, Čobe, Novi Šeher, a najviše MZ Liješnicu. Štete su nastale na stambenim i pomoćnim objektima, na putnoj infrastrukturi, na privrednim objektima i poljoprivrednoj infrastrukturi. Pored poplavljenih područja pojavila su se i nova i pojavila su se neka stara klizišta, što će biti prezentirano u konačnom izvještaju o nastalim štetama koji će biti ponuđen OV na usvajanje. Ukupna preliminarna procjena štete od 13.05.2019.godine na stambenim, pomoćnim i privrednim objektima njih 138 iznosi 1.900.000,00 KM. Oštećena su 83 stambena objekta sa isto toliko porodica koje broje ukupno 175 članova. Šteta na stambenim objektima, prva preliminarna procijenjena je na 1.700.000,00 KM, na pomoćnim objektima je šteta oko 55.000,00 KM, na poslovnim objektima radi se o građevinskoj šteti na poslovnim objektima, oko 95.000,00 KM i na javnim ustanovama 65.000,00 KM. Navedene štete odnose se na građevinski aspekt objekta. Ukupna preliminarna šteta na poljoprivredi iznosi 203.000,00 KM. Na 17 putnih pravaca u općini Maglaj 76,40 km puteva pričinjena je šteta u iznosu od 1.100.000,00 KM, a ovi su svi putni pravci u razumnom vremenu osposobljeni za saobraćaj. Pored toga u ovoj Informaciji koju sam sačinio ja, imate prikazanu i štetu od 420.000,00 KM na repromaterijalu, mašinama itd. koje se odnose na privredne subjekte, a koje nema u tabeli s obzirom da nije bila konačna, nisu svi subjekti u tom trenutku prijavili. Nije uneseno u tabelu, Komisija je završila tabelu, prije nego što sam ja završio Informaciju i radili su na konačnom izvještaju koji se radi još uvijek i radit će se sutra i nadamo se iduće sedmice da ćemo imati završen konačan izvještaj i onda ćemo imati Vanrednu sjednicu kako smo se i dogovorili na Kolegiju. Kad se to sve sabere prva preliminarna procijenjena šteta iznosi 3.260.000,00 KM. Moram napomenuti da sam kao Načelnik općine i Komandant Štaba CZ u veče 13.05.2019.godine proglasio stanje prirodne nesreće na dijelu općine Maglaj što je prezentirano i u medijima poput BH televizije, FTV, Maglajske TV, Antena radija, ZOS-a, Radio Stari grad i td. Naravno zbog priče ko je

ovlašten, ko nije ovlašten da usvaja, OpšCZ je potvrdio Odluku Komandanta Štaba CZ, tako da je Odluka proglašena kad je u pitanju elementarna nepogoda na dijelu općine Maglaj. Noć sa 13/14.05.2019.godine je bila posebno teška zbog vremenskih uvjeta koji su vladali i smanjene vidljivosti. Nažalost, iako smo sugerisali na vrijeme da se izvrši evakuacija da se bude oprezan, da se evakuiru pokretna imovina i bili smo precizni da smo se plašili ovih bujičastih rijeka kojih ima više na području općine Maglaj, nisu sve porodice to shvatile ozbiljno, tako da smo imali slučaj da je 5 porodica ostalo unutar svojih poplavljenih objekata, ukupno 10 članova, što su pripadnici PVJ vršili evakuaciju u noći pod onakvim uvjetima, uvjetima loše vidljivosti, izuzetno jake bujice rijeke Liješnice, ali na svu sreću nije bilo ni povrijeđenih ni stradali, ni smrtno stradali osoba. Kada je u pitanju nivo rijeke Bosne kontinuirano je praćeno i saradivali smo sa ostalim centrima uzvodno prateći stanje nivoa rijeke Bosne, nažalost u jednom periodu je nivo naglo rastao plašili smo se da se može desiti puno više nego što se u konačnici ispostavilo, ali na svu sreću nije. Nivo rijeke Bosne je dosegao najviši od 510 cm i protok nešto preko 1200 m<sup>3</sup> u sec. Dok je u ranim jutarnjim satima 14.05.2019.godine se taj nivo već stabilizovao i opao na 380 cm. Naravno s tim je protok odmah bio znatno manji i tokom dana se dosta taj nivo stabilizovao. 14.05.2019.godine, održana je druga vanredne sjednica OpšCZ na kojoj je razmatrana situacija između dvije sjednice i doneseni su slijedeći zaključci:

1. Općinski štab CZ Maglaj prihvatio je proglašenje stanja prirodne nesreće na području MZ Kopice, Čobe, Domislca, Novi Šeher, Liješnica, Ulišnjak, Donji Rakovac i Kosova.
2. Služba CZ se zadužuje za organizaciju procesa prijave oštećenih lica na procjenu preliminarnu štetu na područjima zahvaćenim elementarnim nepogodama.
3. Načelnik općine je ovlašten da formira to je i zakonska obaveza stručne komisije za procjenu šteta na terenu na stambenim i pomoćnim objektima, privrednim subjektima, infrastrukturnim objektima i na poljoprivrednoj infrastrukturi.

Po preporuci štaba ali u skladu sa zakonskim obavezama formirano je 5 komisija za procjenu nastalih šteta i to Centralna općinska komisija za procjenu šteta, Komisija za procjenu šteta na stambenim i pomoćnim objektima, Komisija za procjenu šteta na privrednim objektima, Komisija za procjenu šteta na infrastrukturnim objektima i Komisija za procjenu šteta na poljoprivrednoj infrastrukturi.

Komisije su sumirale i dostavile preliminarne izvještaje o pričinjenim štetama a konačan izvještaj će biti u zakonskoj formi i u roku ponuđen Općinskom vijeću na usvajanje. Odmah po sticanju uslova na teren je izašla mehanizacija, angažovane su lokalne firme na uspostavi putnih komunikacija, na uspostavi prohodnosti, a KJD je angažovano odmah na odvozu smeća i otpada namještaja i svega što je izbacivano iz poplavljenih naselja. U Maglaju nažalost ne može ništa bez politizacije pa se pojavila zlonamjerna priča da li su navedena ova područja sva obuhvaćena, ko ne vjeruje može otići i izaći i vidjeti i klizišta i u Gračinom Brijegu i klizište nažalost da kažem za Kosovu već dvije tri sjednice molim građane za strpljenje. Odmah su u ponedjeljak bili ljudi iz Tuzlanskog univerziteta. Situacija uopšte nije sjajna prijeto da klizne čitav onaj dio, tako da ponuda je od mještana koji je bio vlasnik korektna da se zasiječe put u njegovo zemljište je opasnost da bi izazvali puno veću katastrofu. Izašlo je bušenje šipova, a po informacijama moći će se i sanirati. Očekujemo da se to završi i da nam dostave elaborat iz Tuzle i da konačno riješimo i taj problem. Takvo je stanje bilo i u Puljkovcu prema Rakovcu, oštećenje mosta itd.

U ovom trenutku toliko za neka pitanja stojim na raspolaganju.

Otvaram raspravu

**Vijećnik Mirza Bradarić**, nakon pet godina skoro na isti datum našu općinu zadesile su opet ove nepogode, još jedna tragedija. Ovim putem ja želim u ime Kluba SDP-a da čestitam i da pohvalim kompletan Štab CZ na čelu sa Načelnikom. Naravno želim da pohvalim PVJ, jer su uložili toliko napor, što su na vrijeme alarmirali stanovništvo, što su rizikovali svoje vlastite živote kako bi u što većoj mjeri uspjeli spasiti i ljudske živote i imovinu pokretnu i nepokretnu itd. Također bih jednim dijelom uputio pohvale i stanovništvu u MZ Liješnica to je onaj gore dio Salkići i Osmići, što je većina njih shvatila ozbiljno ove upute, što je shvatila ozbiljno ovo alarmiranje za moguće nepogode koje su nažalost uslijedile i što je većina ljudi uspjela barem dobar dio svoje imovine spasiti, tako što su podizali većinu svojih stvari na više spratove. Da to nisu uradili, evo Načelnik je iznio neku preliminarnu cifru za štete, da to nisu uradili stanje bi bilo puno gore barem kad su finansije u pitanju.

Još jedno pohvale kompletnom Štabu CZ na čelu sa Načelnikom općine, a posebne pohvale PVJ.

**Vijećnik Hajrudin Ferić**, vezano za 13.05. prvo ću reći ono što je možda i najvažnije a to je da apelujemo i ne sumnjamo u to da će ove stručne komisije koje su radile i rade na terenu, završiti svoj posao kvalitetno i onako kako to stoji u metodologijama, kako bismo mi imali taj jedan izvještaj i kako bi ga mogli usvojiti i dalje s tim izvještajem ići prema nadležnim institucijama, pa i međunarodnim organizacijama. Ono što bih zamolio posebno u radu komisije, i nakon Komisije kad budemo donosili ovdje na OV i kad budemo to usvajali da vodimo računa o prioritetima, sanacije, to se vjerovatno već radi. Naime, da se ne bi desilo da zbog toga što sigurno ima svakakvih prijava šteta, čak možda i nekih fiktivnih šteta pogotovo na poljoprivrednim objektima itd. da se vodi računa o tome da se pokuša pomoći onim ljudima kojima je to najpotrebnije kad je u pitanju stanovanje u stambenom objektu, pa svi smo se mogli uvjeriti kakvo je stanje kuće Bareta Međića, kad su stambeni objekti prioriteta u tom smislu. Infrastrukturni objekti da već radimo prioritetno tamo na komunikacijama prema Kopicama, Tujnici, onaj

most prema Tujnici i naravno kad je u pitanju poljoprivreda da se vodi računa o onima kojima to život znači. Da radimo na sanaciji šteta prioritarno po stvarnim potrebama. Ono što također želim istaći jeste nešto što je za pohvalu, to je i kolega Bradarić rekao to je angažman Načelnika u funkciji Komandantna Štaba CZ u tih nekoliko dana. Rečeno je od 11. Do 15.05. međutim, ono što zaista, pohvaljujemo taj angažman i rad na terenu i sve ostalo, ja moram da iskažem i svoje jedno nezadovoljstvo činjenicom da nismo realizovali jednoglasan zaključak OV Maglaj sa 19. Sjednice a da imamo tematsku tačku koja govori o prevenciji od prirodnih nesreća na općini Maglaj, to smo trebali po tom zaključku da uradimo do oktobra mjeseca, gdje bi sigurno bilo prilike da se sagledaju sve nekakvi fulovi ili pozitivne stvari, a kako bi se napravio jedan sistem koji bi mogao da da rezultate. I ono što je rađeno od 11. do 15.16.05. zapravo jesu konture tog sistema kojeg sad treba formalizovati, uobličiti, pretvoriti u papire, pretvoriti u jedan plan odbrane od poplava, onako kako je to zakonima i uredbama i propisano. Naime, mi htjeli ne htjeli moramo priznati činjenicu da je CZ u Općini Maglaj u sektoru administracije najtanji dio kompletne administracije. Tu prije svega mislim na normativno planski dio i tu Načelnice i sugerisem da što prije učinite neke poteze kako bi se ojačao taj sektor. Ovo što rade vatrogasci stalno i ovo što radi dio CZ stalno, vama svaka čast, ali bez plana bez određenih naredbi, bez određenih odluka, bez određenih materijalno tehničkih sredstava, bez određenih obrazaca koji sve moraju biti u tim planovima vrlo teško je napraviti sistem. Mi moramo što prije imati povjerenike, ali u smislu Zakona o zaštiti i spašavanju. Povjerenike po MZ, po pravnim subjektima, mi moramo da bi to uradile, d bi ušli u te tehničke nekakve posljedice mi moramo u tom planu znati šta nam je obaveza kad je u pitanju ta faza preventivne odbrane. I sve je propisano ovim uredbama recimo o izradi planova zaštite i spašavanja i tačno se zna šta se radi u tim preventivnim aktivnostima. Tačno se zna šta kad se proglašuje stanje prirodne nesreće, ne mora niko od nas izmišljati, samo trebamo prilagoditi na ovu situaciju. Zbog toga mislim da puno nam tu šteta puno imamo fulova, ali isto tako puno se i zakovitalo nekih aktivnosti koje se konačno moraju selektirati staviti na sto, napraviti plan. Da bismo mi napravili pravi plan mi moramo ažurirati procjenu ugroženosti koja je od 2003. godine datira i koja nikad nije ažurirana. Naravno procjene od onih prirodnih nesreća kako to stoji u zakonu, za koje je određena lokalna zajednica, općina i pogođena. To su ovdje kad mi govorimo to su požari, klizišta, poplave i po meni i to su nesreće potencijalne nesreće od zagađenosti zraka. To je nešto što ova administracija mora uraditi ne zbog zakona, nego moramo da uradimo zbog sebe, još samo da napomenem ovaj podatak. Prošle godine u maju mjesecu ovdje smo usvojili izvještaj o prirodnim nesrećama, poplave ako se sjećate bilo je 2.700.000,00 KM, sad je 3.300.000,00 KM. Dakle 6 miliona za godinu dana. Nek je prenapuhano 50%, to je ogromna cifra, to je ogroman luksuz, a mi od jednih vreća sa pijeskom možemo dosta toga da uradimo, a da ne kažemo ako ozbiljno napravimo ovaj plan odbrane od poplave, gdje se zna u svakom trenutku ko kome odgovara, šta ko radi, ko kome podnosi izvještaj. Mislim da ćemo napraviti dobar rezultat zbog nas sami. Mislim da sebi ovaj luksuz ovakav kakav smo imali do sada ne smijemo dopustiti da nemamo tih materijala. Meni je žao što nema gospodina Maglice, blaži sam malo nego inače što bi bio. Mislim da ovo moramo uraditi, moramo imati i moramo realizovati onaj zaključak OV da imamo tu tačku dnevnog reda.

**Predsjedavajuća**, ja se nadam da će se Načelnik kratko obratiti po pitanju svih tih sugestija, inicijativa i sl.

**Vijećnica Šefka Hasanić**, želim da iznesem neke svoje lične stavove o događajima koji su se desili 13.maja. Koliko je sistem napredovao u odnosu na 2014.godinu i koliko smo izvukli ili naučili lekcija iz 2014.godine? Kada smo imali sedam dana prije samog događaja najave o jakim padavina i procjene u Federalne uprave CZ i Hidrometeorološkog zavoda da će se poplave dešavati na bujičnim rijekama. Da li smo oglasili sirene, uključili alarmirali na taj način naše građane u područjima bujičnih rijeka? Da li smo na tim područjima stavili i jednu vreću pijeska, kao provođenje preventivnih mjera na zaštiti od poplava i bujica? Provođenje preventivnih mjera na zaštiti rijeke Bosne, koliko smo u prethodne tri godine izgradili obaloutvrde, da li smo ostavili nadu našim građanima koji se nalaze ispod gradskog mosta da će u jedno dogledno vrijeme imati i oni obaloutvrdu i taj vid zaštite od poplava. Za ove tri godine mogli smo doći bar do Doma zdravlja, pa bar zaštititi taj krucijalni objekat za život naših građana, da ne kažem da će možda tim činom i stanovnici Bosanske ulice imati nekakvu sigurnost da će se u neko dogledno vrijeme i na tom području izgraditi obaloutvrda. Da ne govorimo o drugoj strani rijeke Bosne, da ne govorimo o bujičnim potocima i rijekama Jablanice, Cicmanke, Liješnice, područja znači Jablanice, Liješnice, Novog Šehera. Postavljam takođe jedno pitanje da li je završena dezinfekcija i dezinsekcija poplavljenih područja? Prema žalbama građana poplavljenih područja, taj dio posla nije završen. Ja koliko sam vidjela ni na jednoj od tih kuća nije stavljena naljepnica da je to uradila neka stručna služba i da je taj dio posla završen. A od 13. Maja do dan danas taj se posao trebao i morao završiti. Da ne kažemo da je vještački napravljen poligon u Novom Šeheru izazvao nezapamćene štete na području Novog Šehera i kuća koje gravitiraju na tom području. Da li je taj poligon napravljen planski, da li se uobzirilo provođenje mjera zaštite od poplava na tom području, kad znamo da taj dio Alispahića i dio oko Stadiona plavio i 2014.godine i februara ove godine i sad maja ove godine.

**Vijećnik Elvir Vehabović**, samo da dam informaciju vezano za dezinfekciju. Dezinfekciju, dezinsekciju i deratizaciju područja općine Maglaj radi Institut za zdravlje ljudi i sigurnost hrane. Oni su dužni mi nismo u mogućnosti niti imamo dozvolu da to radimo. Međutim, mi smo stanovništvu poplavljenog područja podijelili pumpe, podijelili sredstva za dezinfekciju da to oni urade. Sad što mi nemamo naljepnica to je po meni manji problem. Oni koji nisu u mogućnosti da sami sebi urade dezinfekciju i sredstvima koja imamo, slobodno mogu i čak su i zvali i mi smo išli na lice mjesta i izvršili dezinfekciju naši uposlenici.

**Vijećnica Šefka Hasanić**, replika – da li ste u ovom slučaju vi direktore, obavezni zakonski i smijete li zakonski davati sredstva za dezinfekciju građanima da sami sebi vrše dezinfekciju? Da li su građani dobili odgovarajuće upute na koji način će provesti dezinfekciju, koliko taj prostor smije biti? Da li oni smiju a vi im dali raditi dezinfekciju? Da li je to po zakonu?

**Vijećnik Elvir Vehabović**, ja vas pitam da li je protiv zakona da ljudi sebi dezinfikuju kuću? Usmeno im je saopšteno, a da smo mi čekali da dođu iz Zenice, bilo bi zašto niko nije završio to? Ja kažem da tamo nema naljepnice jer mi nismo u mogućnosti niti možemo raditi to kao ustanova. Znači radili su ljudi izvršili dezinfekciju, dobili su sredstva i dobili pomoć. Vi možete slobodno provjeriti da li je to po zakonu ili ne, provjerite, tužite, radite...

**Vijećnica Šefka Hasanić**, da li je zakonski, da li je moralno, da li je etički da jedna JU koja se brine o zdravlju stanovnika općine Maglaj, uradi takav čin, da otrove, da otrovi su kad se daju u količinama i daju stanovništvu izvršite sebi dezinfekciju.

**Predsjedavajuća**, samo da sugerišem, vi evo i gospođa Hasanić i gospodin Vehabović iznijeli su svoje stavove i da prekinem ovu diskusiju. Neka svako radi ono što misli da treba, postoje i službe koje se mogu baviti proučavanjem da li to jeste ili nije zakonito ili da li je protuzakonito. Dobili ste odgovor, ako želite pismeni odgovor, možete postaviti i kao vijećničko pitanje pa ćete dobiti pisani odgovor.

**Vijećnik Mustafa Bešić**, prethodnici su iznijeli dosta toga, pogotovo naš Načelnik. Želim samo da napomenem na općini Maglaj su se stvarno desile velike štete, treba tražiti rješenje, uputit dopis višim organima i organizacijama da se pomogne ljudima na terenu, da se što brže saniraju štete.

Bio sam jedan od sudionika na tom području gdje su bile poplave i nevrijeme. Samo želim da vam kažem za ovaj sat vremena ili dva da smo bilo šta uradili, to je toliko božije davanje bilo nemoguće je bilo u tom momentu, upozoravali su ali ja vam govorim sa aspekta iz Domisllice, za sat vremena ko je gore dolazio preko onog mosta je voda išla. Vjerujte bilo me strah kad sam vidio koliko je rijeka, jedan potok u Domisllici, pa se ulijeva iz Kopica iz Strupine, mislili smo da će Maglaj ponovo poplaviti. To su ogromne količine. Prošao sam među zadnjim kraj FIS-a gdje je bio blokiran put, gdje nema rijeke uopšte tamo, ne znaš gdje trebaš da voziš. Ono što želim da kažem je da treba svi da damo svoj doprinos da se uključimo i trebamo se zapitati koliko smo mi svi kao pojedinci ovdje što sjedimo pomogli na terenu ljudima. Jesmo li ih obišli? Lijepo je doći čovjeku na vrata kad je u teškoj situaciji, znači to puno. Ja sam obišao skoro sva područja, bio sam u skoro svim MZ i dao sam svoj doprinos onoliko koliko sam mogao. Želim da pohvalim našeg Načelnika, službe, vatrogasce, policiju. Načelnik je isti dan obišao sa svojim saradnicima sva ta poplavljena naseljena mjesta gdje se desilo to nevrijeme. Želim da pohvalim KJD s direktorom na čelu koji je dao maksimalno sebe na raspolaganje i radnike koji su radili i sutobom da se ukloni mulj, da se očiste ulice da se maknu one krupnije stvari koje su ljudi iznijeli. Bili smo s ljudima na terenu i dali smo onoliko koliko smo mogli. Štete su ogromne, pomozite koliko možete sa svojih strana, ako imate kakvih veza sa viših nivoa dovedite ljude da se pomogne stanovništvu.

**Vijećnik Safet Jašić**, božije davanje je bilo i 2014.godine i sistem totalno zakazao i ovdje bilo održavani plenumi ne sjednice OV. Tako da malo napravimo jednu usporedbu a neuporedivo veće poplave bile nego što su bile u maju ove godine.

Ja ću iznijeti stavove Kluba poslije svih ovih diskusija i kolegice Hasanić kad su u pitanju ove poplave i ova tačka dnevnog reda.

Klub vijećnika SDA je prilikom usvajanja dnevnog reda za ovu sjednicu tražio da se danas održi vanredna sjednica OV na temu elementarne nepogode koja je zadesila dijelove općine Maglaj dana 13.05.2019.godine i obzirom da naš prijedlog nije prihvaćen a imajući u vidu značaj i problematiku saniranja šteta od poplava iznosimo slijedeće stavove.

1. Žalosno je da ova informacija počinje usporedbom poplave iz 2014.godine i odmah se napada tadašnja općinska, izvršna i politička vlast iako se poplava iz 2014.godine vrlo teško može usporediti sa poplavom od 13.05.2019.godine.
2. Zbog čega uoči ove poplave nije bilo znaka za uzbuđivanje sirene za opasnost od poplave o čemu su se vodile velike debate 2014.godine.
3. Žalosno je da prilikom ove poplave općinska vlast je izvanredno funkcionisala, a da ne funkcionišu viši nivoi vlasti kako to stalno ističete a da u poplavi 2014.godine nije bila dobra općinska vlast a bili su dobri viši nivoi vlasti, vjerovatno jer su tada viši nivoi vlasti bili iz jedne druge političke partije.
4. Ne želimo politizirati ovu situaciju jer nam je na prvom mjestu interes građana i pomoć građanima i privrednim subjektima i sanaciji šteta, te tražimo slijedeće:
  - Da se navede tačno ko su vlasnici 83 stambena objekta poplavljena i mjesne zajednice u kojoj se nalazi stambeni objekat.
  - Da se tačno navedu pomoćni objekti na kojima je pričinjena šteta i vlasnici istih i mjesne zajednice u kojima su isti locirani.
  - Da se tačno navede koji su to poslovni objekti na kojima je pričinjena šteta i sjedište objekta i mjesna zajednica u kojoj je locirani objekat.
  - Da se navede koje su to javne ustanove i njihove sjedište koje su poplavljene i oštećene u poplavama.

- Da se tačno navede putna dionica, odnosno 76,40 km na kojima je pričinjena šteta od kako je to navedeno u informaciji od 1.100.000,00 KM.
  - Tražimo da nam se ove informacije dostave do slijedeće sjednice OV.
5. Tražimo da se utvrde principi, kriteriji i mjerila za sanaciju šteta od poplava kada su u pitanju stambeni objekti.
  6. Tražimo da se tačno navedu nova klizišta koja su se pojavila uslijed ove elementarne nepogode sa tačnom lokacijom odnosno u kojoj MZ se nalazi svako novo klizište.
  7. Tražimo da se dostave naziva i vladinih i nevladinih institucija od kojih je Općina Maglaj tražila pomoć za sanaciju šteta.
  8. Već tri godine Klub SDA stalno traži da se povećavaju sredstva u Budžetu za izradu projektne dokumentacije za sanaciju postojećih klizišta, ali ste vi na ova naša traženja ostajali i gluhi i nijemi. Još jednom insistiramo da se odmah pristupi izradi rebalansa Budžeta i da se obezbijede sredstva za izradu projektne dokumentacije za stara i nova klizišta koja ugrožavaju putne komunikacije, stambene objekte. Pitamo i koliko se projekata za sanaciju klizišta uradili za ove tri godine i koliko je sanirano klizišta u ovom periodu?
  9. Predlažemo da svi 83 vlasnika poplavljenih objekata isplati najmanje po 1.000,00 KM iz Budžeta Općine kao inicijalna sredstva za sanaciju šteta. A naše mišljenje je da je svaki objekat koji je poplavljen morao pretrpjeti štetu od najmanje 1.000,00 KM i da se pri tom ne čeka da se prvo naprave principi, kriteriji i mjerila.
  10. Želimo istaći da se za izradu projektne dokumentacije i jednokratnu novčanu pomoć sredstva mogu izdvojiti iz suficita koji je iskazan u Budžetu Općine Maglaj.
  11. Tražimo da nam se dostavi informacija na osnovu koje je proglašena elementarna nepogoda poplava i klizišta u Donjem Rakovcu, Kosovi, Ulišnjaku, kako je to navela i Mjesna zajednica Liješnica u svom dopisu koji vam je upućen i da li se možda radi o sredstvima koja su potrebna za sanaciju starih klizišta a ne klizišta koja je izazvala ova elementarna nepogoda od 13.05.2019.godine, ili se radi o asfaltiranju raznih putnih pravaca koje ste obećali u predizbornoj kampanji.
  12. Tražimo da svaka naredna sjednica OV kao prvu tačku dnevnog reda ima Informacija o sanaciji šteta uzrokovanih u elementarnoj nepogodi od 13.05.2019.godine i da nam za prvu narednu sjednicu dostavite informacije koje ste tražili i pripremite rebalans Budžeta po hitnoj proceduri, a za projektovanje i sanaciju klizišta i jednokratnu novčanu pomoć od po 1.000,00 KM za svaki stambeni objekat pojedinačno.

**Vijećnica Irena Herceg,** Ne mogu a da ne komentarišem, nisam se javila kada su gospođa Hasanić i direktor Doma zdravlja raspravljali. Što se tiče biocida koji se koriste za dezinfekciju, s obzirom da radim u firmi koja se bavi prodajom tih sredstava i da na teritoriji RS radim kao savjetnik za hemikalije i bavim se registracijom ovih proizvoda u skladu sa Zakonom o biocidima, moram da kažem vama da se biocidi nalaze u slobodnom prometu, dostupan je svim građanima, tako da ova konstatacija da se ugrožavaju građani time što je Dom zdravlja dao sredstva, moram da vam kažem da većina građana nije ni čekala da dobije ta sredstva, nego su ih kupili na tržištu Federacije ili RS i sami izvršili dezinfekciju. Ta sredstva za dezinfekciju su kako sam i rekla dostupna na tržištu i prema Zakonu o biocidima na svojim pakovanjima imaju uputstvo i obavezno je na koji način će se izvršiti dezinfekcija. Dom zdravlja vjerujem da je dao uputstva i ne vidim nikakav problem, niti bilo kakvo ugrožavanje građana. Sredstva su dostupna i možete ih kupiti u neograničenim količinama i ako hoćete možemo reći da onda mi svi koji se bavimo time i firme ugrožavamo život građana, a što nije istina.

**Vijećnik Elvir Vehabović,** ja bih se zahvalio kolegici Ireni na objašnjenju. Ja sam razmišljao da li da izađem i da pročitam ovo sve, ali pošto je kolegica Irena krenula ja ću da stanem. Našao sam čak i mjesto gdje se može kupiti, imate na raznim sredstvima, pa sam našao čak i cijenu na PIK-u 11,00 KM 900 grama. Jedino što ima Izosan napomenu da se mora paziti gdje se nalazi da li je osjetljiva prostorija na koroziju. Znači imate šta sadrži, kako se upotrebljava itd. Tako da konstatacija da smo mi dali otrov je veoma nekorektna.

**Vijećnica Svjetlana Zamboni,** ispravka krivog navoda – u iznošenju stavova Kluba SDA koji je vidim već pripremljen i ištampan, iznijeli ste konstataciju da se ovdje vodila diskusija u kojoj su optuženi viši nivoi vlasti vezano za nedjelovanje u momentu ove prirodne nesreće, što niti u jednoj diskusiji nije ni spomenuto. Molim da u zapisnik uđe ispravka krivog navoda.

**Vijećnica Šefka Hasanić,** drago mi je da sam isprovocirala ovakvu diskusiju. Odgovorna osoba direktor Doma zdravlja bio je u obavezi da obezbijedi stručna lica koja će izvršiti dezinfekciju i dezinsekciju poplavljenih područja, i kao član Štaba CZ i po ne znam kojoj još funkciji.

**Predsjedavajuća,** dozvolit ću samo još jednu repliku gospodinu Vehaboviću i zaključiti raspravu. Gospođa Herceg je iznijela kao stručnjak u oblasti biocida stav, nisam mislila da će se ponovo otvoriti rasprava po ovoj temi.

**Vijećnik Elvir Vehabović,** ja sigurno po ovoj temi neću više izaći, na početku svog izlaganja sam rekao da je dužan Institut za zdravlje i sigurnost hrane vršiti dezinfekciju, dezinsekciju i deratizaciju na području općine Maglaj, a ne doktor Vehabović ni Dom zdravlja Maglaj. Nego smo da ne čekamo gore njih podijeli narodu da sebi uradi dezinfekciju jer ovi nisu još ni došli da vide.

**Vijećnik Safet Jašić**, replika – mene pravo čudi predsjedavajuća da se vi primjetili kako smo se mi pripremili za ovu tačku dnevnog reda, obično kažete da smo nepripremljeni.

**Vijećnik Mirza Bradarić**, ja kao predsjednik Kluba moram malo reagovati na ovo. Pozorno sam slušao u ime Kluba SDP-a želim reći pošto sam bio na zadnjem kolegiju da mi nismo bili protiv vanredne sjednice i nismo ni u ovom momentu, niti je Načelnik osoba koja je rekla da ne želi vanrednu sjednicu. Moram na to reagovati. Na prijedlog gospođe Alibajraktarević koja je rekla da ovo može biti samo preliminarna informacija a da će izvještaj zbog metodologije rada i način rada biti gotov do nekog 10.06. i kada taj Izvještaj bude gotov naravno da ćemo odmah, ako je moguće sutradan sazvati vanrednu sjednicu i raspravljati o ovim stvarima. Niko nije protiv vanredne sjednice, ali pošto moram pratiti te pravilnike moramo pričekati da preliminarni izvještaj bude gotov kako bi ga moglo vijeće usvojiti kako bi moglo dalje ići prema višim instancama.

A što se tiče sirene, ja je zovem sirena za uzbunu, sirena za alarm, gospodin Jašić je rekao sirena za uzbuđivanje, meni lično ne treba nikakva sirena da bih se uzbudio, ja imam puno drugih način za uzbuđivanje.

**Vijećnik Safet Jašić**, igramo se riječi, hoću da kažem ovo vidjelo se ko je za vanrednu sjednicu a ko nije.

Vanredna sjednica vijeća je trebala biti zaista vanredna i hitna. Odmah poslije samih poplava, meni je žao mi to danas na redovnoj sjednici raspravljamo da li je uopšte trebala vanredna sjednica ili nije. Normalno je vanredna sjednica je kolegija bila i trebala je ići vanredna sjednica vijeća i ranije je trebala biti i sjednica Kolegija.

**Vijećnik Hajrudin Fermić**, možda će Načelnik da zaboravi ovo sve u svojim odgovorima, da ja ipak napomenem. Dakle, ja koliko razumijem ovo što mi danas imamo od materijala to je samo informacija odnosno samo podaci koji su na osnovu prijava građana i pravnih ili fizičkih lica dosta nakon što su popunili onaj obrazac u Službi CZ. Tu je svega i svačega i tek kad komisije završe svoj posao mi ćemo znati pravo stanje stvari i procjenu. Da ne bude zabune zbog javnosti da ispadne da ovo što su građani prijavljivali da je to ta šteta i ako bude nekih eventualno zloupotreba da Komisije to urade profesionalno, korektno, objektivno i po prioritetima.

**Predsjedavajuća**, gospodin Maglica je bio vrlo jasan na sjednici Kolegija, obrazložio je on to lijepo i ukazao šta će sadržavati ova Informacija, tako da je i to bilo jasno.

Ukoliko nema više diskutacija, ja bih zaključila raspravu i zamolila Načelnika da se osvrne malo na vođene diskusije u toku prve tačke dnevnog reda.

Zaključujem raspravu

**Načelnik općine**, da se vratimo prvo je li vanredna ili redovna. Nije šija jest vrat . Bitno je da je sjednica, ali kako smo došli do sjednice. Sazvan je vanredni kolegij i iz razloga što imamo pravila igre, da prije redovnog kolegija tri dana ranije dostavimo materijale itd. nismo htjeli gubiti vrijeme od tri dana nego smo sazvali vanrednu sjednicu Kolegija. Na Vanrednoj sjednici Kolegija dogovoreno je ovo danas što imamo. Ovo danas što vam je ponuđeno to je na sjednici Kolegija dogovoreno. Predsjednik Kluba SDA nije tražio ništa drugačije, čak je bio jako konstruktivan, pa nećemo politizirati jer mi znamo da je ovo problem, međutim kad šef nasavjetuje i napiše na tom listu da imate, onda se to sve obrne. Kad ste imali vanrednu sjednicu 2014.godine. Prošlo je mjesec dana nije bilo sjednice. Zna to i vijećnik Buljubašić koliko je skak'o i tražio da se održi sjednica vijeća. Kako je Kolegij dogovorio danas imate sjednicu Vijeća. Čim se završi Izvještaj neće biti do 10.juna, bit će puno prije bit će iduće sedmice, dakle imat ćemo iduće sedmice i Vanrednu sjednicu da se usvoji Izvještaj o nastalim štetama.

Gospodin Fermić je prvi izašao i hoću da kažem da je puno toga urađeno kad je u pitanju prevencija. Da smo održali do oktobra sjednicu ne bismo imali praktično ništa pripremljeno. Danas imamo puno toga više. Ovo što je rekao gospodin Fermić da treba predočiti u papire pod zakon itd. to upravo i radimo. Mi smo dio programa koji sponzoriraju Češka vlada i realizuje UNDP-i Maglaj, Livno i Mrkonjić Grad, Plan prevencije od katastrofa, znači Plan upravljanja rizicima od katastrofa. Kako i sami rekoše na obukama, što ne možemo uticati u katastrofama, ali možemo uticati prevencijom. Da vam kažem mi ćemo taj projekat završiti relativno brzo i poslije toga ćemo zakazati ovu sjednicu, s ve to prezentirati, naravno trebat će se i usvojiti na OV. Ono što smo uradili u međuvremenu imali smo sastanak prije dva dana ovdje u Općini, gdje su bili predstavnici UNDP-i i bio stručnjak iz EU gospodin Mihovil Nekvasil, gdje su prezentirali nacrt Programa plana prev encije od katastrofa i na kraju bili su i mediji bila je MTV, ja nisam imao priliku ni sinoć ni preksinoć Reporter, možda su objavili, možda nisu, ali smo dobili pohvale za ono sve što smo uradili u posljednje dvije godine, što smo dokumentovali papira i što oni će da pretoče u dokument koji će biti ovdje pred vama.

Želim reći da niko ovdje nažalost nije pomenuo ni DRAS imate na web stranici, imate tamo rizike 20-togodišnje, 5-godišnje, 100-godišnje, vode, plavna područja, imate obilježene i osobe sa potrebama u takvim situacijama itd. ali očigledno nije niko ušao da vidi šta ima, nego traže po papirima da vide šta se može ovdje iznijeti kao kritika.

Da li smo imali puno fulova? Nismo imali puno fulova, dakle nešto se radi u pozadini, što u ovom trenutku ne vidite, ali će doći pred vas, ali smo zapravo imali malo vremena u svim ovim poslovima koji su u sklopu općinske administracije. I ove procjene koje idu, procjene ugroženosti, radimo i na procjenama ugroženosti, ne samo poplava nego i poplava i klizišta i požara i zemljotresa i to je dokument koji ćete na kraju imati ovdje. Sve je to u procesu, vrlo ozbiljno i sa vrlo ozbiljnim ljudima koji rade na tome.

Kad su u pitanju povjerenici po mjesnim zajednicama i ja sam iznio stav prekuće na sastanku sa ovim ljudima, da nismo zadovoljni i očigledno je da predsjednik MZ nije praktično da bude i povjerenik MZ neko ko možda zna raditi i voditi MZ i politiku, nije stručan i praktičan na terenu i to je nešto što moramo dobro poraditi u narednom



periodu, kada je u pitanju funkcionalnost povjerenika, CZ, funkcionalnost stanovništva u ovakvim kriznim situacijama i naravno vrijeme je da se i ovaj svezani čvor oko DVD da se i on raspetlja.

S obzirom da je vijećnica Hasanić iznijela da je ovo njen lični stav da ne poslije bila replika, to je stav Kluba. Navikao sam ja na ovakve vaše stavove koji nisu sigurno s dobrom namjerom. Koliko je sistem napredovao? Puno je sistem napredovao u odnosu na ono što je bilo. Zašto nismo uzbunili građane uz bujičaste rijeke? Mogu reći da ne razumijem pitanje. Ako smo održali Štab, ako smo upozorili javno sve, šta ih očekuje od nedjelje poslije podne, zar nismo uzbunili. Ako mislite da ljudi u Kopicama, Čobama, Jablanici itd. čuju sirenu sa Vatrogasnog koja će ovdje svirati i uzbuniti ljude koji se nalaze na gradskom području koji ne treba uzbuniti, a neće doći do onih do kojih je trebalo doći. Bujičasta rijeka onako kratko vrijeme, onolika količina vode, ko je to u stanju uzbuniti. Ja bih volio da budete stručni pa da to kažete. Sirene i vreće evo vreće smo imali za ovaj dio ovdje, jestel to mislili da imamo vreće da napravimo obalo utvrdu na svim pritokama rijeke Bosne na području općine Maglaj, nadam se da ste se šalili.

Obaloutvrda u zadnje tri godine, šta da kažem. Obaloutvrdu ne radi Općina. Bilo je uvriježeno mišljenje na području općine Maglaj da to radi sve SDA i da radi predsjednik SDA. Nije tačno, građani moraju znati da to rade institucije. Obaloutvrde se rade iz sredstava Agencije za sliv rijeke Save. Trenutno je završen projekat nastavka od gradskog mosta prema željezničkom mostu. Po obezbjeđenju sredstava bit će izvršeni i radovi.

Vještački poligon, ovo je već predizborna stvar. Kakav vještački poligon? Ne razumijem poligon napravljen u Šeheru, vještački poligon. I vještački poligon kriv zašto je poplavljeno sve nizvodno od poligona. Ovo apsolutno ne razumijem, ovo nema logike ni zdravog razuma.

Da se vratimo na pesticide, biocidi. U pravu je ovdje doktor Vehabović da smo čekali nadležnu instituciju ne bi ih ni danas dočekali, k'o što ih i nismo dočekali, nisu se ni pojavili ni ovdje ni na drugim mjestima. Ovo što je urađeno ja pohvaljujem direktora Doma zdravlja koji je odmah stupio u akciju obezbijedio, lično smo bili na terenu, razgovarali s građanima, zadovoljni su bili s takvim načinom uz konstataciju da je vjerovatno onaj prašak za zlatice puno otrovniji od ovog sredstva koje se koristi po objektima.

Bešić, ovdje sam stavio upućen zahtjev na mnoge adrese, Ministarstvima, Vladama, Međunarodnim organizacijama, Fondacijama, Agencija itd. spisak ovdje nemam kod sebe, zna gospođa Alibajraktarević, radila je na tome, tako da možete dobiti i tu informaciju.

Klub vijećnika SDA ovdje u jednoj stavci kaže ne želimo politizirati, kamo sreće da je to tako. Svi ovi principi koje se iznijeli čista politizacija, dobit ćete izvještaj koji je zakonski. Igra 1.000,00 KM iz Budžeta od suficita, je očigledno da ni dan danas, a nekoliko puta sam vas upozoravao i govori da naučite šta je suficit, očigledno ni dan danas ne znate šta je suficit. Nisu to novci koje je neko zaštekao u zadnji džep pa nosa sa sobom. To je već raspoređeno i u realizaciji ili je realizovano. Da napomenem 2014.godine Općina Maglaj ni jedne marke nije dala poplavljenima iz svog Budžeta. To je novac koji je došao od Fonda. Ja nisam u svom izvještaju pomenuo nikakvu politizaciju lokalni, viši nivo vlasti itd. Kad ste pomenuli vratit ćemo se na 2014.godinu. Tadašnji premijer federalne Vlade je bio odmah sutradan na području općine Maglaj. Osnovan je Fond za poplavljenima, realizovane mnoge aktivnosti na području općine Maglaj, uspjeli smo boreći se kroz Vijeće da pomognemo i onoj grupi građana koji su sami realizovali, novac je trebao da ode kroz jaranske fondove dalje. Mi do danas nemamo informacije nikakve s viših nivoa vlasti o pomoći poplavljenim područjima govorim o općini Maglaj, a za razliku od toga znamo da je Vlada RS odmah opredijelila 2 miliona KM za pomoć. To je čisto paralela koju ste tražili da se ovdje kaže.

**Vijećnica Šefka Hasanić**, replika - ja ću replicirati samo jednom rečenicom i samo ću reći: Ima li logike i pameti vaše izlaganje?

**Vijećnik Safet Jašić**, ja mislim i smatram da je Klub SDA iznio niz dobrih prijedloga, konstruktivnih prijedloga u rješavanju ovih problema i rekao sam na kraju svoje diskusije, nadam se da ćemo dobiti ove odgovore da neće biti praksa ko do sada da ne dobijemo odgovore ni na vijećnička pitanja, a kamo li na ove naše diskusije.

Ovi odgovori Načelnika mi ne trebamo takve odgovore, nama to nisu odgovori sa podsmjehivanjem, potcjenjivanjem naših prijedloga itd. Mislim da je vrijeme da se prestane sa tom praksom.

Vrijeme je da Načelnik krene sa diskusijama kao Načelnik, a ne kao predsjednik Kluba SDP-a ili nekoga drugog bloka. Ima ko da odgovara na ova sva pitanja, Načelnik je taj koji načelnički treba da se ponaša i da bude Načelnik i vijećnika SDA i ostalih vijećnika u OV i građana također. Prema tome, ovo nisu odgovori koje treba da daje Načelnik i mi nismo zadovoljni sa ovim odgovorima nikada nismo ni bili. Ja sam mislio da će ta praksa prestati, međutim, ne prestaje.

**Vijećnica Dženita Smajlović**, - replika – pošto je ovo moj prvi mandat, ja se ni u kojem slučaju ne osjećam odgovornom za to kakav je prije bio saziv vijeća. Molit ću gospodina Načelnika pošto mene lično a vjerujem i ostatak mog Kluba vrijeđa i smeta mi kad on govori da nama neko nešto piše. Izvinite, molim vas Safet jest predsjednik našeg Kluba, ali on nije jedini, mi se prije sjednice sastajemo, razmatramo materijal, usaglašavamo naše stavove, iznosimo mišljenja, a ovo što je gospodin Safet iznio svi ovi stavovi našeg Kluba i prijedlozi to je sve u cilju transparentnosti, pogotovo što se tiče ovih objavljivanja imena da bi sredstva otišla tamo gdje treba, a ne da se zakrpljuje tamo gdje se nije stiglo.

**Načelnik općine**, i ja repliciram – naravno vijećnice Hasanić da ima logike i pameti. Ja se ne ponašam na način kako se vi ovdje ponašate, vrlo neukusno, provokativno i evo ako vam dvije osobe stručne daju do znanja o nečemu vi i dalje tvrdoglavo prozivate i blatite i direktora Doma zdravlja, da li je po zakonu nešto što je dao a što imate u slobodnoj upotrebi itd. dakle, nije to vaš nastup danas vi to stalno radite i naravno da onda zaslužujete i odgovor.

Vijećnice Jašiću ja ne razumijem, ne trebaju vam odgovori, pa onda treba odgovor. Ne možete postaviti pitanje a nećete odgovor. Nemojte postavljati pitanja ako nećete odgovor. Vi ćete dobiti odgovore, a da li ćete vi biti zadovoljni to je druga stvar. Ja jesam načelnik svih građana i vi to dobro znate, vi dobro znate ko je načelnik i znate ko nije načelnik.

To što je vaš problem što ne možete preboliti to je druga stvar. Vi ste ovdje iza govornice rekli kad je bio naš Načelnik. Ja nikad nisam rekao da nisam i vaš načelnik, jesam i vaš načelnik i bit ću.

Na kraju možda se vi ne slažete vijećnice Smajlović, ali ako iznese Klub ovakvo pitanje, stav itd. ja dam repliku klubu, ja nisam dao repliku vama. Da li se vi s tim slažete ili ne slažete, ja nisam čuo da ste se ogradili od mišljenja Kluba. Prema tome ja vraćam odgovor Klubu, jer je gospodin Jašić iznio stav Kluba SDA. Ja bih volio da imam priliku da vas hvalim kao Klub.

**Predsjedavajuća**, jako je teško sačiniti zapisnik, prvo ne čuje se tonski šta se dobacuje s mjesta. Ja ne mogu unijeti u zapisnik ono što vi s mjesta govorite, jer to nije izneseno sa govornice. Molim vas ako imate bilo šta nekom replicirati, ispravka krivog navoda, poslovnički imate pravo na to, podignite ruku, izaći ćete onoliko puta koliko puta imate repliku i da završimo sa načinom.

**Vijećnica Selma Avdić**, replika – ja misli da danas nije ni mjesto ni vrijeme da se ovoliko vrijeđamo. Prvo lijepi je Ramazan to je jedan mjesec u kome trebamo pokazati svoju humanost, svoju dušu i svoju dobrotu. Ne trebamo dozvoliti da se vrijeđamo kada se dešavaju ovakve stvari na terenu. Ja sam 2014.godine prošla nešto što je bilo veoma ružno i ne bih voljela da se ikad ikom bilo to ponovi. Nakon 15 dana nakon poroda sam došla za ovu govornicu da bi govorila iz srca i duše, čak sam i plakala. Bili ste svjedoci toga. Uvijek se nešto napada, napadaju se jedni, napadaju se drugi. Jel to rješenje? Nije rješenje da se napadamo, rješenje je da nalazimo rješenja. Rješenje je da budemo konstruktivni, da budemo ljudi, da budemo fer i korektni. Da odgovorimo svim onim ljudima koji su nam dali glasove, koji su bili uz nas. A Načelnik treba da bude Načelnik svih nas. Nije ovdje vas niko vrijeđao Načelnice, kad god sam izašla za ovu govornicu rekla sam poštovani, nisam vrijeđala ni SDP, ni SBB, ni nezavisne niti bilo koga, niti ću to da radim. Ja sam vijećnica svih građana ove općine i tako ću se ponašati.

Poštovani Načelnice, ja vas molim da ubuduće ne govorite, šef ovaj, šef onaj. Vjerujte da svako od nas ima svoje mišljenje i ja kao hemičar sam mogla izaći da govorim o biocidima, ali vjerujte radi smrtnog slučaja u svojoj porodici sam jedva došla danas na ovu sjednicu, a ja mislim da svi trebamo dati sebe onoliko koliko možemo. Poštovani kolega Beša da li ste vi došli meni na vrata kada se desila poplava 2014. godine, kad sam imala bebu od 15 dana. Sad se i ja vama obraćam, kao jedina porodilja tada u općini Maglaj niste došli poštovani kolega. Ne trebamo prozivati jedni druge, nego trebamo pomoć ljudima. Hajmo svi učiniti koliko god možemo jedan maksimum. Ne treba niko ovdje nikome držati ni predavanja niti bilo šta. Hajmo biti konstruktivni nas 25 zajedno sa ovim Načelnikom.

**Vijećnik Bešić Mustafa**, što se tiče 2014.godine, bio sam predsjednik MZ i jedan sa sam od prvih ljudi koji je došao u Misuriće da dam podršku i dovezli smo hranu. Nisam lično Selmi došao ali sam dao podršku građanima općine Maglaj.

Ovdje se svi igramo kao mace i miša. Načelnik naš, nije naš. Ja ću vam iznijeti jednu stavku, Ramazan je i stvarno i ja ne želim da griješimo. U Šeheru neki dan radimo, čistimo ulice ide gospodin premijer sa ljudima sa pratnjom i ja se nalazim na terenu u Novom Šeheru, čistimo ulice idu auta prolaze, dolaze u Domislucu i ja sam neki čovjek koji trenutno obnaša dužnost i vijećnik sam ma niko Bešu ni ne pita. Dođu gore svi, znači što mi odgovara ja ću tako raditi, a što mi ne odgovara ja neću. Mada to nije istina sve, moramo prihvatiti i jednu i drugu stranu. Ako je Načelnik, ja prihvatam i Premijera, ja ću se prvi uslikat neka dođu svi i pohvalit ću ga javno što god je uradio. Svakog čovjeka.

Pauza

**Predsjedavajuća**, zaključujem raspravu i predlažem :

- **Prima se k znanju Informacija o provedenim aktivnostima i preliminarnoj šteti tokom elementarne nepogode 13/14.05.godine, da se iznesene sugestije u okviru ove diskusije uzmu u obzir.**

**AD -2 Izvještaj o radu Jedinog općinskog organa uprave Općine Maglaj za 2018. godinu;**

Otvaram raspravu

**Vijećnik Mirza Bradarić**, Klub SDP-a će prihvatiti Izvještaj o radu Jedinog općinskog organa uprave Općine Maglaj za 2018. godinu.

Želim da čestitam i Načelniku i svim službama na sveobuhvatnom poslu koji su uradili u toku prošle godine. Naravno ovaj put zaista čestitam i Službama i ako smo često znali upućivati kritike, ovaj put upućujem čestitke iz

jednog prostog razloga, svi ti ljudi su radili i prije u tim službama u Općini, međutim, sad imaju sve te službe jednog dobrog jakog koordinatora koji je zaista, mislim na Načelnika, koji je uspio iskoordinirati sve one obveze koje su bile u mogućnosti se ispuniti i onoliko koliko u stvari Budžet za 2018.godinu davao mogućnosti da se uradi. U ovom općem dijelu Izvještaja ima jako puno informacija, pa ću ja ovako i u ime Kluba i u svoje lično ime reći da mi je drago kada na stranici broj 2, vidim pregled projekata započetih ili realizovanih tokom 2018.godine, zaista sve ove stavke nabrojane su od izuzetne važnosti, međutim mene lično najviše raduje ova stavka da su obezbijedena sredstva za projektnu dokumentaciju za saobraćajni most preko rijeke Bosne na potezu sjeverni dio grada do Čakalovca. Jako puno se među ljudima komentarisalo, da li je to bilo samo mrtvo slovo na papiru, da li ima išta od tog mosta. Međutim, ovo je zaista dokaz da to više nije mrtvo slovo na papiru da se konačno krenuo sa realizacijom pa barem ove projektne dokumentacije a ja bih zaista zaželio Načelniku da istraje u ovom, ili ako Bog da barem do kraja ovog mandata tj. most bude ako je ikako moguće i realizovan i završen, a da na početku svog drugog mandata zvanično presječe i tu vrpcu svečanu kako bi olakšalo život i stanovnicima Čakalovca, posebno mislim na djecu koja idu u školu i na Čakalovcu, Bijeloj Ploči, Jablanici i svim onim dole mjesnim zajednicama koje gravitiraju niz rijeku Bosnu.

Također raduje me činjenica i da u mjesnoj zajednici Liješnica krenulo se sa izgradnjom industrijske poslovne zone, tako da zvanično imamo i krenuli smo i sa izgradnjom u Misurićima, krenut će to i u Liješnici, tako da svaka čast i ono što mogu reći da vam želim puno uspjeha i sreće u realizaciji samih ovih projekata.

Još jedna stvar na čemu vam želim čestitati je da ste zaista bili u ovom proteklom periodu Načelnik koji je bio zastupljen u svim mjesnim zajednicama. Kroz ovaj Izvještaj, a možemo reći da kroz ovaj izvještaj nisu sve one tzv. Sitnice nabrojane, toga bi bilo jako puno, ali ono što znam sigurno iz ličnog iskustva iz razgovora s ljudima da zaista ste bili i vi s šefovima i uposlenicima razno-raznih službi bukvalno na čitavom području općine Maglaj. Ja mislim da nema ni jedna MZ u kojoj u proteklom periodu nije nešto ili započeto ili već završeno.

Što se tiče ostalih Službi privreda i finansije, radili su jako puno projekata, imali su saradnju sa svim i sa jako puno vladinih i nevladinih organizacija, pogotovo ova stavka kad je poljoprivreda u pitanju, Budžet 185.000,00 KM realizovano u procentu 85,27% ali iskreno se nadamo da će i taj Budžet za slijedeću godinu biti opet povećan, pa da će još više olakšati svim poljoprivrednicima.

Služba za urbanizam, već sam spomenuo neke stvari koje se tiču urbanizma, pohvalno je zaista da 6.590 prijava koje su pristigle u Službu za urbanizam, njih je uspješno riješeno 5.859, uz konstataciju da se nadamo da će i ovaj preostali broj slučajeva koji su u postupku da će biti riješeni.

Što se tiče Službe za BiZ, opću upravu i društvene djelatnosti, i oni su jako puno radili. Ono što mogu reći da kada je sport u pitanju, meni je drago. Ja sam u proteklom mandatu imao jako puno zahtjeva i tu ste ovi što su bili u prolom mandatu svjedoci su da sam ja nekoliko puta u ime razno-raznih sportskih klubova podnosio inicijative za rješavanje finansijske problematike za neredovne uplate i meni je drago da u ove 2,5 godine nisam došao u situaciju da iko, bilo koji predstavnik sportskog kluba ima ovakav zahtjev ili ikakvu molbu, što znači da i to ide korektno, regularno.

Malo prije smo rekli sa Štab CZ, zaista ovaj put, nažalost niko ove poplave-elementarne nepogode nije mogao spriječiti, ali eto barem se uspjelo koliko toliko suzbit ta šteta koja je nažalost moga biti i puno veća da se na vrijeme nije reagovalo i uzbunilo.

Na samo kraju Načelniče, već je u prethodnoj tački rečeno da pokušate prema svim instancama i institucijama poslati dopise na bilo koji način da se pokušaju naći sredstva kako bi se ovim ljudima kojima su objekti u elementarnim nepogodama stradali, kako bi se barem jednim dijelom namirili štete.

U ime Kluba SDP-a puno sreće u budućem radu.

**Vijećnik Bešić Mustafa**, i Klub samostalnih vijećnika će podržati Izvještaj o radu Jedinštenog općinskog organa uprave Općine Maglaj za 2018. godinu. Želim da napomenem da mi je jako drago što je na cijeloj općini Maglaj obuhvaćene sve mjesne zajednice naseljena mjesta, radi se onoliko koliko se može. Pohvaljujem izvještaj poljoprivrede gdje je za 2018.godinu planirano 185.000,00 KM, a u 2019.godini smo povećali na 190.000,00 KM. Ovim pokazujemo poboljšanje uvjeta za naše poljoprivrednike, srdstva se svake godine povećavaju i mislim da će iduće godine ako Bog da biti 200.000,00 KM. Puna podrška u daljem radu.

**Vijećnik Hajrudin Ferić**, kao vijećnik ispred političkog subjekta DF moram istaći da smo mi od samog početka od 2016.godine prije izbora pružili i dali podršku kandidatu sadašnjem Načelniku na bazi nekoliko principa koje smo zajednički potpisali i usvojili i prihvatili kao neku zajedničku politiku u narednom četverogodišnjem periodu i mandatu i to je nama reper kad ocijenjujemo rad Načelnika općine, koliko realizujemo te principe. Na osnovu analize te realizacije i tih programskih principa možemo i danas govorim jeste da ćemo prihvatiti ovaj Izvještaj o radu Jedinštenog općinskog organa uprave Općine Maglaj za 2018. godinu. Iz prostog razloga jer su uglavnom svi oni principi koji su potpisani njih 13 sa nekim principima da vas puno ne opterećujem time ili realizovani ili su u fazi realizacije. Naravno svi mi želimo da to ide brže, da bude kvalitetnije, bolje i u interesu i na zadovoljstvo građana. Proces je takav puno je naslijeđenih problema i naravno ono što također treba uzeti u obzir prilikom ocjene rada Načelnika pogotovo 2018.godine jeste ambijent koji je vladao tokom cijele godine kako u državi, federaciji tako i u kantonu i ja ovdje sam slobodan da iznesem da je na neki način ova garnitura i dobrim dijelom i talac ovakve strukture političke vlasti općine Maglaj, na drugačije strukture vlasti gore. To se može vidjeti i prema

određenim i projektima koji dolaze, koji su odobravani, koji sugerišu da se prijavimo to se može vidjeti i još puno drugih nekih stvari, tako da i po tome može se reći da i taj Budžet koji je bio 2018.godine takav kakav jest zadovoljio one nekakve minimalne osnovne potrebe i principe lokalne zajednice da bez nekih velikih potresa osim ovih prirodnih nesreća i proguamo tu 2018.godinu. To su činjenice i to se mora ovdje iznijeti. Ono što mi uporeno pokušavamo da usmjeravamo da ubrzavamo jeste između ostalog i to jačanje administracije u stručnom smislu, smislu znanja, efikasnosti, certificiranja usluga, podrške građanima itd. ja znam da se i na tome radi da bi sigurno to jedan od nekih glavnih prioriteta u 2019.godini, pa i 2020. Trebao da bude. S druge strane također moram da istaknem jednu sugestiju da ipak malo više nam treba transparentnosti u radu Načelnika općine u pojedinim oblastima. U pojedinim oblastima zaista je sve više nego transparentno i možda i što ne bi trebalo, dok u pojedinim oblastima još uvijek kaskamo u odnosima Načelnik-Vijeće. Pomenut ću ja i sport, kulturu, sobijalnu zaštitu itd. pa u tom smislu da malo poradimo u 2019.godini i 2020.godini.

Ja imam jedno pitanje i volio bih da mi odgovori Načelnik jer sam vidio a jako je važno. Pročitao sam da je dana podrška za izgradnju objekta za tov pilića – brojlera u Novom Šeheru Enaru. Ja predpostavljam da se radi o onom objektu u Čobama. Pa me interesuje sa kakvim informacijama baratala konkretno mjesna zajednica i jedna i druga, koliko su one bile uključene. Predpostavljam da je to nadležnost ministarstva jer treba da da okolinsku dozvolu, u tom procesu morali su se pitati građani Novog Šehera i Čoba, naravno i naše službe, pa ja znam i OV na određeni način, ali to nam je prošlo ovako. Skoro kad sam vidio to je već praktično u fazi otvaranja realizacije i volio bih samo da znam iz prostog razloga da nam se ne bi desilo ova peletara Borik, ništa javnost nije znala, nije bila uključena a ovo je vrsta proizvodnje, vrsta djelatnosti koja također može, nadam se da neće, a može izazivati određene negativne reakcije dijela stanovništva na tom području. To me interesuje da li imate informaciju koliko je javnost, koliko je administracija i koliko je uopšte mjesne zajednice bile uključene u cijelom tom postupku.

Hoću da kažem da podršku u realizaciji svih svojih ciljeva ima u nama u DF i to je nešto što je nesporno što ću ja izraziti na bazi onih potpisanih principa.

**Vijećnica Šefka Hasanić**, Klub vijećnika SDA smatra da je ovaj Izvještaj trebalo razmatrati zajedno sa Programom rada za 2019.godinu i da je u ovom trenutku ovaj izvještaj besmisleno i razmatrati. Izvještaj je vrlo šturo, nestručno i nepismeno napisan i praktično se radi o izvještaju koji sadrži obaveze i prava Načelnika općine i službi utvrđenih po pozitivnim zakonskim propisima.

Kod infrastrukturnih objekata, puteva, klizišta, obalo utvrde i sl. Nije navedeno da li su ovi projekti realizirani iz sredstava općinskog budžeta ili sredstava viših nivoa vlasti. Jasno je da su ovi projekti u najvećem dijelu izfinansirani sredstvima viših nivoa vlasti.

Upošljavanje u općinsku administraciju, javne ustanove je priča za sebe i o njoj smo govorili više puta. Jasno je i svim građanima Maglaja da se radi o masovnom partijskom zapošljavanju, a ne zapošljavanju potrebe struke i kvalitetnih kadrova.

U ovom izvještaju nema ni jedne aktivnosti navedene vezano za izgradnju III faze ulice Srebreničkih žrtava rata, a za to smo svjedoci da danas neke drvene bandere udaraju se za neku uličnu rasvjetu, a što je pro ruglo na ulazu u Maglaj sa južne strane, a i poslovnim partnerima „Natron-Hayat“ će imati šta da vide a da ne govorimo šta će pomisliti o Maglaju i taj poneki zalutali turista i kakvu će poruku poslati svijetu. Jasno je svima ko je završio I fazu i obezbijedio sredstva za II fazu ove Ulice Srebreničkih žrtava rata. Ovo postavljanje bandera je očito poruka građanima Maglaja da od III faze nema ništa, kao u ostalom ni od svih drugih projekata.

**Vijećnik Mirza Bradarić**, replika – ja vjerujem da će i Načelnik izaći poslije mene. Ja ne znam da li je gospođa Hasanić u zadnje vrijeme u zadnjih par mjeseci išla prema MZ Jablanica. Projekti, opet ćete reći da u vrijeme nekad prije krenuli, nisu u vrijeme prijašnje vlasti krenuli su sad. Pogledajte u Jablanici, u Jablanici je za godinu dana urađeno i rekonstruisano više mostova nego što je u zadnjih 23-24 godine urađeno. A nekad ako budete išli prema MZ Jablanica, pogledajte natpise ko je finansijer tih mostova pa ćete se uvjeriti da recimo neka vlada gore nema nikakve veze sa finansiranjem, nego da ima sadašnji Načelnik i sadašnja općina.

**Vijećnica Šefka Hasanić**, po ne znam koji put ćemo napomenuti za ovom govornicom. U ovom slučaju iznijeti sam stav Kluba vijećnika SDA, gospodine Bradariću i nema potrebe da mi se lično obračate. Poštujte pravila i akta ovog Vijeća.

**Načelnik općine**, najlakše je reći hvala na sugestijama, primjedbama, kritikama i na pohvalama. Ja ću vrlo kratko nastojimo da radimo u svim mjesnim zajednicama i tako će i biti dok sam ja na mjestu Načelnika općine. Vidjet ćete u narednom periodu radovi su krenuli na terenu, da će ti radovi biti i u Jablanici, Kosovi, Misurićima, Ulišnjaku, šeherski kraj itd. Bradići, prema tome radit ćemo na sve strane onoliko kolike su nam mogućnosti. Što se tiče stava SDP-a prvi i drugi mandat, da ne pominjemo. Most Čakalovac jeste projekat za koji je obezbijeden novac za izradu projektne dokumentacije, dakle u fazi smo izrade projekta dokumentacije, prikupljanja dozvola, kada budem imali tu sliku, tek onda možemo ići u potrebu za novcem za izgradnju objekta, tako da sama izgradnja objekta, neću u ovom trenutku reći bit će do kraja mandata Načelnika, ili bilo ko o bude u sljedećem, da ne špekulišemo. Što se tiče pomoći stradalim toga smo se dotakli u prvoj tački i to nije dio izvještaja.

Gospodin Ferić je pomenuo jačanje administracije, idemo na jačanje administracije i mislim da je to i vidljivo i pomenut ću to i u svom brifingu, a sad ću pomenuti da smo u procesu dobijanja sertifikata BFC, završili smo svu priču 99,99% smo taj certifikat obezbijedili. Oni koji su radili posljednju reviziju su bili zadovoljni, ono što su

imali primjedbi smo ispravili, tako da je to pred nama. U toku su i razgovori i analiza na koji način ući i u sistem praćenja dokument-menadžment sistem. Nadam se da ćemo i to kraja ove godine završiti.

Kada je u pitanju transparentnost, ja zaista pokušavam da bude sve transparentno za sve postoje komisije, postoje kriteriji, objavljeno na stranicama. Neko se dotakao sporta. Vi znate kako je sport išao, išlo se moliti u kancelariju možel se dobiti koja hiljada maraka. Ja nisam sjeo ni sa jednim sportskim klubom unazad godinu dana i više po pitanju isprave iz Budžeta. Dakle, po kriterijima usvojeno, oni dobijaju svoja sredstva onako kako je usvojeno. Ono koliko ja znam svi su zadovoljni i to funkcionise. Mene niko ne mora zvati, niti bilo kojeg predsjednika, bilo koje partije da urgira za ono što mu i pripada i takvo je stanje i sa poljoprivredom. Bešić je napomenuo, ako još Bešiću provjerite koliko je za poljoprivredu novca isplaćivano, ne planirano, nego isplaćivano ranijih godina, onda ćete vidjeti da se sad daje 150.000,00 KM, više nego što se odvajalo.

Ukoliko ima nekih prijedloga, slobodno vi dajte i sve ono što bude u skladu sa zakonom sa ZUP-om ono što tehničke mogućnosti dozvoljavaju i naravno što je realno, što nisu samo želje, vrlo rado ćemo to razmotriti i unaprijediti. Cilj je da se unaprijed sistem rada, dakle i oni dokument-menadžment sistemom u smislu da se skinu što više odgovornosti sa pojedinaca, nego da funkcionise sistem i da se uvijek vidi gdje je ta kritična tačka u određenom trenutku u sistemu.

Kad je u pitanju objekat u Čobama, neću puno reći da ne bi šta rekao što možda nije provjereno, tako da me sutra neko ne proziva za riječ. Sigurno znam da ide sve po zakonu i po važećim standardima i da je općinska Služba za privredu na usluzi investitoru i da su išli i u različite institucije kako bi se dobile određene dozvole.

Kad je u pitanju stav Kluba SDA, kako da ja ne odgovorim na pitanja i konstatacije. Jednom sam vam pojasnio, moram vam opet pojasniti. Nije logično vezati izvještaj iz 2018. godine sa Programom za 2019. godinu. Valjda je logično vezati izvještaj iz 2018. godine sa programom iz 2018. godine. Imali ste program za 2018. godinu, imate izvještaj za 2018. godinu i to povežite. Što se tiče da li je izvještaj štur, pismen ili nepismen, imate pravo da cijenite, svi mi imamo određene ocjene iz škole koje nosimo, tako da znamo naša dostignuća, ali da kažete da vam nešto fali u izvještaju. Nikad ni u jednoj općini u BiH, nije dostavljen kompletniji izvještaj. Vi imate pred sobom kraktu verziju izvještaja, a iz svih Službi ste dobili pune izvještaje gdje imate sve detalje i koji ugovor i odakle novac itd. tako da ti navodi su vam netčni, nego niste pročitali ono što ste dobili. Sredstva višeg nivoa vlasti, hajde bogati čija su to sredstva, ko to plaća poreze, mi ne plaćamo u Maglaju jel i druge općine nemaju sredstva s viših nivoa vlasti, a nisu to valjda stranačka sredstva. To su sredstva Vlade federalne, kantonalnih, sredstva Vijeća ministara, ne njihova sredstva nego sredstvima kojima oni upravljaju.

Da li je zapošljavanje partijsko? Ja tvrdim da nije, ali ako vi tvrdite da je partijsko, ja ću vam na to samo dati konstataciju nije jednopartijsko kao što je bilo. A nije ni partijsko nabrojat ću vam ljudi koji su tamo zaposleni koji nemaju nikakve veze sa partijama, a do sad je bilo isključivo jednopartijsko, e što je nekom to omaklo, to krivite onog ko je bio prije mene. I evo informacija izlazi konkurs za još četiri osobe u općinskoj administraciji i opet kažemo nije povećan broj uposlenih koji sam zatekao. Prirodna selekcija jedni odlaze, drugi dolaze.

Ulica Srebreničkih žrtava rata prava poslastica. Isto kao da je neko izvadio iz svog džepa pa uradio I-fazu. Urađeno sredstvima znate kojima, znate u kojem periodu I-faza. Sredstva za II-fazu obezbijedena u mom periodu i urađena II-faza u mom periodu. Vi znate da uposlenici Natrona, i svi građani pa i po koji zalutali turista koji ovdje dođe autobusom je 2,5 godina prelazio gore preko rupa i kaldrme koja se nije htjela asphaltirati onih 130 metara za koji ste rekli da ćete podnijeti krivičnu prijavu protiv mene, to je urađeno dakle, druga faza u mom periodu, obezbijedena sredstva u mom periodu. Za III-fazu ćemo vidjeti. To ćemo vidjeti, a da vam napomenem i I-fazu neko ko je bio do tad deset godina Načelnik nije uradio ni metra, nego se trebala desiti poplava pa da se to uradi da i to znate ako ste zaboravili.

Nekakve drvene bandere, pa te nekakve drvene bandere u najjeftinija varijanta za privremenu rasvjetu. Nećemo sada gore raditi temelje, kupovati nove stubove i sve to u narednom periodu ako se obezbijede sredstva za nastavak daljnje izgradnje to skidati, bacat novac bez potrebe. Gore će se ugraditi sve ono što e sutra može prenijeti na neku drugu lokaciju na području općine Maglaj bez bacanja novca. Dakle, to nisu stvari koje se tiču izvještaja. To je opet ono politiziranje koje se napiše i donese ovdje da se pročiatu. Druga stvar kad pomenete tu rasvjetu, dakle, ja na sastanku sa rukovodstvom Natrona je pomenuto da se uradi bilo kakva rasvjeta na tom području i evo uradili smo i za uposlenike Natrona koji grvitiraju desnoj obali rijeke Bosne, da im kažem da je u planu i asphaltiranje onog puta od mosta kod „Natron“, prema regionalnoj cesti Zavidovići-Doboj.

**Predsjedavajuća**, zaključujem raspravu i dajem na glasanje

## Z A K L J U Č A K

**2.1. Usvaja se Izvještaj o radu Izvještaj o radu Jedinog općinskog organa uprave Općine Maglaj za 2018. godinu.**

**Glasalo 14 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Josip Jurišić (HDZ), Fikret Delić, Mustafa Bešić, Kanita Bašić, Elvir Vehabović, samostalni vijećnici,

**Glasalo 10 glasova protiv:** Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA), Mustafa Buljubašić (samostalni vijećnik).

#### **AD - 3 Izvještaj o radu Općinskog pravobranilaštva za 2018.godinu;**

Otvaram raspravu

**Vijećnik Mirza Bradarić,** Klub SDP-a će prihvatiti Izvještaj Općinskog pravobranilaštva za 2018.godinu, uz želju da u budućem periodu svi sporovi koje bude zastupalo pravobranilaštvo Maglaj da budu što pozitivnije rješavani u korist Općine Maglaj.

**Predsjedavajuća,** zaključujem raspravu i dajem na glasanje

### **Z A K L J U Č A K**

#### **3.1. Usvaja se Izvještaj o radu Općinskog pravobranilaštva za 2018.godinu.**

**Glasalo 13 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici,

**Glasalo 11 glasova suzdržanih:** Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA), Mustafa Buljubašić (samostalni vijećnik), Josip Jurišić (HDZ).

#### **AD - 4 Program rada Općinskog pravobranilaštva za 2019.godinu;**

**Predsjedavajuća,** otvaram raspravu, nema rasprave zaključujem raspravu i dajem na glasanje

### **Z A K L J U Č A K**

#### **4.1. Usvaja se Program rada Općinskog pravobranilaštva za 2019.godinu**

**Glasalo 13 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici,

**Glasalo 11 glasova suzdržanih:** Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA), Mustafa Buljubašić (samostalni vijećnik), Josip Jurišić (HDZ).

#### **AD – 5 Odluka o formiranju cijena pijačnih usluga na gradskoj pijaci u Maglaju;**

Otvaram raspravu

**Vijećnik Firuz Galijašević,** Klub SDP-a će podržati i pohvaliti Odluku o formiranju cijena pijačnih usluga na gradskoj pijaci u Maglaju iz razloga što su uspjeli izaći u susret zakupcima prostora i korigovali su cijene što se može vidjeti u materijalima.

**Predsjedavajuća,** zaključujem raspravu i dajem na glasanje

### **Z A K L J U Č A K**

#### **5.1. Općinsko vijeće Maglaj daje saglasnost Nadzornom odboru KJD d.o.o. Maglaj na Odluku o formiranju cijena pijačnih usluga na gradskoj pijaci u Maglaju.**

**Glasalo 15 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Ferić (DF), Josip Jurišić (HDZ), Fikret Delić, Mustafa Bešić, Kanita Bašić, Elvir Vehabović, samostalni vijećnici, Mustafa Buljubašić (samostalni vijećnik).

**Glasalo 9 glasova uzdržanih:** Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA).

#### **AD – 6 Rješenje o formiranju građevinske parcele za postojeći objekat u vlasništvu Spahić (Salim) Rabije**

Otvaram raspravu

**Vijećnik Muhamed Hrnjić**, Komisija za privredu i prostorno uređenje je trebala održati sastanak, pošto ja nisam mogao da komisiju saberem, ja sam telefonski razgovarao sa svih pet članova, radi se o parceli Spahić Rabije koja traži formiranju građevinske parcele za postojeći objekat. To je objekat kuća koja se nalazi preko puta Tržnog centra, tu se radilo o četiri objekta i tri objekta su riješila svoj slučaj sad je ostao samo ovaj kod Spahić Rabije. Komisija za procjenu nekretnina je dala prijedlog da bude 70,00 KM/m<sup>2</sup>, radi se o 92 m<sup>2</sup>, što i Komisija sugerše Općinskom vijeću da prihvatimo ovaj zahtjev.

**Predsjedavajuća**, zaključujem raspravu i dajem na glasanje

### **Z A K L J U Č A K**

**6.1. Usvaja se Rješenje o formiranju građevinske parcele za postojeći objekat u vlasništvu Spahić (Salim) Rabije.**

**6.2. Općinsko vijeće Maglaj opredjeljuje cijenu od 70,00 KM/m<sup>2</sup>.**

**Glasalo 15 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Josip Jurišić (HDZ), Fikret Delić, Mustafa Bešić, Kanita Bašić, Elvir Vehabović, samostalni vijećnici, Mustafa Buljubašić (samostalni vijećnik).

**Glasalo 9 glasova uzdržanih:** Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA).

#### **AD – 7 Izvještaj JU "Dječiji vrtić" za razdoblje 01.09.2017. do 31.08.2018.godine i Finansijski izvještaj 01.01.2018. do 31.12.2018. godine;**

Otvaram raspravu

**Vijećnik Hajrudin Fermić**, ja ću bit suzdržan, neću da glasam za izvještaj, samo iz jednog razloga, što nama treba i u 2019.godini i narednim godinama ovdje da stoji vama nova direktorice na sugestiju. Kako i na koji način Dječiji vrtić ili bilo koja javna ustanova štiti, odnosno provodi javni interes u toj ustanovi? Zbog čega je ona formirana, da li samo da se izdvaja iz Budžeta Općine 125.000,00 KM godišnje, a da ne znamo i nemamo apsolutno nikakve informacije šta je javni općinski interes. Konkretno mene interesuje šta Dječiji vrtić preuzima da se tamo ono što je po zakonu određeno djeca u uslovima socijalne potrebe moraju besplatno zbrinut tamo, šta je sa djecom sa posebnim potrebama, kakvi su to edukativni materijali, ono što ulazimo u sistem fakultativne nastave itd. Naravno slijedeći put kad bude izvještaj pretpostavljam da će biti ti papiri i da ću onda svakako se izjasniti pozitivno. Ovakvi izvještaji koje mi dobijamo iz škola, a i sad pogotovo jer tu imamo neku nadležnost bez obzira na Ministarstvo obrazovanja dakle, to je naša ustanova i vi, odnosno mi imamo obavezu prema vama da tražimo da se poštuje ono što i piše u zakonu šta je javni interes i zbog čega smo vas osnovali. Ja prije svega mislim i na druge kategorije koje bi morale da imaju subvencionirane cijene usluga u toj JU Dječiji vrtić.

**Predsjedavajuća**, ovo je bila sugestija za izvještaj koji će uslijediti i ja vas molim direktorice da to uzmete u obzir prilikom pripreme izvještaja za tekuću školsku godinu, a ovaj Izvještaj stavljam na glasanje.

**Načelnik općine**, imam potrebu da malo ovo pojasnim, s obzirom da se niko nije javio, niko iz UO nije izašao niti direktorica da ovdje sad ne povezujemo aktuelnu direktoricu i ovaj Izvještaj. Ovo je Izvještaj za 2018.godinu i ja ću reći da ima, pošto sam u toku ima aktivnosti koje treba riješiti u Dječijem vrtiću. Nažalost, direktorica kako je došla tamo na ovu funkciju nije bilo trenutno nikog na raspolaganju kad su u pitanju odgovornosti da se zaposle i to će ubrzo biti da bude riješeno sve po standardima i naravno s obzirom da razgovaramo i mimo ove govornice svakako je i Općina i općinska administracija na punoj usluzi vama kao direktorici, dok to sve ustrojite, a znam da ima puno posla pred vama.

**Predsjedavajuća**, zaključujem raspravu i dajem na glasanje

### **Z A K L J U Č A K**

**7.1. Usvaja se Izvještaj JU "Dječiji vrtić" za razdoblje 01.09.2017. do 31.08.2018.godine i Finansijski**

**izvještaj 01.01.2018. do 31.12.2018. godine.**

**Glasalo 13 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović, samostalni vijećnici, Josip Jurišić (HDZ).

**Glasalo 3 uzdržana glasa:** Hajrudin Ferić (DF), Ermina Muminović (SDA), Mustafa Buljubašić (samostalni vijećnik)

**Glasalo 7 glasova protiv:** Adis Abdurahmanović, Nedžad Alispahić, Selma Avdić, Mirsad Bejić, Safet Jašić, Edina Jašić, Hasanić Šefka, Dženita Smajlović (SDA)

**AD -8 Informacija o radu boračkih udruženja sa finansijskim izvještajem o utrošku sredstava dodijeljenih iz Budžeta Općine Maglaj;**

- OORVI
- JOB
- OPŠ i PB
- Udruženje logoraša
- Udruga HVO
- Udruženje civilnih žrtava rata

**Predsjedavajuća,** predsjednici Klubova su se izjasnili da će svako Udruženje razmatrati pojedinačno.

**Vijećnik Safet Jašić,** s obzirom da je u jedan džuma, ja predlažem da ova Udruženja u paketu razmatramo i da to završimo do džume.

**Predsjedavajuća,** dogovoreno je da se sva Udruženja razmatraju zajedno i Informacija o radu boračkih udruženja sa finansijskim izvještajem o utrošku sredstava dodijeljenih iz Budžeta Općine Maglaj.

Otvaram raspravu

**Vijećnik Fikret Delić,** ja ne mogu biti da se ne javim kad su u pitanju boračka udruženja. Vi znate moj stav kad su u pitanju boračka udruženja.

Ja sam 07.12. uputio inicijativu Općinskom načelniku za ukidanje finansiranja svih boračkih udruženja na općini Maglaj. U ovoj inicijativi sam obrazložio da boračka udruženja nemaju u zakonu i da Općinu Maglaj ne košta nikakvo finansiranje dodatno da se to ukine. Međutim, Načelnik je to dobro uradio, djelimično je uzeo u obzir moju inicijativu gdje sam ja bio i te kako zadovoljan. Međutim, dolazi Budžet za 2019.godinu gdje stoji boračka udruženja se trebaju finansirati samo po projektima. Znači projekti za boračka udruženja. Šta hoću reći, sva udruženja, ovdje ne vidim u njihovom izvještaju, ovo je sramni izvještaj, slobodno mogu reći, žao mi je što ovako pričam, što ovako govorim iz tog razloga što je ramazan, ali dužnost mi je kao vijećnika da izađem i iznesem svoje mišljenje i mišljenje 90% vijećnika, ali ovi vijećnici mislim da nemaju dozvolu da izađu ovdje i da kažu jest Fikret je u pravu. Vjerujte ja sam volio ova sredstva da se se bacila niz Bosnu, a ovo 20 godina proteklih mi ovo trpimo. Borac od ovoga nema ništa. Smatram da su ova boračka udruženja privatna udruženja kao što i jesu doživotni su predsjednici. U mojoj MZ znaju da nikad nije u zadnjih deset godina Skupština da se to izaber, nema toga, oni imaju po jednog i mi to sve znamo. Moja nisu udruženja. Molim vas nemojte više predstavljati boračku populaciju. Boračkoj populaciji je sve gore, gore i gore. Da sam u pravu, da ste vi politička organizacija i udruženja ima ovaj izvještaj. Ovdje treba stoji izvještaj ili informacija, nego smo dobili Informaciju uz izvještaj. Zna se kako se glasa za izvještaj a kao za informaciju.

Evo gledajte imaju jedno-dvoje udruženja bez finansiranja mogu pomoći projekti evo izvolite. Nema kancelarije, nema potrošnog materijala, nema telefona, interneta, komunalnog, struje, nema toplog obroka. Prošli smo izvještaj imali topli obrok, sad ga nema. Sad ste samo cifru stavili, ne treba Delić i vijećnici da znaju da imate topli obrok. Sad se bojim da niste uzeli i za odvojeni život. Dajte tu cifru neka vide svi. Evo tekuće obaveze jednog udruženja, struja, komunalno i ono ostalo 2.924,00 KM. Ja kažem da ste sebi uzeli 7.000,00 KM, a boračkoj populaciji dali 1.000,00 KM. Da ste vi dali onima koga vi predstavljate 7.000,00 KM, a uzeli sebi 1.000,00 KM, ja bih sad rekao Načelniku daj im još. Pogledajte udruženje antifashaista odu po firmama i traže donacije. Od 20 firmi deset se javilo i tako se finansiraju. Zapošljavate, koga zapošljavate šehidsku djecu, ma znamo da ni jedno šehidsko dijete nije zaposleno što se tiče vas. Dajte ime i prezime šehidskog djeteta. Eno vam u HM dvoje djece, a vi imate zaposlenog borca. To je sramota. Ja nisam glasao za ovakav Budžet, ja sam glasao za projekte. Da ste vi uzeli 60.000,00 KM za projekte borcima, vi ste mogli podijeliti boračkoj populaciji 30 pa ste vikali. 30 motokultivatora, 30 junica, krava da borci žive ima ih iznemoglih, ima ih bolesnih, ima ih svakakvih i sad isti ta udruženja gurate zakon gdje nema ni bolesnih ni onih, nego imaju neka tamo socijala i da vi se u Zakon federacije uvrstite kao Udruženja od značaja za federaciju. Nedo bog da država i federacija od vas.

Smatram ovo govorim ovdje tri godine, i slijedeće ću ako bog da, da ste vi najveće zlo za državu i općinu i kanton i federaciju. To smijem slobodno reći. Trošite sredstva ne radite ništa, ne bavite se ničim, hodate po Maglaju i ubirate te pare koje vam daje Općina koje vam daje Kanton, mene bi to bilo stid. I imam pravo da vi dok postojite



na Budžetu da ste najveći neprijatelji, veći čak i od onih što pljuju po BiH. Nije ovo vrijeđanje, ja ovo smijem slobodno reći jer to smatra 90% populacije.

**Vijećnik Hajrudin Fermić**, ja ću biti suzdržan prilikom usvajanja Izvještaja o utrošku finansijskih sredstava dobijenih iz Budžeta iz nekoliko razloga.

Jedan od razloga je i taj što samom meni počinje da liči da su pojedini ovdje predstavnici boračkih organizacija na streljanju. Ja sebe sjetim se da ne budem ni na koga drugog kako sam diskutovao prošle i prethodne godine i da je to vrlo nekorektno samo od njih tražiti ovo što se traži u prethodne tri godine. Vi ste jedan dio nevladinog sektora udruženja građana sa nekim posebnim značajem, ili ono što bi mi želili da budete. Ja ne vidim razloga zašto bih ja sad glasao za taj izvještaj kojeg ste vi dali, a ne bi glasao, jer nećemo ni dobiti izvještaja od nekih drugih udruženja građana, civilne itd. a trebali bi i oni na isti način da nam ovdje podastru finansijska sredstva gdje i u šta su potrošili.

S druge strane, ne bi trebali nekako se stiče utisak da su sva boračka udruženja takva. Evo u prethodnih godinu dana znam da su neka od aktivnih, neka se bore, neka pokušavaju da zaposle članove familije svojih članova udruženja, neki zaista rade, pa možemo mi i pohvaliti rad pojedinih udruženja a možda i većine udruženja. Ono što ja sad vraćam lopticu kod nas, mi nemamo zlatne ljiljane, nemamo patriotske lige, nemamo još nekih ni predstavnika, niti imamo izvještaja, ništa nemamo, ali i to ima i te kakve veze, HVIDRE itd. Zašto ovo govorim? Naša je obaveza, naš je zadatak, naša je odgovornost kao Općinskog vijeća da mi imamo taj program finansiranja udruženja, odnosno civilnog sektora, mi da imamo taj program u kojem ćemo tačno znati šta je to javni interes kojeg mi želimo da finansiramo tokom te kalendarske godine. Mi to nemamo, mi ovdje u Vijeću nemamo i onda samim tim, ja ne mogu ni da glasam o tome. Ne znam ja šta je javni interes za JOB, za RVI itd. Moramo to da vratimo na početak i da kažemo mi na Vijeću moramo da imamo Program sufinansiranja javnog interesa u boračkim organizacijama ili isto tako u drugim civilnim udruženjima. Bez toga teško se određivati.

**Vijećnik Nedžad Lokmić**, zamolio bih da spustimo malo tenzije, bilo je zaista teških riječi zbog čega mi je jako žao. Udruženja trebaju postojati, udruženja trebaju čuvati tradiciju, baštiniti tradiciju proteklog rata, agresije jer da nam nije njih da ona ne čuvaju tu tradiciju, ne njeguju, to što moramo svi zajedno raditi dosta toga iz proteklog rata agresije bi se nažalost zaboravilo. Ne treba udruženja gledati kroz ljude koji trenutno vode udruženja, ako se ima nekih animoziteta, nekih ličnih primjedbi o radu pojedinaca, to se drugačije rješava. Nije tačno da su svi isti ljudi na čelu udruženja, ni u općini ni u kantonu u proteklih 20 godina, i tu ima pomaka. Ja kad pogledam ovu informaciju, odnosno finansijski izvještaj o utrošku sredstava mogu zaključiti da su solidno urađeni, da se sva udruženja koliko je došlo na današnju sjednicu u izvještaju, vidi se da rade u skladu sa programom koji su utvrdile njihove skupštine, jedino nisam vidio informaciju da li su redovno skupštine održavane, ali vjerujem da jesu. Šefice službe nema trenutno danas tu, ja bih je ponovo pitao kao i prošle godine da li su sva udruženja uredno odradila izvještaj finansijske izvještaje, da li uredno pravdaju sredstva koja utroše, a u pojedinim izvještajima vidim da jesu. Dakle, ja nemam razloga da sumnjam u to da su svi finansijski izvještaji uredno i završeni. Vidi se napredak u radu svih udruženja, novi način koordinacije sa Načelnikom općine sa službama, sa resornim ministarstvima i kantonalnom i na federalnom nivou su uredna i vjerujem da će se imati pomaka u onim ciljevima koji su oni sebi zacrtali i u protekloj i u ovoj godini. Nažalost, ti detalji ne idu tome u prilog kao što je slučaj kod RVI gdje je određena kategorija izbačena iz određenih prava, tako da sad samo oni 100% invalidi I-kategorije mogu tražiti adaptiranje prilaza i sl. stvari. U ime Kluba vijećnika SDP- iznosim stav da Informaciju primamo na znanje, a Izvještaj finansijske prihvatamo.

**Vijećnik Fikret Delić**, replika - ja nisam ovdje ni jednom riječju pomenuo da treba ukinuti boračka udruženja. Nisam ni protiv finansiranja, ja sam za boračka udruženja, nemam protiv vas lično ništa, bilo koga od vas, ali imam protiv vašeg finansiranja koja sredstva uzimate sebi ne dajete boračkoj populaciji, ne dijelite. Protiv vas nemam ništa i dabogda bilo hiljadu udruženja na maglajskoj općini, ali da se finansiraju od članarine i od donacija i projekte, a ne da vi hodate po Maglaju i kupite ta budžetska sredstva kantona, općine itd. Nemam ništa lično protiv vas nego protiv udruženja.

**Vijećnik Safet Jašić**, dosta mi je pomogao vijećnik Lokmić, što se tiče Kluba SDA, mi prihvatamo i finansijski izvještaj, a Informaciju primamo k znanju.

**Vijećnik Delić Fikret**, dragi gosti, dragi vijećnici sad vidite da su to politička udruženja, bujrum vidite ko će podržati. Bujrum politička udruženja, napravite zahtjev neka vas političke stranke finansiraju, imaju sredstva i dobre imaju budžete, ja sam za to.

**Vijećnica Selma Avdić**, prozivamo se non-stop. Ja kao dijete jednog borca koja sam izgubila 11-oro iz porodice, koja stojim ovdje za ovom govornicom, neću dozvoliti da se vrijeđate više nikad. Sram vas i stid bilo. Jel dozvoljeno da non-stop prozivate imena i prezimena, rat jest prošlo, ostala su njihova djeca i njihove majke, žene. Kako god da je. Ko god hoće da se izbori za sebe nek se izbori lično sam on, a mi svi stojimo iza ovih ljudi. Mi stojimo iza ovih ljudi, nema ovdje političkih igara nikakvih nikom. Što govorite tako političke igre, što bi ja govorila političke igre koja sam izgubila svog amidžu i amidžice, koja sam bila izbjeglica. Nema ovdje političkih igara gospodine. Ovdje neće biti nikad političkih igara što se tiče ovih ljudi. Oni su dali svoje živote da bih ja bila živa i moja djeca. To vam je tako. Nema ovdje igara, niko ovdje ne šuta nikakve lopte, šta vam je, igramo se sa

životima ljudi. Oni trebaju dobiti svoja sredstva koja ih sljeduju. Ne dajem ja ta sredstva, daju oni koji su odlučili da im daju. To su njihova sredstva koja oni trebaju dobiti.

**Vijećnica Šefka Hasanić**, ispravka krivog navoda. U svom izlaganju vijećnik Delić je iznio jednu konstataciju, nakon iznošenja stava predsjednika Kluba vijećnika SDA, kao udruženja boračkih organizacija su politička udruženja i vidite ko vas podržava. Gospodine mi podržavamo tekovine rata '92-'95. I to da vam bude jasno i u programskim ciljevima političke stranke stoji tekovine rata '92-'95. Od toga nikad nećemo odustati, odustat od boraca od ljudi koji su svoj život dali za ovu državu. Od ljudi koji su dali svoj život da bi mi danas sjedili ovdje.

**Vijećnik Elvir Vehabović**, ja koliko sam slušao a slušao sam dobro. Gospodin Delić je rekao nije protiv ukidanja nikakvog udruženja, nego samo protiv načina njihovog finansiranja. Da sami sebi nađu sredstva, i samo je čovjek iznio svoj lični stav.

**Vijećnik Delić Fikret**, replika – nisam ja nikog prozvo ovdje. Ne tražim ja ništa za sebe, ja štitim borce. Ja sam rekao da sam za udruženja ali na ovakav način. Nemojte se vaditi na dijelove tijela. RVI nemaju šta jest obidite ih, nemojte sebi tolika sredstva uzeti ako se na to vadite i na šehidske porodice da ne ulazimo u to. Pregled utroška sredstava od jednog udruženja, kaže obilježavanja dana pa je 140,00 KM, u vaš je po 600,00 KM. Obilježavanje dana i obilazak boraca. Pomoć borcima, pa se sve one cifre svelo, nema nigdje struje, nema nigdje dan sjećanja, dan ljljana, sve to ovdje je jedno udruženje dostavilo i to treba podržati. To su projekti. Znači ideš imaš obilježavanje, ja sam za to. Ja sam da se daju sredstva za obilježavanje, a ne da se da za kancelarijski materijal 1000.00 KM, za struju 1.000,00 KM, za smeća toliko i ja sam za projekte i za boračka udruženja koja rade ovako, koja dostave bez zaposlenog, bez tih doprinosa.

**Vijećnik Hajrudin Ferić**, replika – ja moram obrazložiti zašto je replika. Nekako sam se osjetio ja prozvanim kad sam rekao da neću prihvatiti izvještaj. Hajde da budemo potpuno otvoreni. Mi imamo očito izpolitizirane stvari, ali imamo iste interese, iste ciljeve, da ne bi stalno iz godine u godinu u šest mjeseci, kad je budžet i kad nije, kad su ovi izvještaji stalno ovako govorili, pa šta je to teško da nam se ovdje dostavi prijedlog programa finansiranja ovih organizacija, gdje je javni interes. Pa ćemo mi ovdje zajednički na prijedlog Načelnika da kažemo mi ćemo finansirati udruženje logoraša ove godine da izda svoju knjigu. Ovim ćemo u RVI izfinansirati to, ovim to, dakle na osnovu tih vaših prijedloga i Načelnikovih realnih procjena, mi ćemo ovdje program, ne mislimo mi ničiju marku ni da uzimamo, ni da dodajemo, nego da znamo što finansiramo, šta donosimo, šta zapravo zašto glasamo za šta i za protiv. U tom smislu samo za taj dio sredstava koji ide iz Budžeta mi imamo neku odgovornost da znamo gdje su te pare. Sve ostalo dalje je bez veze priča. Dajte da znamo jednom defintivno šta ćemo finansirati.

**Vijećnik Muhamed Hrnjić**, u većina diskusija od gospodina Fikreta ja se slažem i izašao sam ovdje zbog jednog drugog razloga. Ovdje smo bili na komemoraciji našeg komandanta Sulejmana Hercega, ja sam primjetio na komemoraciji ni jedna organizacija, ni jedan čovjek iz svih boračkih organizacija nije se obratio i ovdje i na mezarju. To sam gospodinu Semizu rekao na mezarju da je sramota od toliko boračkih organizacija da se nije niko mogao javno da obrati.

Imam jednu ispravku kod gospodina Fikreta, što kaže u HM radi d voje djece. Gospodin Hajdić zna dobro da je u firmi traži da primim od boraca djecu. Ja sam mu tada rekao gospodine Hajdiću bez ičije intervencije ja sam napravio spisak 27 radnika su djeca i radnici od naših boraca. I sad isto nastojim i kažem javno da kažete da ima dijete, žena čovjek od boračke populacije da ne rade, neka dođu i ja ću ih zaposliti.

**Vijećnik Firuz Galijašević**, i ja sam demobilisani borac od početka do kraja. I jedva čekam kada će rasprava o boračkim udruženjima trajati kraće od rasprave o ekonomiji Maglaja i o problemu odlaska mladih iz ove naše države, mladih koji nisu bili demobilisani borci i nemaju šanse da se zaposle zbog naših ovakvih rasprava.

**Načelnik općine**, malo spustite tenzije, nemojte se ovdje da se gađamo kojekakvim bombama političkim, prvo ovdje nije tema ko baštini, ko ne baštini. Zna se ko baštini i zna se šta je zakonski, zna se šta gdje piše i nemojte da valjamo takve stvari ovdje za govornicom. Ovdje se radi o izvještaju i sad da kažem da je i to malo pomiješano sve o čemu se raspravlja. Ovo je izvještaj za 2018.godinu. Finansiranje po projektima je za 2019.godinu. U 2018.godini je u Budžetu bilo konkretno koliko je namijenjeno kojem boračkom udruženju i toliko su dobili, kao što su dobijali i ranijih godina bez obzira što je bilo različitih stavova, na kraju je Vijeće donijelo takvu odluku. Dakle, 2019.godina finansira se po projektima. Ja jesam za to da svaka marka se zna zašto je otišla, šta je otišlo u papir, šta u el.energiju,, reprezentaciju itd. pa nije problem ako udruženje ima i uposlenog, problem je što uposleni radi, to treba da bude u izvještaju i vjerujem da uposleni je na uslugama, ovdje se radi konkretno o Udruženju porodica šehida. Vjerujem da je uposlenik konkretno na uslugama porodicama šehida i taj svoj rad mora prezentirati i trebalo bi prezentirati i općinskom vijeću. To su ranjive kategorije kojima zaista treba biti na usluzi i porodicama šehida i RVI i demobilisanim borcima, ali nemojte ovdje unositi priču kako se brinemo o njima. Pa nije Općinsko vijeće to koje se brine, valjda je država, u ovom slučaju konkretno federalni novo zadužen a kako se brine, mi to vidimo iz sredstava informisanja i to nije godinu dvije unazad, nego kompletno u poslijeratnom periodu. Čijenica je da ima boraca gladnih, da ima djece boraca željnih svega pa i one obične igračkice, ali to nije nešto što može riješiti OV Maglaj, niti gradsko vijeće Zenica, to je sistem koji se treba riješiti na višem nivou i koji apsolutno nije riješen. Ja razumijem i gospodina Delića kao vijećnika koji sve ove godine poslije rata živi i zna kako se snalazi i kako je školovao djecu. Ali možda je ovdje izašao malo negativne energije kroz ove

diskusije. U svakom slučaju bi dobro bilo prije ovakvih diskusija da se nađe više informacija kako bi se diskutovalo. Ovo je 2018.godina, programi i budžet su 2019.godina i vidjet ćemo na kraju godine našto će to izaći. Kad krenete ovako da se gađate politički, pogotovo oni koji nisu bili ni u Armiji, ni nosili pušku, pa onda gađaš nekog ko je nosio pušku, dakle, to vam ne treba, ali treba više informacija. Ja ću reći da gospodin Muhamed Hrnjić je bio u zabludi sa ovom konstatacijom. S obzirom da je Općina bila organizator komemoracije za rahmetli Sulejmana Hercega kao prvog komandanta prve postrojbe u Maglaju, dogovoreno je bilo da pored ovih govornika koji su bili bude naš vijećnik kojeg danas ovdje nema Edib Delić ispred Patriotske lige, da uključujući sva boračka udruženja da se obrati. I tako je i govorio, dakle, to su stvari kad se poslože sve informacije onda će sigurno biti manje ove negativne energije i ovih strelica bespotrebnih. Ja sam nešto pisao, tako da sam čuo i ova prebacivanje i sve bez potrebe ikakve. Dajte da vidimo kako unaprijediti ova udruženja što rade, treba da postoje, treba da baštine, treba da bude sve korektno, transparentno i prije svega ta udruženja pored baštinjenja tradicije, obilježavanja događaja moraju maksimalno biti na usluzi svojim članovima udruženja i onima koji su iz te populacije a nisu članovi udruženja. Ima onih koji nisu svi članovi udruženja, ni RVI, ni JOB, ali ne znači da ta organizacija ne treba da vodi računa o njima. I te kako treba da vodi računa o svakom bio član ili ne bio član. Ja vas molim spustite tenzije kad je u pitanju ova tačka dnevnog reda i sve ostale, ja sam očekivao vidjevši kako je prošao od Pravobranioca u kojem se ima šta raspravljati sigurno niko se ne javi. Ja sam očekivao da ste svu negativnu energiju istresli na mene, a niste.

**Semiz Nalić**, kao prvo želim da iskoristim priliku da e vama Načelnice zahvalim što ste nam u prethodnoj godini u 100% iznosu ispoštovali i što ste nas podržali, rad boračkih udruženja i nadamo se da će tako biti i u 2019.godini.

Mi ispred ORVI Maglaj smo sva dobijena sredstva iz Općine, uredno opravdali resornoj Službi za BiZ, uz potrebnu finansijsku dokumentaciju. Također smo dostavili i kraću informaciju o radu ORVI Maglaj za 2018.godinu sa finansijskim pokazateljima i program rada za 2019.godinu koju ste dobili kao prateći materijal za ovu sjednicu. Tu je od prilike u kraćim crtama navedeno šta je rađeno u 2018.godini, a šta će se raditi u 2019.godini. Za ovu godinu smo na osnovu javnog poziva od strane Općine Maglaj dostavili projekat za finansiranje rada ORVI u kojoj smo naveli sve što se tražilo i što je potrebno. Gospodin Muhamed me prozvo, ali vi ste mu dali odgovor. Postoji protokol i nama je tako rečeno i mi se držimo protokola. Sve što treba mi izvršavamo svoje i zna se kad se nešto kaže da se sluša.

Što se tiče pomoći RVI ja imam 88 RVI koji su umrli 100,00 KM je meni Skupština odredila da ja dam porodici jednog RVI kad umre. Imam 50,00 KM po odluci Skupštine da dam čovjeku kad dođe iz bolnice da ga pomognemo. Za sve jednu odluku, kad krene u banju da mu damo 50,00 KM za putni trošak. Za sve jednu odluku 1 km postoji odluka moga predsjedništva i ja nisam taj koji dijeli pare, ima odluka i ljudi su ti koji stoje iza mene 10 ljudi. Meni je krivo što gospodin ovako optužuje nas nije mu fer. Ja ću vam pokazati iznos jedne cifre koju nisam prikazao ovdje, ja sam podijelio jednokratne novčane pomoći 4.000 KM. Čovjek koj sjedi tamo 25 dana dođe na posao od 8-15 sati, kakav bi ja bio predsjednik da čovjeku ne dadnem ništa, 200,00 KM, radi 25 dana dolazi. Neću dalje da pričam.

Pauza za Klub SDP-a

**Predsjedavajuća**, zaključujem raspravu i predlažem da zajedno se izjašnjavamo o svim udruženjima zajedno

- **Prima se k znanju Informacija o radu boračkih udruženja.**

## Z A K L J U Č A K

### 8.1. Usvaja se finansijski izvještaj o utrošku sredstava dodijeljenih iz Budžeta Općine Maglaj.

**Glasalo 18 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Kanita Bašić, Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA),

**Glasalo 1 glas protiv:** Delić Fikret (samostalni vijećnik).

**Glasalo 4 uzdržana glasa:** Hajrudin Ferić (DF), Josip Jurišić (HDZ), Mustafa Bešić, Elvir Vehabović, (samostalni vijećnici).

Vijećnik Mustafa Buljubašić, (samostalni vijećnik) nije prisutan u sali u vrijeme glasanja

**Predsjedavajuća**, predlažem pauzu do 14,00 sati

### AD – 9 Program rada boračkih organizacija za 2019.godinu.

**Predsjedavajuća**, u svojim diskusijama neki od vijećnika dotakli su se i ove tačke dnevnog reda. Otvaram raspravu

Nije bilo rasprave predlažem

## ZAKLJUČAK

### 9.1. Usvaja se Program rada boračkih organizacija za 2019.godinu.

**Glasalo 17 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Kanita Bašić, Adis Abdurahmanović, Nedžad Alispahić, Selma Avdić, Mirsad Bejzić, Safet Jašić, Hasanić Šefka, Ermina Muminović, Dženita Smajlović (SDA), Mustafa Buljubašić, (samostalni vijećnik)

**Glasalo 1 glas protiv:** Delić Fikret (samostalni vijećnik).

**Glasalo 4 uzdržana glasa:** Hajrudin Fermić (DF), Josip Jurišić (HDZ), Mustafa Bešić, Elvir Vehabović, (samostalni vijećnici).

U sali nisu prisutni u vrijeme glasanja vijećnici : Edina Jašić i Muhamed Hrnjić.

### AD – 10 Informacija o stanju bezbjednosti za 2018. godine i Informacija o stanju bezbjednosti za prva tri mjeseca 2019.godine;

**Predsjedavajuća,** na Kolegiju kad smo raspravljali o ovim informacijama rekli smo da je obavezujuće da zamolimo da nam se pridruži na ovoj sjednici i predsjednik Foruma za bezbjednost građana, a na prošloj sjednici smo skinuli tačku dnevnog reda uz zaključak u kojem smo rekli da pored Komandira PS Maglaj da se pozovu i Načelnik PU Zavidovići i zamjenik i pomoćnik PS Maglaj. Informacija je dostavljena u materijalu i godišnja i tromjesečna.

Otvaram raspravu

**Vijećnica Irena Herceg,** svaki put kad na dnevnom redu imamo ovu tačku o bezbjednosti, nekako prođe bez posebne rasprave, mislim da je i te kako važno da se uključimo u raspravu po ovom pitanju, bez obzira kad pogledamo ove brojke u izvještajima možda i pokazuju neko bolje stanje, pitanje je da li se mi sigurno osjećamo u svom gradu. Ono što sam ja u razgovoru sa građanima mogla primjetiti jeste da većina građana po pitanju sigurnosti i ne vide neko bolje stanje. Najveći problem po meni u našem gradu jeste problem ovih paljevina koje su bile u prethodnom periodu, problem trka automobila čemu smo svakodnevno svjedoci. Građani više ne vide svrhu prijavljivanja tih brzih vožnji na ulicama grada, pa s obzirom na to pitala bih Komandira PS. Na koji način vi postupate po prijavama i kakve su kazne za izvršioce ovih djela? Ne bi da to vidite kao neki napad na vas ili vaše uposlenike, nego čisto u interesu da svi zajedno pokušam riješiti taj problem jer evidentno je da iz dana u dan to sve veći problem, pogotovo kako ide ljepše vrijeme. Spomenula sam i paljevine, te bih vas pitala ono što je posebnu pažnju izazvalo pored ovih paljevina vikendica koje su bile u nekom ranijem periodu jeste i paljevina državne zastave, pa me zanima da li je poznat počinitelj ovog djela. Ne mislim da vi navodite imenom i prezimenom bilo koga, nego čisto da je javnost upoznata da li je ovaj slučaj riješen i da li je upućen prema Tužilaštvu.

**Vijećnik Hajrudin Fermić,** prije svega jedan podatak koji sam nedavno našao u štampi a koji zaista puno govori u kakvom ambijentu živimo je podatak koji kaže da je 37 ubistava od 1995. Do danas u BiH izvršeno a da se počinioci ne znaju. Sama ta činjenica pokazuje ovo što je kolegica rekla da ipak građani ne mogu biti apsolutno spokojni i ako se ubijaju biznismeni, političari i neki onda šta jedan običan nezaštićeni građanin može očekivat od države, od institucija da se zaštiti. To je jedan opšti ambijent u kojem i PU i PS radi i naravno da su sve kompetencije, snage, mogućnosti ove institucije limitirane svim ovim što njima proizilazi iz Zakona o policijskim agencijama, Zakona o MUP-u, Zakona o policijskim službenicima itd. kroz tu svoju subordinaciju i hijerarhiju, kroz sve ono to oni moraju da slušaju, da izvršavaju da provode, a naravno prevelika su očekivanja građana prema njima. Tako da je malo u koliziji nedavna izjava ministra unutrašnjih poslova koji je kad se govorilo prije nekoliko dana on je rekao građani ZDK mogu biti apsolutno mirni i mirno spavati, ja ipak mislim da nije takva konstatacija iako znam zbog čega on tako reaguje i pokušava malo da primiri i vrati povjerenje u MUP. Zašto govorim da je sama ta činjenica o nerasvjetljenim ubistvima, govorim sad kad nabrojim ovdje nekoliko pitanja vidjet ćemo da ništa bolja slika nije konkretno ni na općini Maglaj.

Prije svega, kroz ovu Informaciju nismo mi mogli vidjeti koje su kvalifikacije krivičnih djela koja su izvršena i činjenica je da i krivičnodjelo i teška krađa, krađa u podrum, krađa bicikla d i ona ide kroz ove stvari, a mi znamo da je ovdje na općini Maglaj prisutno i pitanje reketiranja, pitanje organizovanog kriminala, korupcije, isto tako znamo da je ono što nažalost što moramo uputiti primjedbu pitanje problematika narkomanije i druge koja je i te kako prisutna i ovdje, praktično ije ni spomenuta u ovoj informaciji, ja sam malo pripremajući se za ovu sjednicu, gledao šta je nadležno Kantonalno tužilaštvo radilo i vidio sam podatak da je samo u januaru mjesecu u prethodne tri godine samo u januaru mjesecu ove godine podnijelo odnosno potvrdilo krivične prijave protiv 3-4 lica iz Maglaja, ali su uhapšeni sa drogom u Rusuljama. Dakle, ništa prije, ništa poslije kad je u pitanju droga u ovoj

informaciji nemamo toga. Također ono što je jako važno, što nekoliko mjeseci zaokuplja pažnju javnosti, pažnju medija, pažnju nas ovdje u vijeću jesu oni natpisi u medijima ali prema saznanjima koja imamo u neposrednom razgovoru sa pojedinim službenicima policijske stanice znamo da ima neke istine u teškoj atmosferi koja vlada u PS Maglaj, a nakon što su Tužilaštvo i organi unutrašnje kontrole itd. izvršili određene radnje i mjere i nakon što je čini nam se dovedeno sve na pola posla, do pola kraja. Zabrinjava to građane na području cijele općine Maglaj, zabrinjava tu da se na pojedinim mjestima i zažmiri na jedno oko kada se vrše neki prekršaji ili kriminalne radnje, a na drugo oko se dobro gleda i prati ako je u pitanju neki građanin koji nema neke zaštite itd. tako da mislim da je činjenica da i tu građani ne osjete da se prema svima jednako postupa. Ono što je pitanje i ovo ako se počinilac paljenja zastave u Novom Šeheru od 01.03. do današnjeg dana nije definitivno i konačno razotkrio a takvih informacija nemamo, hajde za jedno djelo koje jest krivično djelo, ali djelo koje ipak može se reći lakše prirode, šta onda očekivati od nekih drugih suptilnijih krivičnih djela da se otkrivaju a već je prošlo mart, april, maj, mi još uvijek ne znamo ni motive, niti nosioce tog krivičnog djela. Bila je javnost zburnjena i uznemirena javnost i zbog određene situacije koja vlada na području Novog Šehera ali i inače zbog ukupne situacije u državi, tako da nam je jako važna informacija makar o motivima počinioaca ako se ne može govoriti o počinioцу imenom i prezimenom. Ono što je važno i vjerovatno će i predsjednik Foruma da spomene ovdje, jeste ta jedna aktivnost u kojoj smo čini mi s svi mi malo zakazali ne samo Policijska uprava, stanica, nego i mi kao vijeće i administracija, pa i konkretno ministarstva civilna pa i organi vlasti na svim nivoima ta tzv. saradnja sa građanima. Ja znam da postoji operativna saradnja sa građanima kad pripadnici PS operativno rade, ali ova organizaciona, funkcionalna institucionalna saradnja sa građanima ogleda se i to je bio ponos općine Maglaj kroz ovaj Forum za bezbjednost građana. Međutim, u posljednjih nekoliko godina n je po mom mišljenju sveden na jedno zaista simboličnu formu, ukrasu formu i po važnosti koja se tom Forumu pridaje, a isto tako i po tretiranju i po održanim sjednicama. Smatram da je zaista sazrelo vrijeme da se zbog čvršće saradnje građana i policije i policijske stanice institucionalizuje ta saradnja u kojoj bi Forum ili kako god ga mi nazvali bio jedan čvršći, jači most sprega između organa unutrašnjih poslova, ljudi koji žive na terenu, nas civilnog sektora itd. U tom smislu bili su i neki zaključci sa Formua i ja pretpostavljam da će i predsjednik da dođe da mi odlučimo se ovdje upravo Maglaj kao trusno područje da napravimo neki protokol između Foruma, policije i Općine i da znamo šta je to u kom je statusu i šta mu je cilj i šta sve treba da radi i čije su obaveze i zadaci. Smatram da je to projekat koji sigurno viši organi vlasti neće prestati raditi, neće prestati da ga provode, a isto tako smatram da kako vrijeme odmiče sve više on dobija na važnosti. Ne treba zaboraviti da su to ključni ljudi i sa povratničkih područja, sa mješovitih trusnih međunacionalnih područja i naravno javnih ustanova, preduzeća itd. Puno toga ima se govoriti, teme su teške, ali dovoljno da ih malo načnemo kroz ovih par teza koje sam ja iznio.

**Vijećnik Mustafa Bešić**, vezano za Informaciju za 2018.godinu, ono što me svakodnevno građani zaustavljaju i pitanju je pitanje prosjačenja na području općine Maglaj. Koliko znamo a i istina je da je zabranjeno prosjačenje u cijeloj državi a ne samo na općini Maglaj.

Ja sam malo se bavio tim i istražio sam odakle nam dolaze svi ti ljudi, to su dvije tri žene, 4-5 djece koji svakim danom dolaze lokalom i to se može provjeriti i tu nam prve probleme u našem gradu. Ja sam što se tiče toga veliki humanista i volio bih pomoći svakom i kome mogu pomažem. Ali ovo što se dešava u našem gradu mislim da to nije u redu i to treba spriječiti. Ljudi svakodnevno dolaze ko na poso, dovlače malu djecu po kiši, po snijegu, ta djeca ima ih od godinu, dvije ne idu u školu, moramo se pozabaviti time i na rješavanju tog problema. Ja Komandiru sugerisem molim vas dajte to pokušajte spriječiti. Djeca idu u školu, ja sam ih pratio dođe jedan kombi, dođu ovdje prose, to ko firma i to je javna tajna. Moramo naći rješenje, nije u redu ne možeš nigdje ući i to je svaki dan. Kad je džuma, kad je neki događaj, to se vidi moramo maket to. Za pomoć sam i treba ljudima pomoć, ali ovo ljudi rade ko poso, ko firma.

Ova informacija za tri mjeseca 2019.godine, ja sam bio na Kolegiju bio je i Komandir policije. Postavio sam Komandiru policije pitanje rješavanja paljenja državne zastave u Novom Šeheru. Imao sam dojam u tom momentu da je to na tragu i da je to skoro malte ne riješeno. Ja bih volio da Komandir da informaciju dokle se došlo i šta je urađeno po pitanju toga.

**Vijećnik Firuz Galijašević**, dolazim iz MZ Moševac. Moja MZ se nalazi od mosta na Bistrici pa negdje dole do stijena Opakog vjera u Moševcu i nalazi se na lijevoj strani M-17. Mi imamo problem kada je u pitanju horizontalna signalizacija. Imamo samo na dva mjesta moguć prelazak sa lijeve strane prema svojim kućama jer je Moševac sav na lijevoj strani, a samo na dva mjesta je obilježeno isprekidanom linijom i pitao bih Komandira PS ako može da mi objasni do koga je ovaj problem, da li je to do „Doboj-puteva“ koji vrše obilježavanje M-17 i kako da ga riješimo. Obzirom da isto tako nemamo ni znakove za obilježavanje naseljenog mjesta, gdje bi isto tako usporili saobraćaj i ne bi imali problema kao što imamo problem na stanici autobuskoj gdje djeca prelaze kada idu iz škole. Nemamo ni pješački prijelaz, nemamo ništa obilježeno. Ja ne znam... dok se nešto ne desi... Ako može samo to pojašnjenje.

**Vijećnik Mirza Bradarić**, ono što bih ja pitao da nam iskreno kažete kakvi su međuljudski odnosi u PS Maglaj. Naime, svi mi ovdje koji se krećemo po gradu po Općini, čujemo razno-razne priče kako u PS postoje dva tabora. Jedan je tabor gospodina zamjenika komandira PS za kojeg inače dosta ljudi kaže ma u stvari on je onaj pravi komandira, a gospodin Mušić je komandir na papiru uz dužno poštovanje, kao postoji njegov tabor i oni koji su u

njegovom taboru svi privilegovani, u odnosu na one druge, i postoji onaj drugi tabor koji nije uz njega i oni su bukvalno degradirani, ponižavani itd. Pa iz tog razloga najiskrenije i najotvorenije vas pitam i molim isto tako najiskreniji odgovor da nam kažete kakvi su međuljudski odnosi u PS Maglaj.

**Vijećnica Šefka Hasanić**, na prošloj sjednici OV kada je Predsjedavajuća predložila skidanje tačke s dnevnog reda, ispravljam se Kolegij OV, zaista sam mislila da se desio jedan lapsus kad je Predsjedavajuća izgovorila da ovo OV treba da raspravlja o stanju međuljudskih odnosa u PS Maglaj. Ja mislim da mi nismo nadležni po tom pitanju da raspravljamo, da za to imaju institucije koje treba da vode računa o tome, a da vijeće o tome uopšte ne raspravlja.

**Vijećnica Svjetlana Zamboni**, sve ono što ugrožava sigurnost građana na području općine Maglaj, pa čak i međuljudski odnosi redara mira, svakako jesu tema o kojoj trebamo razgovarati i na sjednicama OV, a posebno onda kada tu sjede ljudi koji su odgovorni za stanje međuljudskih odnosa unutar tih redara mira.

Ono što ja želim reći jeste da se vratim na ozbiljne teme uvažavajući diskusije svojih kolega ovdje, svakako da je i prosjačenje problem i sve ostalo, međutim, ja želim da sami sebi zapitamo zašto građani nemaju hrabrosti ili povjerenja da prijavljuju i djela kojima zapravo svjedoče, ono što vide i o čemu mogu govoriti. Nerijetko u razgovorima sa ljudima sa stanovnicima na području općine Maglaj, kada ukazuju na neke kriminalne radnje ili kada im se kaže da bi trebali da prijave određene događaje oni žele po svaku cijenu da izbjegnju tu situaciju jer smatraju da to postaje poznata informacija onima kojih se to tiče, mislim naravno na one koji su prekršili ovaj zakon i radi svoje sigurnosti, radi svoje bezbjednosti ne odu i ne prijave određene slučajeve u policiji. Meni je žao što nisam mogla doći na sastanak Foruma bezbjednosti, ja sam i htjela da o tome govorim, bila sam spriječena nisam bila tada u Maglaju, ali to je bilo nešto o čemu sam ja htjela govoriti na Forumu bezbjednosti građana jer je to čini mi se i direktno pitanje koje se tiče upravo te grupe ljudi koji bi možda i trebali doći do nekakvih prijedloga zaključaka koji bi se mogli dalje razmatrati i na koje bi se moglo ukazivati unutar PS. Ja ne znam da li sam bila dovoljno jasna, ali ono što želim reći jeste da građani ponekad ne žele da prijave slučajeve kojima svjedoče pa možda ih i nemamo zato ni u ovoj statistici, čisto iz razloga što se plaše za izlazak tih informacija sa tog mjesta.

**Vijećnik Hajrudin Ferić**, replika gospođi Hasanić. Ako se uzme Zakon o principima lokalne samouprave i Statut Općine Maglaj, u svim nadležnostima općine i OV stoji između ostalog i bezbjednost građana. To je s jedne strane, s druge strane naravno da ovdje niko apsolutno ne naumpada da ulazi u operativne zakonske stvari, regulisane Zakonom o unutrašnjim poslovima i policijskim službenicima i svim drugim aktima koji regulišu pitanje rada pripadnika ministarstva unutrašnjih poslova, ali ako građani nama, vama, meni dolaze ako policijski službenici dolaze i kažu da se situacija takva da grupe ne žele da se sretnu istom stranom ulice pripadnika policijske stanice, ako kažu da je samo pitanje da li će krv pasti, onda se naravno postavlja pitanje koliko u toj atmosferi policijska stanica, ja vam govorim šta ljudi prenose meni, ja onda postavljam pitanje koliko je PS Maglaj sposobna i koliko može da odgovori svojim osnovnim zadacima, a tu je naravno Komandir koji će i odgovoriti na to pitanje, da li je sposobna ili nije. Čak ste i odgovorili na forumu i to ćete sigurno i ponoviti.

**Vijećnica Šefka Hasanić**, ja ni u jednom trenutku nisam spomenula da Vijeće nije nadležno za da raspravlja ili da dobije k znanju informaciju o stanju bezbjednosti na području općine Maglaj, ali mi je apsurdno da mi raspravljamo o stanju međuljudskih odnosa u PS. Hoćemol sad raspravljati o međuljudskim odnosima u RTV Maglaj, u Gimnaziji u OŠ itd. ne vidim uopšte potrebu za tim.

**Vijećnica Svjetlana Zamboni**, replika – ja sam mislila da sam pokušala gospođi Hasanić, ukazati odnosno pojasniti zašto je iznesena ova opaska. Dakle, sve ono što može ugroziti bezbjednost naših građana pa ako su to i međuljudski odnosi svakako treba da bude predmet diskusije, na kraju krajeva tu je Komandir koji će pojasniti i osvrnuti na ove opaske ili sugestije iznesene od vijećnika u diskusijama pa neka kaže ili objasni suprotno.

**Vijećnik Safet Jašić**, mi što se tiče Kluba SDA smatramo da nije stanje tako alarmantno ni po kojem pitanju i kad je u pitanju i bezbjednost građana i stanje u PS u koje se dobro miješamo iznesenim diskusijama i na kraju kažemo ma mi se to ne miješamo ništa ali u stvari dobro smo zadržali tamo gdje ne trebamo. Ono što klub vijećnika i kako doživljavamo PS Maglaj jeste da i stanje kada je u pitanju bezbjednost na općini Maglaj smatramo da je stanje zadovoljavajuće. Možda nije odlično, ali mislim da imaju prolaznu ocjenu i mislim da stanje nije uopšte opasno po bezbjednost građana. Forum građana neka radi svoj dio posla, ali kad je PS u pitanju mislim da smo otišli predaleko u organizaciji i međuljudskim odnosima u PS. Mi naravno priželjkujemo i jedva čekamo da PS objelodani kad su u pitanju počinioci paljenja državne zastave i sva druga nedjela koja se čine mi i dalje mislimo da PS radi svoj posao i da će i u narednom periodu građani moći slobodno da se kreću a naravno ova sva djela naravno da će u određenom periodu biti otkrivena i razotkrivena. Meni nije jasno ko su ti ljudi koji smetaju PS, o kakvim taborima to govorite ako to nije nigdje izneseno zvanično. Niti je Komandir iznio, niti je Komesar iznio, niti bilo ko drugi a mi to sve znamo ovdje kakvo je stanje u PS i koji su to ljudi, ako Komandir ima te ljude koji prve opstrukcije u PS, koji su to tabori, i koji su to možda tipovi i kandidati koji bi trebali da dođu u PS raditi, a nekako im se to neda, nekako im ne prolazi to. E vjerovatno je to ovo je sve samo zakuhanje i dolijevanje ulja na vatru što se tiče PS.

Klub SDA podržava PS u svom radu, smatramo da treba PS raditi na tome da se što bolje još opremi, da prime lokalnih momaka policajaca na budućem konkursu i da imamo PS kao do sad i još mnogo bolju.

**Vijećnik Hajrudin Fermić**, replika – ovdje opet stvaramo zabunu, čini mi se da nema osobe koja će pružiti podršku PS, Komandiru i organima unutrašnjih poslova da budu kvalitetno dobri, da budu efikasni i da rade za dobrobit nas. Dakle, u tom cilju i jeste ova rasprava. A odmah da upitam jel tačno da je nedavno pretučen policajac u dežurani? Dakle, o tim stvarima se radi i o tim stvarima mi moramo ovdje da vidimo šta i kako mi da učinimo, šta je do nas da pružimo podršku da ljudi rade kako treba.

**Vijećnik Mirza Bradarić**, ja kao vijećnik imam pravo da postavim pitanje kad je neka tačka dnevnog reda u pitanju, gospodine Jašić i gospođu Hasanić. Niti sam od vas tražio odgovor, niti želim da mi vi odgovarate na ta pitanja. Postavio sam Komandiru PS pitanje i ako on bude želio i očekujem od njega da odgovori, a ne da mi vi odgovarate. Naravno i Klub SDP-a podržava i PS i rad PS, ali ako nešto nije u redu, ako se nešto može popraviti, pospješiti, zašto da ne pričamo o tome, a bez daljnijeg nisam ja džaba postavio ovo pitanje. S razlogom sam ja postavio pitanje. I to tražim odgovor od komandira Mušića, a ne od vas.

**Vijećnik Šefka Hasanić**, replika – vama niko nije osporio da vi postavite pitanje, ali ja postavljam zakonitost rada ovog Općinskog vijeća.

**Vijećnik Safet Jašić**, replika – ja se nisam trudio gospodine Bradariću da vama odgovoram na bilo kakva pitanja, niti sam vama odgovarao na pitanje. Ja sam rekao da mi pružamo pomoć PS i podršku im dajemo u svakom pogledu. Odgovaranje na pitanja vi postavljajte tamo, ja se nisam uopšte trudio i ne znam na koje sam ja to tebi pitanje odgovorio. Ja se ne sjećam i zaista ne mislim da sam ti odgovarao na pitanje i ne stavljam se u tu poziciju nikada se nisam ni postavio. Nas što se tiče mi smo svoje rekli.

**Vijećnica Svjetlana Zamboni**, druga diskusija, imam jedno pitanje. Da li postoji mogućnost da se u periodu od 15,00 sati do nekih 15,30 na raskrsnici Aleje ljljana kod voćka da budem preciznija, vidim da često stoji policajac, no ne reguliše saobraćaj i zaista dolazi do zagušenja saobraćaja obzirom da silna vozila iz „Natron“ ulaze u grad, zna se ko ima prednost, ali otegne se kolona cijelom Alejom ljljana, pa možda da do nekog vremena dok se taj semafor ne popravi, a u dane radne sedmice da se tu reguliše saobraćaj između 15 i 15,30 ako naravno postoje mogućnosti da se takvo što uradi.

**Načelnik općine**, hoću da kažem da ću ja poslije ove tačke morat ići, moram za Zenicu, pa ukoliko želite brifing mogu održati poslije ove tačke dnevnog reda, ili s obzirom pretpostavljam kako stvari teku da ćemo već iduće sedmice imati vanrednu sjednicu vezano za Izvještaj o nastalim štetama, a pretpostavljam da ni ovo sve danas nećete uspjeti završiti tako da bi moglo da se desi da iduće sedmice imamo i Vanrednu sjednicu i da poslije toga idemo sa nastavkom redovne sjednice kada bi mogao održati i brifing i vijećnička pitanja. Na vama je da to odlučite.

Kada je u pitanju ova tačka treba ovdje vrlo ozbiljno razgovarati, treba iznijeti određene argumente, treba reći konkretno stvari nazvati ih pravim imenom, jer na taj način možemo samo napraviti pomak, poboljšati situaciju, nego što jeste.

Prije svega, da kažem vjerovatno ovdje niko ne sjedi ko ne daje podršku policijskoj strukturi kompletno i ko ne razumije važnost policijskih organa općenito u društvenom životu, a pogotovo u trusnom području kakva je BiH. Ja moram reći da PS u Maglaju ima dobrih, ima odličnih rezultata i to su stvari koje treba pohvaliti. Ima dobrih stvari, ima stvari koje treba ispravljati. Ja ću ovdje biti vrlo direktan pa i u svojoj ličnoj sigurnosnoj korist. Zašto to ću vam reći poslije. Prije svega neki dobri rezultati PS u Maglaju su zaista u oblasti sprečavanja, širenja droge među mladim osobama. Koliko ja imam informacija možda smo općina koja ima najmanje taksista na crno što je također jedan od rezultata rada PS Maglaj. Broj oduzetih auta i on je u najvišem vrhu po pojedinim općinama. Broj oduzetih auta od počinitelja krivičnih djela. Ja sam svaki put rekao kad sam razgovarao sa pripadnicima policije MUP-a da imam odličnu saradnju sa Komandrom PS Maglaj i evo ja ću to i dalje ponoviti, dakle, sa Komandrom PS gospodinom Alenom Mušićem. Nažalost moramo reći da postoje i određene negativnosti koje su dešavaju u PS Maglaj i opet vrlo direktno ću reći da to nisu aktivnosti koje kontroliše Komandir PS gospodin Mušić, to su grupacije koje kontrolišu i podstiču ovi iznad PS, zato imaju neborivi dokazi. Nažalost ja to zovem onako kako sam nazvao postoje i paralelni sistemi u PS, a vrlo vjerovatno svi znate ko je na čelu paralelnog sistema, dakle onaj protiv koga se i vodila procedura zbog „djela naštimavanja udesa itd“, zašto postoje i video snimci itd. Ta paralelna struktura određeni broj policajaca kontroliše u gradu, štab se održava u kafiću. Ovo što je rekao podpredsjedavajući 100% istina da se dešava da patrole jedna pokraj druge prolaze da se ni pozdraviti neće i zato imam neborivih dokaza. Nasreću puno više dobrih i poštenih policajaca je u PS Maglaj, ali nažalost njihov rad se dobro sprečava od ove grupacije policajaca. Također nažalost dobri kvalitetni policajci govorim o izvorima iz policije koje sam ja dobio su morali poviti leđa i otići iz Maglaja pod pritiskom ove grupe koja radi sve i svašta noseći odijelo MUP-a, policajci koji su otišli kao što je Midhat Karović koji je bio šef OKP-a u odjeljenju krim. policije, Hodžić Edib, Smajo Rakman i ne znam da li ima još neko drugi, ali zbog pritiska koji nisu mogli to podnijeti. S druge strane, hoću da kažem da ima i velikih konkretnih primjedbi. Neriješene paljevine. Ja sam imao sastanak gdje su prisustvovali i danas su ovdje prisutni i Načelnik PU Maglaj i Komandir PS Maglaj, da li je bio tada komesar ili pomoćnik zamjenik komesara, ima skoro godinu dana tada smo dobili informacije da je pri kraju rasvjetljavanje tog djela iako postoji i listing telefonskih poziva i učešće pojedinih policajaca u svemu tome, saznanja do sad nemamo, dakle, slučaj nije riješen. Paljevina zastave ako ne možemo riješiti paljevinu zastave gdje imamo

nekoliko kamera na tom području i do sad nismo riješili, bojim se da ne želimo riješiti. Da budem još direktniji dio ove policije o kojoj govorim paralelne strukture, to je stranačka policija, a vidjet ćete zašto je stranačka policija opet na konkretnim primjerima. Neki dan se desio slučaj i ja sam zvao poslije Komandira Mušića koji to može potvrditi on je odradio sa svoje strane vjerovatno ono što procedure nalažu, pa je se to na neki način malo ublažilo, omekšalo da kažem, ali dva uposlenika, da li su to inspektori kako su već podijeljeni Brka i Bašić donose koverte svjedocima da daju izjave u PS, na način da u jednoj kancelariji gdje sjede da ih odvedu u dvije kancelarije odvojene da bi uručili poziv za davanje izjave. Jedna od osoba se zadržava deset minuta, ja sam i tad rekao nisu sigurno pričali da razmjenjuju sličice i lutkice, nego se vršio pritisak na svjedoka. Koliko god to danas svjedok htio priznati ili ne. Da je tačno potvrđuje činjenica da su se isti izvinili poslije osobama kad su se pojavili u PS Maglaj. Prenio sam Komandiru PS Maglaj i reću ovdje javnosti u danima kada su ubijena dva policajca u Sarajevu pripadnici ove grupe stranačke policije u Maglaju teferiće uz janjetinu u MZ Kosova, pa je malo to pa se ode na muziku na Jelah, ovo nije nikakav prekršaj policijski, jeste ljudski, jeste moralan, jeste dno dna. Pomenut ću vam i moj slučaj ovo sad, dakle, govorim samo o onoj paralelnoj strukturi. Na izborni dan 2018.godine kao za najvećim kriminalcem dolaze dva policijska auta u Kopice da ispituju Načelnika po prijavi neko prijavio i za pola sat dođe da ispituješ Načelnika. Zvao sam Komandira pitao da li je upoznat nije bio upoznat, ali znate ko je bio upoznat zamjenik koji je poslije pred PS davao odgovore šefu svoje partije, kao za kriminalcem. Sad dakle, za svakim građaninom od Načelnika pa do bilo koga, može bilo koja šupa javiti i reći ja podnosim prijavu, jel to baš policija toliko ažurna da skoči isti trenutak hajmo kompromitovat Načelnika. Da stvar bude gora isto veće je napravljen napad na moj stan petardama jačeg dejstva, znajući da je izborna noć da ja nisam kod kuće, da je tamo samo supruga i maloljetno dijete. Nažalost nema traga od policije. Isto veće sa solitera iz solitera se baca topovski udar prema mojoj zgradi, nemojte da vam govorim ime ko je. Ni to ništa nije istraženo. Sugerisao sam nekoliko puta da se rješava problem prijevoza đaka u domenu, ne ono što je u domenu Ministarstva obrazovanja, nego ono što je u domenu policije, autobusi su tehnički neispravni, djeca stoje u autobusima, zna se kolik autobus ima mjesta za sjedenje i koliko djece može biti u autobusima, autobusi su pretrpani, to je stvar koju treba hitno rješavati. Ja ovo sve govorim evo i gospodine Načelniče i Komandiru PS s dobrom namjerom. U Maglaju Načelniče i svi koji su iznad vas, morate pomoći Komandiru PS da se riješi problem unutar PS, paralelnih struktura jer sam ne može riješiti a on ih ne podržava pojedini drugi ih podržavaju. Dakle, i to bi se dalo raspetljati. Na kraju predlažem Vijeću da se obrati i ministru i komesaru i premijeru sa zahtjevom da se ova situacija u Maglaju rješava i da se da podrška Komandiru PS gospodinu Mušiću.

**Predsjedavajuća**, Načelnik je rekao da on poslije ove tačke mora otići imamo gore direktore svih škola koje čekaju na svoje tačke dnevnog reda, obzirom i na dženazu, da prekinemo sjednicu nakon ove tačke dnevnog reda, a da ostatak tački sa ovog dnevnog reda priključimo na nastavak sjednice po održavanju Vanredne sjednice, bit će Vanredna sjednica OV i nastavak 28. Redovne sjednice vrlo vjerovatno naredne sedmice. Da ne sjede nam direktori gore ako njihove tačke neće doći na dnevni red. Ja sam pitala predsjednike Klubova, dajem prijedlog prije nego nastavimo ovu tačku dnevnog reda.

**Glasalo 14 glasova za:** Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić (SBB), Hajrudin Fermić (DF), Fikret Delić, Mustafa Bešić, Kanita Bašić, Elvir Vehabović, samostalni vijećnici), Josip Jurišić (HDZ).

**Glasalo 10 glasova suzdržanih:** Adis Abdurahmanović, Nedžad Alispahić, Selma Avdić, Mirsad Bejić, Safet Jašić, Edina Jašić, Hasanić Šefka, Ermina Muminović, Dženita Smajlović (SDA), Mustafa Buljubašić (samostalni vijećnik).

**Alen Mušić**, ja ću se prije svega osvrnuti na ove dvije Informacije koje su dostavljene i ukratko ću pokušati obrazložiti neke stvari koje su navedene u ovim Informacijama, a tiču se i nekih pitanja koja su postavljena a naravno pokušat ću i na ova pitanja da odgovorim.

Kada je u pitanju stanje bezbjednosti na području općine Maglaja, što se tiče kriminaliteta u toku 2018.godine imali smo blagi pad krivičnih djela u odnosu na isti period 2017. Godine i ono što je bitno napomenuti u 2018.godini nismo imali zabilježeni ni evidentirani najtežih oblika krivičnih djela, što je svakako dobar rezultat, a također to je i u 2019.godini za prva tri mjeseca nismo imali najtežih oblika krivičnih djela. Procenat rasvijetljenosti krivičnih djela. Procenat rasvijetljenosti kako po NN počiniocu tako i ukupne rasvijetljenosti u 2018.godini iznosio je 83,63%, dok je u 2017.godini iznosio 82,30%, dok je procenat ukupne rasvijetljenosti za prva tri mjeseca 2019.godine iznosi 85,18%, dok je u prva tri mjeseca 2018.godine iznosio 66,66%. Vi ste ovdje u informaciji dobili i tabelu sa strukturom krivičnih djela i kada uporedite 2017. i 2018.godinu vidite da je blagi pad krivičnih djela, to je ukupno po NN izvršiocu i po poznatom izvršiocu, međutim ako ste pratili pažljivo tabelu vidjeli ste da je nasilje u porodici u 2018.godini skočilo u odnosu na 2017.godinu. Također i kad je u pitanju krivična djela posjedovanje i uživanje opojnih droga 12 je bilo u 2018. a 6 u 2017.godini, dok su ostali parametri uglavnom na nekakvom nivou kao i u 2017.godini. Ono što je bitno svakako napomenuti evo dopredsjedavajući ja ću odmah napomenuti da nemam u informaciji strukture kad je u pitanju narkomanija, krivičnih djela iz oblasti narkomanije možete vidjeti da smo u 2018.godini imali tri slučaja procesuirana, odnosno prosljeđeni izvještaji za



neovlaštenu proizvodnju i stavljanje u promet opojnih droga i 12 slučajeva za posjedovanje, omogućavanje opojnih droga. Inače u 2018. godini s obzirom da su ova djela specifična da treba čekati vještačenja da bi se potvrdilo da se radi o psihoaktivnim supstancama i nakon toga možemo podnijeti izvještaj, mi smo u 2018. godini imali evidentirana 24 slučaja pronalaska opojnih sredstava, dok smo za do sada do današnjeg dana u 2019. godini imali 23 slučaja evidentirana, tako da smo u mjesecu aprilu 8 izvještaja poslali protiv lica ne samo sa područja općine Maglaj i druga lica su u pitanju sa područja drugih općina prema Kantonalnom tužilaštvu. Tako da tu možemo reći da imamo sve radom policijskih službenika izuzetno dobre rezultate u pronalasku i procesuiranju takvih osoba. Kad su u pitanju oblasti javnog reda i mira u 2018. godini imali smo evidentirana 169 slučajeva narušavanja javnog reda i mira, dok je za isti period 2017. godine evidentirano 206 slučajeva narušavanja javnog reda i mira. U tabeli imate strukturu prekršaja, mjesta činjenja prekršaja i dosta pitanja koja su postavljena, ako se prati pitanje prosjačenja, vidi se da smo u 2017. godini imali 17 evidentiranih slučajeva prosjačenja u 2018. godini 14, tako se i nastavilo za prva 3 mjeseca 2019. godine kad je u pitanju javni red i mir, imali smo evidentirano 58 slučajeva narušavanja javnog reda i mira i tu su aktivnosti policijskih službenika. Kad je u pitanju prosjačenje u odnosu na isti period 2018. godine prva tri mjeseca gdje je bio jedan slučaj za ova prva tri mjeseca 2019. godine evidentirano je 15 slučajeva prosjačenja. Međutim, kada govorimo gospodin Bešić je postavio pitanje, ono što zakon nama dozvoljava kao policijskim službenicima jeste najveći pored preventivne svakako i aktivnosti sprečavanja prosjačenja jesu u ove represivne mjere. Evidentno je da najveći broj lica koji se bave prosjačenjem nisu sa područja općine Maglaj, dolaze sa područja drugih općina, međutim to nije samo zadatak s obzirom da su ta djeca uglavnom zloupotrebjavaju kad su u pitanju prosjačenja, ovdje se svakako mora uključiti i druge institucije, pored svega Centar za socijalni rad i mi smo nedavno imali u organizaciji OSCE tri općine Žepče, Zavidovići i Maglaj tematiku sprečavanja prosjačenja na ove tri općine i rađeni su određeni projekti da se pokuša ta problematika na ove tri općine svesti na neku manju mjeru. Svjesni smo činjenice da ovaj problem nije samo na području općine Maglaj, nego na području čitave države, pa generalno i regije i Europe. Međutim, ono što je u našoj nadležnosti možemo sankcionisati, međutim najveći broj tih kazni te osobe niti plaćaju, niti oni vade neke dokumente ako bi im ta kazna predstavljala nekakvu smetnju tako da mi možemo samo govoriti o broju prekršajnih naloga. Međutim, trebalo bi se dalje uključiti i druge institucije u smislu ako se ta djeca zloupotrebjavaju da se vidi način da se pravi socijalna anamneza gdje s tom djecom, da ta djeca ne budu na ulici i da leže na asfaltu i da prose, nego da se smjeste u odgovarajuće ustanove, ako se zloupotrebjavaju na taj način iako se roditelji ne brinu o toj djeci.

Kad je u pitanju javni red i mir, činjenica također da i u 2018. godini i u 2019. godini prva tri mjeseca nismo imali narušavanja javnog reda i mira u većem obimu, sa učešćem većeg broja lica uglavnom su tu ove strukture koje su navedene sa nekakvim prekršajima, dosta je tu naloga prekršajnih zahtjeva kad su u pitanju rješavanje imovinsko pravnih odnosa između određenih osoba i dođe do narušavanja, do vrijeđanja, omalovažavanja fizičkih napada tako da i tu moramo sankcionisati. Obezbijeđen je veliki broj kako sportskih, kulturnih, vjerskih manifestacija ni na jednom nije bilo većeg problema niti narušavanja. Tako da sa stanjem javnog reda i mira možemo biti zadovoljni i u 2018. godini a i u 2019. godini za ova prva tri mjeseca.

Kad je u pitanju bezbjednost saobraćaja u 2018. godini imali smo evidentirano 149 saobraćajnih nezgoda, dok je u 2017. godini bilo evidentirano 180 saobraćajnih nezgoda. Znači došlo je do pada brojčano kad je u pitanju broj saobraćajnih nezgoda, dok je u prva tri mjeseca 2019. godine evidentirano 29, a za isti period 2018. godine 36, tako da imamo uporednim pokazateljima smanjen broj saobraćajnih nezgoda, međutim u 2018. godini imali smo nažalost tri saobraćajne nezgode sa 4 smrtno stradala lica, a u 2017. godini su bile 4 saobraćajne nezgode sa 5 smrtno stradalih lica, dok je svakako dobar podatak da za prva tri mjeseca i mogu reći i potvrditi da do danas nismo imali nezgoda sa smrtno stradalim licima u toku ove godine, što je svakako dobar pokazatelj i nadamo se da će se taj trend saobraćajnih nezgoda sa najtežim posljedicama izbjeći do kraja godine i u narednom periodu. Kad je u pitanju bezbjednost saobraćaja mi svakako pored ovih mjera koje poduzimamo na prevenciji, tu su svakako i represivne mjere, vidjeli ste ovdje podatak koliko je naloga uručeno uglavnom iz oblasti bezbjednosti saobraćaja u 2018. godini 8.816 prekršajnih naloga, dok je za prva tri mjeseca 2019. godine uručeno 2487 prekršajnih naloga. Ne bi se puno zadržavao ovdje i za 2018. godinu i tri mjeseca 2019. godine, dole su navedeni pokazatelji kada se radi o prekršajima koje smo sankcionisali, vidimo da je policijski službenici u 2019. godini i u 2018. godini povećali su broj prekršajnih naloga kad je u pitanju vožnja pod dejstvom alkohola, tehnička neispravnost vozila prije sticanja neregistrovanih vozila, tako da tu su pokazatelji zadovoljavajući i to je svakako rezultat samih policijskih službenika. Međutim, ono što mogu potvrditi da stanica poduzima kad su u pitanju povratnici najtežih oblika saobraćajnih prekršaja jesu oduzimanja putničkih motornih vozila. Mi smo u 2017. godini na osnovu Zakona o prekršajima od povratnika u činjenicu prekršaja oduzeli 27 motornih vozila u 2018. godini oduzeto je 16 motornih vozila i u prva tri mjeseca 2019. godine oduzeta je 4 motorna vozila i taj trend je nastavljen i u aprilu i maju oduzimanja vozila. Ono što je svakako činjenica a bilo je pitanje šta sa vozačima koji brzo voze. Ovo je jedna od mjera koja je sigurno dala rezultat. Ova vozila nisu na ulici, od ovih vozača su oduzela vozila i ona u većini slučajeva sudskom odlukom budu uništena, presovana i mogu reći da je to efekat koji sigurno daje rezultat šta bi bilo da su ova vozila sada tu na ulici i da ih voze povratnici u činjenicu najtežih oblika prekršaja. Pokušao sam obrazložiti neke stavke, ali bih još naglasio da generalno po javnom redu i miru i kriminalitetu i saobraćaju, PS Maglaj prvenstveno u razotkrivanju krivičnih djela, a što je bilo i na Formu izneseno podatak da u pogledu

razotkrivanja krivičnih djela iznad prosjeka kantona i po NN rasvjetljenosti i ukupne rasvjetljenosti i 2018.godine a taj trend je nastavljen i 2019.godine i nadamo se da će tako biti i u budućnosti, tako da prema svakim situacijama koje se dese na području općine Maglaj nastojimo poduzeti odmah efikasne i temeljite mjere kako bi se to ono što se dogodi što prije otkrilo i procesuiralo. Tako da smo mi na kraju ove informacije i za 2018. i 2019.godinu konstatovali da s obzirom na sva okupljanja koja smo obezbjeđivali, s obzirom na statističke pokazatelje, da nismo imali najtežih oblika krivičnih djela, da nismo imali narušavanja u većem obimu s obzirom na rezultate koje je ova statistika pokazuje da je situacija na području općine Maglaj kada je u pitanju bezbjednost po svim ovim segmentima zadovoljavajuće, odnosno kako je ovdje navedeno povoljna.

Sad bih ja pokušao a nadam se da će poslije mene i Načelnik ono što ja ne uspijem odgovoriti da će Načelnik PU odgovoriti.

Ja ću pokušati ono što mogu da vam odgovorim.

Vijećničko pitanje gospođe Herceg je bilo brza vožnja i jednim dijelom sam odgovorio to je ono prije svega represivne mjere. Broj naloga od ovih koji ovdje stoje najveći broj se odnosi na brzu vožnju. To su radarski sistemi koji evidentiraju i stacionarni i mobilni. Veći dio ovih prekršajnih naloga se odnosi na takva lica. Takva lica ono što je zakon dozvolio imaju sankcije predviđene od zaštitnih mjera zavisno od prekoračenja brzine. Od ovih vozila koja su oduzeta, a vi govorite brza vožnja, trke, tako da smo od nekih lica ja mislim da je od jednog lica oduzeto deset vozila, možda čak i više od 2017.,2018. i ovom periodu od jednog lica, oduzeto je više vozila, to ćemo nastaviti i u narednom periodu i ta vozila većinom budu sudskom odlukom uništena. To je ono što mi možemo i što je nama zakon omogućio, znači ako evidentiramo prekršaj, to je radarski sistem, ako je povratnik u činjenicu najtežih oblika prekršaja prije sticanja nema položeno, pod dejstvom alkohola i ako ponavlja takve prekršaje slijedi mjera oduzimanja vozila, bez obzira čije je vozilo vlasništvo onaj ko upravlja i ko mu je dao takvo vozilo se oduzima i ide na sud i sud donosi odluku, najčešće uništenje vozila. Mi ćemo svakako nastaviti i ubuduće sa svim mjerama kad je u pitanju bezbjednost saobraćaja, odnosno brza vožnja, ali rekao sam da ovi pokazatelji za prva tri mjeseca i do danas nismo imali nezgoda sa najtežim posljedicama, pa čak i sa teškim tjelesnim tako da je to svakako za dobar rezultat. Nadamo se da će se taj trend i nastaviti.

Neke stvari ne zavise ni od policijskih službenika, mi kad je u pitanju saobraćaj od broja vozila, opterećenosti puta, same infrastrukture puta, tako da svi neki činbenici koji mogu uticati nisu samo policijski službenici, mi najvećim dijelom poduzimamo te represivne mjere, svakako i preventivne vidjeli ste ako ste prolazili mag. Putem da postoje policijski službenici koji stoje kraj vozila sa upaljenim rotacionim svjetlima to je jedna od mjera koja je dala rezultat u pogledu i smanjenja broja saobraćajnih nezgoda.

Postavili ste pitanje problem paljevina vikendica i događaja od 02.03. paljevina državne zastave. Ovo pitanje je nekoliko puta ponavljano, ovo se odnosi na područje Jablanice, mogu reći da je bio sastanak u Općini prošle godine u proširenom sastavu i da su tu izneseni određeni pravci i rezultati koji su postignuti. Ono što mogu reći svakako da je vezano za događaje između ostalog i paljevine na području Jablanice, od strane PS Maglaj podnesen izvještaj protiv određenih osoba sa svim činjenicama i dokazima prikupljenim i elementima prosljeden je nadležnom kantolanom tužilaštvu, tako da mi sa svoje stvari sve do čega smo došli do dokaza, do činjenica ono što smo prikupili, evidentirali i smatramo da postoje osnovi sumnje protiv određenih osoba i to smo dostavili nadležnom tužilaštvu.

Kad je u pitanju događaj od 02.03. paljenja državne zastave, takođe je kroz više vijećničkih pitanja, ja ću odmah reći da je od strane policijskih službenika od samog događaja poduzete su , a to smo i u pismenom aktu odgovorili, niz mjera i radnji i nema razloga da neko ne želi da se to razotkrije, znači odmah su poduzete mjere temeljite, efikasne i prosljeden je izvještaj Tužilaštvu sa do sad prikupljenim činjenicama i dokazima i sa kvalifikacijom krivičnog djela, međutim neke činjenice okolnosti s obzirom da sve provjeravano je dosta informacija koje su policijski službenici dolazili na terenu a dolazilo je i do PS Maglaj, dosta takvih terenskih provjera je izvršeno. Izvršeno je dosta i prikupljeno dokaza na osnovu naredbi Općinskog suda i sa svim tim činjenicama uzeto je i određen broj izvjava, međutim neke činjenice i aktivnosti trenutno ne zavise od službenika PS Maglaj i s obzirom da je istraga u toku mi se nadamo da ćemo ubrzo okončati ovaj predmet u smislu zaokruživanja cjelokupnog događaja kad je u pitanju ovaj događaj. Mogu reći da smo prosljediti određeni izvještaj vezano za taj događaj, da je dosta činjenica i dokaza ono što je prikupljeno, međutim, neke stvari i činjenice moramo sačekati ne zavise direktno od policijskih službenika tako da se nadam da će se i to zaokružiti i dostaviti dopuna sa svim činjenicama i dokazima do kojih dođemo u međuvremenu.

S obzirom kad istraga traje mi neke detalje i činjenice niti možemo niti smijemo otvarati, tako da se razumijemo oko tih stvari, ali da se aktivno policijski službenici ovdje uključeni da je ovo jedan od prioritarnih slučajeva na kojem se radi na rješavanju je svakako tako da ne stoji ta činjenica da neko, snosio bi odgovornost, da ne želi da otkrije a da posjeduje argumente i dokaze.

Gospodin dopredsjedavajući Ferić je izložio pitanja išlo se na državnom nivou i malo šire, ja sam rekao da mi nismo imali najtežih oblika krivičnih djela tako da ja mogu govoriti informaciju i o ovim događajima za koje smo mi nadležni kao PS, nismo imali najtežih oblika. Pomenuo sam da izuzetne rezultate, rekli ste da nije navedeno ovdje su stavljeni posjedovanje i omogućavanje neovlaštena proizvodnja i stavljanje u promet to su dva krivična djela koja reguliše Krivični zakon BiH i ponavljam u 2018.godini 24 slučaja pronalaska a u 2019.godini 23. Samo

da pojasnim u informaciji stoji ono što je potvrđeno nalazom vještačenja i što je procesuirano. S obzirom da se određeni predmeti šalju na vještačenje i kad se dobije tada se protiv izvršioca, morate imati nalaz vještačenja da određena materija sadrži psihoaktivne supstance da bi protiv određene osobe mogli podnijeti izvještaj za jednu od ova dva krivična djela. Tako da u ovoj informaciji što je otišlo i što je proslijeđeno protiv određenih osoba a ovo vam ja govorim ono što je pronađeno i što se čekaju određeni za 2019. godinu to će doći naknadno.

Rekli ste da policijski službenici zažmire na određene prekršaje da se ne postupka jednako, ja kao Komandir moram odgovoriti a to je pitanje ako imate nekakvih saznanja adresa vam je PS Maglaj, ja sam legalista i ne bih želio, gledam sve i da su svi jednaki pred zakonom, tako da i u ovom slučaju ako bilo kakva informacija postoji možete ili meni lično reći ili od koga je tako da ću ja to ispitati.

Spominjao sam također pitanje državne zastave mislim da sam dijelom odgovorio. Saradnja sa građanima Forum, vi ste spominjali i član ste Foruma evo i predsjedavajući formu, ja mogu reći a poznavajući sigurno može i Načelnik potvrditi da je forum za bezbjednost građana jedan od organizovanijih na području kantona. To sigurno tvrdim u nekim općinama taj Forum da li zasjeda ikako ili čak i ne postoji. Tako da taj Forum je zamišljen, mi u svojoj sistematizaciji imamo policajca koji u rješenju ima rad policije u zajednici. Mi ga zovemo RPZ i taj Forum je zamišljen da bude spona između građana kako bi unaprijedili tu nekakvu saradnju inicirali ono nešto što nije iz nadležnosti policije a može doprinijeti bezbjednosti građana i mi smo imali inicijative kad je u pitanju rasvjeta, kad je u pitanju video nadzor na određenim mjestima, kad je u pitanju rješavanje pasa lualica itd. što nije iz direktne nadležnosti policije, a svakako ovi koji su članovi Foruma koji su prvenstveno direktori ili predstavnici škola davali nama određene prijedloge kako bi se s obzirom na školsku populaciju djece unaprijedilo bezbjednost i u školi, i oko škole itd. Mislim da Forum, mi smo uvijek kad god se zakaže sjednica Foruma mi smo uvijek spremni da se odazovemo i naravno saradnja sa građanima je prvenstveno jer bez građana i rad policajke je otežan. Ponavljam Forum je sigurno jedan od bolje organizovanijih na području kantona.

Gospodin Bešić je postavio pitanje prosjačenje, mislim da sam ga odgovorio u cijelosti da ne ponavljam. Mi većim dijelom možemo preventivno u smislu da kad vide policijskog službenika da se udaljavaju da bježe, kažem nemamo lica sa naše općine koji se bave prosjačenjem, ono što zateknemo mi procesuiramo, nažalost takva lica najčešće te kazne ne plate, nema efekta, on je povratnik imamo po nekoliko puta sankcionišemo takva lica nema efekta kaznena odredba, ali ovdje bi se morali uključiti i drugi mimo policije kad su u pitanju prvenstveno djeca koja se zloupotrebjavaju prosjačenjem da se ta djeca, odnosno da se napravi jedna socijalna anamneza da li to dijete zaslužuje da bude u toj porodici ili se zloupotrebjava u prosjačenje.

Gospodin Galijašević je postavio pitanje horizontalne signalizacije na M-17 i obilježavanje n/m znakovima. Ovdje mogu odgovoriti da je za mag.put kad je u pitanju i održavanje i saobraćajna signalizacija nadležna Federalna direkcija cesta i mi možemo da tako kažem pokrenuti, odnosno vi kao MZ, odnosno Općina u inicijativu u smislu tih pitanja koje vi smatrate da bi se trebala riješiti tako da su oni adresa koji su nadležni i za horizontalnu i vertikalnu signalizaciju i za održavanje puta, to je Federalna direkcija cesta, dok je reg.put u nadležnosti Kantonalne direkcije cesta.

Gospođa Zamboni možda je više iznijela jednu konstataciju da građani ne prijavljuju krivična djeca zbog bojazni da će neko doći do informacije, ja svakako pozivam građane bez bilo kakve bojazni, straha, svakog ako imaju bilo kakva saznanja i o kriv.djelu i o prekršaju da to obavezno prijave, je zakon i garantuje potpunu zaštitu, tako a volio bih da vidim i čujem ako ima neko a da se ustručava a da ima i raspoložive informacijama da slobodno, mi bez građana i bez njihovih informacija svakako bi imali još bolje rezultate kad je u pitanju bezbjednost građana, a na kraju mi i postojimo tu da zaštitimo građane.

Kad je u pitanju druge vaše pitanje na raskrsnici Aleja i Viteška, mogu je da bude policijski službenik i da reguliše i on je obavezan i ako je tu i ako uoči da je zastoj u saobraćaju da slobodno može ući u raskrsnicu i regulisati sad kolika je ta gustina može se procijeniti, ali ja ću u narednim danima sigurno pokrenuti i naložiti da se u vremenu od 15 do 15,30 bude tu kako ste i vi naveli.

Ostalo, ima ovdje na kraju ću ponavljalo se nekoliko pitanja kad su u pitanju odnosi, natpisi u medijima, stanje u PS itd. ja ću vama odgovoriti da stanje u PS Maglaj, a to sam i na Formu odgovorio funkcioniše u punom kapacitetu. Kad su u pitanju policijski organi kod nas je uspostavljena hijerarhija. Kad su u pitanju medijski natpisi to sam rekao i na Forumu i bilo kakve žalbe, pritužbe, saznanja, činjenice, dokazi, argumenti, postoji organ unutar Ministarstva a postoji izvan Ministarstva koji ispituje osnovanost ili neosnovanost takvih tvrdnji i na osnovu toga kad se utvrdi neko može snositi odgovornost za ono ako se utvrdi da je počinio odnosno da je napravio disciplinski ili neki drugi propust koji je protivan zakonu. Tako da ovi rezultati iz informacije, sama ta činjenica govori i o nekakvim stvarima, ovdje sam zaboravio reći dopredsjedavajući je postavio pitanje da li je napadnut policijski službenik. U dva navrata u 2013. godini je napadnut policijski službenik a u izvršavanju svojih poslova gdje su osobe koje su napale lišene slobode i procesuirane da ne bi bilo pogrešno da neko se tamo u Stanici između, tako da radi se o sprečavanju službene osobe u vršenju službene radnje napad na policijskog službenika.

Ponavljam jasna procedura i hijerarhija je uspostavljena po vertikali u Upravi policije MUP-a tako i u PS Maglaj. Pozivam sve koji raspoložu bilo kakvim dokazima, činjenicama, argumentima, mi smo adresa i mi možemo pozvati na odgovornost ako je neko prekršio ili napravio propust u tom pogledu, ali ja se ne bi složio s činjenicom da postoji, ja smatram da sam ja Komandir i da sam odgovoran za stanje u PS Maglaj, ne postoji bilo kakav

paralelizam u funkcionisanju, a sve ono što postoji sa argumentima, činjenica postoje organi koji unutar MUP-a ispituju i utvrđuju sve te činjenice, okolnosti. Mislim da ovim odgovorom isto pitanje je postavio dopredsjedavajući i na Forumu i isti je odgovor dobio i na medijske natpise i na portale i na žalbe i na pritužbe. Svako ko podnese i sve ono što se napiše odmah se uzima u rad od strane organa Odsjeka za unutrašnju kontrolu unutar MUP-a a ako treba i izvan da se ispita osnovanost i neosnovanost i onda na osnovu toga se donose određene mjere i radnje. Reko sam u dva navrata je napadnut policijski službenik u izvršavanju svojih poslova i zadataka gdje su osobe koje su to izvršile lišene slobode i procesuirane su. Znači u izvršavanju svojih poslova od strane kriminogenih osoba. Ispravljam se 2019.godine, a ne 2013.godine. Znači u prva 3 mjeseca imali pored ostalog govorim o složenosti policijskog posla da pored nekakvih rutinskih kontrola dođe do napada i na policijske službenike ili sprečavanja u određenom vršenju poslova i zadataka, tako da sam ovdje pojasnio da nije napad među službenicima nego od strane.

**Salim Krzić**, u svom izlaganju je iznio da Forum za bezbjednost građana, egzistira ima desetak godina. Forum kao jedan segment rada policije u zajednici koji je osmišljen sa MUP-om i OSCE, je tako oformljen po određenim kriterijima. U Forumu nas ima 21 po raznim osnovama sa svakim pojedinim je obavljen razgovor i tu se radi o klasičnim amaterima. Forum je imao svoju redovnu sjednicu 11. aprila ove godine na kojem je razmatrao ove dvije informacije koje imate na dnevnom redu. Da ne ponavljam sve ove podatke koji su ovdje navedeni. Forum se između ostalog bavio i pitanjima bezbjednosti građana, pasa lotalica, prosjačenja, neosvjetljenost poligona kod Osnovne škole „Maglaj“. Problem parkiranja vozila ispred „Prve OŠ“ Maglaj i MSŠ Maglaj. Problem uništavanja saobraćajnih znakova na području Novog Šehera, problem koji je prisutan i mi na Forumu smo o tome raspravljali i zamolili PS da učini dodatni napor i pokuša ustanoviti ko to radi iz kojih razloga i da to kao takvo sankcioniše. Poseban problem je paljenje vikendica na jablaničkom području i paljenje državne zastave. Mi kao Forum nismo mogli ništa posebno, dobili smo informacije koje je Komandir danas ovdje iznio na OV, ali očekujemo kao Forum da će čim prije biti ti izvršioc i do kraja otkriveni i kao takvi i procesuirani.

Na Forumu smo donijeli jedan zaključak da bi trebalo u razgovoru dalje sa predstavnicima OV koje s pravom raspravlja u domenu bezbjednosti na području općine Maglaj izgraditi taj međusobni odnos ubuduće šta kako i na koji način i u kojim situacijama da se i Forum treba da uključi u tim raspravama....

Forum koji svoje zaključke donosi konsenzusom je donio četiri zaključka:

1. Da se prihvata Informacija o stanju bezbjednosti za 2018. godinu i prva tri mjeseca 2019.godine uz date ocjene te da je ista u navedenim periodima povoljna;
2. Forum cijeni i očekuje da PS Maglaj treba nastaviti sa rješavanjem problematike koja je iznesena od strane prisutnih, a ista je u nadležnosti policije;
3. Sve inicijative koje su na Forumu iznijete prosljediti nadležnim organima za njihovo rješavanje kako je to i do sada PS radila;
4. Da u narednom periodu učiniti zajednički napor da se Forum češće puta sastaje i dogovoriti sa OV o načinu međusobne saradnje u budućem periodu.

Forum ima izuzetno dobru saradnju sa PS Maglaj, sa načelnicima općine kako prethodnim tako i sadašnjim. Mi vama ne podnosimo izvještaj, niti smo vas dužni informisati, na vaše traženje smo došli na današnju sjednicu.

**Vedad Šečić**, glavni inspektor Načelnik PU III. Informaciju ste dobili, Komandit PS je dao iscrpne i dodatne podatke i informacije koje ste mogli i pročitati. Imali ste određena pitanja. Svi vi znate da je policijska struktura profesionalna struktura da ona nije politički ni orijentisana niti može biti, niti u policijskim strukturama ima članova političkih partija, niti to može biti.

Policijom na nivou kantona rukovodi policijski komesar, nadzor nad radom policijskog komesara je nezavisni odbor. Također postoji skupština komisija za praćenje i rad policije unutar i tu je skupštinska komisija Ured za pritužbe građana koji razmatra i unutrašnje i vanjske pritužbe i građana i pritužbe unutar policijskih službenika i postoji jedan organ unutrašnja kontrola koja prati i kontroliše sve žalbe, sve prijave i sve nedostatke eventualne koje čine policijski službenici...

Dobili ste odgovore za konkretne slučajeve, a ja ću vas više obavijestiti o kako neko reče natpisi u medijima. Pitanje međuljudskih odnosa. Natpisi u medijima koji su se pojavljivali nismo ih propratili onako kao da nas ne zanima. Oni su bili predmet interesovanja i obrade od strane Jedinice za profesionalne standarde. Bili su tema Ureda za pritužbe javnosti. Detaljno je sve provedena procedura, svi detalji su ispitani i zaključeno je da ne postoje činjenice koje su navedene u tim medijima. Zvanično kako su zaključeni slučajevi mogu biti na više načina.

Saradnja sa građanima je nešto na čemu mi pokušavamo graditi uspješnost u otkrivanju i prepoznavanju određenih događaja, nekad imamo većeg uspjeha, nekad manje zavisno kako građani, ali mi u svakom slučaju se trudimo i dolazimo do podataka, do činjenica do dokaza, način kako to struka i zakon nama predviđa.

Načelnik općine dao osvrt i prepoznao i dobre rezultate i naglasio posebno istakao jedan termin paralelne strukture, pa mogu jasno reći da takva jedna formulacija jednostavno ne može postojati. Mi smo profesionalna služba i ovo što sam malo prije rekao da su sve radnje i provjere izvršene i donesen je zaključak o statusu tih predmeta. Da li ćete vi dalje raspravljati to je vaša stvar, mi ne možemo utjecati na to da li ćete vi raspravljati, to vi odlučujete a ne mi. Naše je da se odazovemo na vaš poziv da vas informišemo u dijelu u kojem je to moguće i treba da odradimo. Zahvaljujem se na prilici da vam dam neke informacije, da me saslušate, a ujedno bih zamolio i

Načelnika da ono što smo nekad razgovarali da bi unaprijedili stanje bezbjednosti da se investira u opremu informatičku, prije svega u video nadzor na nivou općine, da se investira u horizontalnu i vertikalnu signalizaciju, mislim da je predugo vrijeme da semafori ne rade, ali to opet nadam se da će ovo OV, Načelnik i službe naći dovoljno sredstava da se u što skorije vrijeme otklone ti nedostaci i da i nama kao službi date instrumente i tehničke mogućnosti da puno lakše dolazimo do dokaza i podataka koji nam trebaju u različitim istragama.

**Načelnik općine,** Informacija kao informacija je u redu, takva je kakva je i ja sam na početku i pohvalio određene aktivnosti i mnoge aktivnosti PS. Informacijom sam zadovoljan što ima u njoj. Nažalost puno smo potrošili vremena i na priču o Forumu, Forum nije danas tema, ali jest dio ove informacije, tako da razumijem i to, ali smo se počeli malo vrtiti u krug. Ja sam se javio odmah za repliku poslije izlaganja Komandira PS, dakle odgovorio je na sva vijećnička pitanja. Moje konkretne navode koji su se ticali mene koje sam ja doživio, nisu dotaknute. Razgovarali smo mi i razgovarat ćemo imamo dogovoren sastanak u ponedjeljak, tako da ja neću ovdje previše iznijeti informacija. Kad bih iznio ovdje informacije čine se pojedinci u PS švercaju, vi bi se svi ovdje smijali. Ali ću iznijeti vama u ponedjeljak da znate.

Ja sam pomenuo paralelna struktura da li se to tako naziva ili ne naziva, ali imate grupu u PS koja se otuđila od pravila svega i rade samoinicijativno, samostalno, tražite video nadzore iz kafića gdje se zasjeda pa ćete vidjeti ko se i okuplja. Ovo je s dobrom namjerom i za PS i za PU i MUP ZDK, a naročito za građane općine Maglaj. Ja imam obavezu da to iznesem i od toga ne treba bježati.

Ako kažete da nema članova političkih partija, možda ih nema na spisku, ali pratite kampanje pa ćete vidjeti kako vam se uniformisana lica pojavljuju u kampanjama političkih partija.

Što se tiče unapređenja stanja, pa ne smatram i nisam video u informaciji da ima i jedan problem vezano za semafor i vjerovatno ćemo ove godine riješiti i semafore. Inicijativa oko kamena ima ih i od prije nego što ste je pomenuli. Bili smo skoro dogovorili da to završimo i odustali smo iz drugog razloga. Nije vezan ni za novac, vezan je za određene principe. Trenutno se razmatra mogućnost da instaliramo i one su nama prijeko potrebne kamere i u tome se slažemo. Ja vas molim da od informacija koje ste ovdje dobili načete informacije, imate tih informacija i unutar vaših uposlenika koji će vam sigurno prenijeti. Ja vas molim da to shvatite ozbiljno. Ovo nije rekla-kazala, to su činjenice, to su podaci. Dobijali ste i prijave, svašta je bilo, ja vas molim da se to riješi u Maglaju. I još ću jednom ponoviti ovdje komandir policije ne učestvuje u tome. Čovjek je u čitavom govoru iznio jednu riječ koja ga zaista krasi „legalista“, ali postoji onaj drugi dio koji on ne može dotaći i ne vidi ga i nema vremena ni da ga vidi, ni da ga dotakne. A iznad gore ste ostali znali i znate, imate informacije. Medijski nastupi, medijske izjave koje su bile su vam 99% tačne. To što niste pronašli vašom internom kontrolom to ne znači da nije bilo, ja vas molim u ime građana Maglaja da ozbiljno uzmete u razmatranje ovo što vam je danas ovdje izneseno za sve što je izneseno postoje argumenti. To je prijeko potrebno. Nemojte to shvaćati neozbiljno ja vas molim. Zbog digniteta MUP-a zbog građana općine Maglaj.

**Predsjedavajuća,** zaključujem raspravu potrebno je da diskusije općinskih vijećnika uzmete ozbiljno razmatrati i preduzmete korake u skladu s tim. Vama će biti svakako dostavljen, on je javni dokument, a mi ćemo se potruditi da vam dostavimo i zapisnik po ovoj tački dnevnog reda, tako da možete imati od riječi do riječi citirana sva izlaganja vijećnika, sa prijedlozima koji će biti ovdje izneseni. Sve će biti u zapisniku uneseno a vi postupite u skladu sa navedenim. Općinsko vijeće daje podršku radu PS i Načelniku PU, pa predlažem da

- Prima se k znanju Informacija o stanju bezbjednosti za 2018. godine i Informacija o stanju bezbjednosti za prva tri mjeseca 2019.godine uz prijedloge i sugestije.

Načelnik je rekao da bi brifing mogao pomjeriti za narednu sjednicu, ili ako vi želite da Načelnik to uradi sad. Za nastavak sjednice uz vanrednu sjednicu koja će biti naredne sedmice vi ćete biti obavješteni, uz Izvještaj koji će biti uz Vanrednu sjednicu Općinskog vijeća.

28. sjednice Općinskog vijeća prekinuta u 16,10 sati.

Zapisničar,  
Nisveta Bašić




**NASTAVAK 28. REDOVNE SJEDNICE OPĆINSKOG VIJEĆA MAGLaj  
DANA 31.05.2019. GODINE**

**Predsjedavajuća,** u skladu sa onim što smo dogovorili na redovnoj 28. sjednici OV, prelazimo na preostale tačke po dnevnom redu redovne sjednice. Otvaramo nastavak 28. redovne sjednice OV u skladu sa dnevnim redom koji smo usvojili na redovnoj sjednici. Preostale tačke dnevnog reda su od 11-17. kako slijedi:

11. Informacija o stanju zaštite od požara na području općine Maglaj u 2018.godini;

12. Informacija o planu upisa u osnovne i srednje škole na području općine Maglaj;
13. Informacija o radu JU Gimnazija "Edhem Mulabdić" za 2018. godinu;
14. Informacija o radu MSŠ Maglaj za 2018. godinu;
15. Informacija o radu „Prva osnovna škola“ Maglaj za 2018. godinu;
16. Informacija o radu Osnovna škola „Maglaj“ Maglaj za 2018. godinu;
17. Informacija o radu Osnovna škola "Novi Šeher" Novi Šeher za 2018. godinu;

Zatim slijedi brifing Načelnika općine i vijećnička pitanja i inicijative.

AD – 11 Informacija o stanju zaštite od požara na području općine Maglaj u 2018. godini.

**Predsjedavajuća**, materijal ste dobili u sazivu za 28. redovnu sjednicu, Otvaram raspravu

**Vijećnica Šefka Hasanić**, Klub vijećnika SDA je razmatrao ovu Informaciju i kao takvu je prima k znanju. S obzirom da postoji jedan dio neusklađenosti sa zakonskim propisima iz ove oblasti, ja se nadam i dodatni angažman dopredsjedavajućeg OV da će ovaj dio se riješiti po pitanju akata koje i Vijeće treba donijeti, a i po pitanju odobrenja koje Vatrogasna jedinica mora imati za obavljanje djelatnosti koje su navedene u informaciji.

**Predsjedavajuća**, zaključujem raspravu i predlažem da

- Prima se k znanju Informacija o stanju zaštite od požara na području općine Maglaj u 2018. godini.

AD – 12 Informacija o planu upisa u osnovne i srednje škole na području općine Maglaj.

Otvaram raspravu

**Vijećnica Selma Avdić**, želim iznijeti svoj lični stav, gdje sam zamoljena od roditelja učenika koji upisuju srednju školu. Naš Načelnik je poslao jedno pismo, gdje je u tom pismu naveo samo roditelja kao muškarca. Bilo je naslovljeno samo na gospodine. Ja mislim da je to pismo trebalo da bude naslovljeno poštovani roditelji, jer vjerujte da i majka učestvuje u odgoju svoga djeteta i to je kao jedna uvreda za majku. Vjerujte to su mi majke sugerisale, jer pojedini roditelji žive rastavljeni. Pojedini roditelji su samohrani roditelji, tako da se nadam da će se to na neki način ispraviti.

**Načelnik općine**, žao mi je što vijećnica Selma nije rekla o čemu se radi. Mi smo jučer imali ovdje jedno predavanje jednog motivacionog govornika gdje smo pozvali iz svih osnovnih škola završne razrede i njihove roditelje da dođu da čuju, da na neki način pokušamo da im pomognemo u opredjeljenju njihovog daljeg životnog puta. Ovo su djeca koja završavaju osnovnu školu, to je njihova prva velika životna raskrsnica, a očigledno je da u ovoj državi treba dosta truda da se ove anomalije iz obrazovanja isprave. Mi ovdje godinama govorimo da je obrazovanje u prioritet stavilo prosvjetne radnike, a ne djecu i zbog toga proizvodimo bespotrebne kadrove, hiperinflacija jednih te istih kadrova, nedostatak pravih struka, nedostatak ono što danas zapad omogućava da se radi čak i od svoje kuće tako da smo jučer imali mladog čovjeka, vrlo uspješnog čovjeka koji ima firme i u BiH i u Engleskoj, Kataru. Poziv je upućen, prvo mogli smo mi poziv uputiti u školama da se pročita oglas i objaviti, nismo htjeli htjeli smo da pošaljemo lično svakom djetetu. Tražili smo podatke od škola, zanimljivo da ni jedna škola nije imala ažuriran spisak djece sa podacima, nego su neki slikali dnevnicu, neki su dodatno pisali i prosljedili i mi smo čak htjeli da napravimo cirkularno pismo poštovani, pozivamo vas dođite. Na svakom je pismu je pisalo prezime i ime, ime roditelja koje je dostavljeno iz škole. Dakle, ja niti znam djecu, niti znam roditelje, ako se dobro sjećam iz dnevnika ako u dnevniku piše ime roditelja, piše ime jednog roditelja. Prema tome, ono što je dostavljeno od škola, nisam siguran da u rubrici ime roditelja pišu oba roditelja nisam siguran, u Gimnaziji pišu. Uglavnom od škola što su dostavljeni podaci, to je povučeno u excel tabelu i prosljeđeno. A ko je se našao uvrijeđen, dobili podatke od škole, unijeli u poziv i pozvali potrudili se ovaj put da upišemo makar ime jednog roditelja. Idući put ćemo napisati oba roditelja. Vidite dokle nam je spalo obrazovanje da škola nema ažuriran spisak svojih učenika. Jel to sramota danas na ovom nivou tehnologije koju imamo.

**Vijećnica Svjetlana Zamboni**, nisam znala u kojem će smjeru ići ova diskusija, a htjela sam reći obzirom da je u prostorijama ove Ustanove održano to motivaciono obraćanje tog gospodina, ja sam htjela reći da je ovo prvi put koliko ja znam u prosvjeti sam preko 20 godina, da je ostvaren lični kontakt Načelnika općine i roditelja djeteta, odnosno djeteta koje završava osnovu školu, što je, ja bih rekla veliki iskorak u dosadašnjoj praksi i što je po prvi puta rađena ta vrsta profesionalne orijentacije osim one redovne koja je obavezni dio koje obavljaju sve osnovne škole. Dakle, vrlo je pohvalno i dobro je da i sama djeca na toj prvoj životnoj raskrsnici dobijaju neku cjelovitiju sliku osim one koju mi ponudimo ovdje na lokalnom nivou. Ja sam htjela izaći zapravo da pohvalim tu aktivnost koja je napravljena jučer i mislim da svakome od nas kao roditelju mnogo znači kada Načelnik općine svojeručno potpiše poziv i uputi meni kao roditelju da svojim djetetom na njegov lični poziv dođem i poslušam nešto što imaju kazati a vezano za profesionalnu orijentaciju moga djeteta. Ja kao majka ne bi se sigurno našla uvrijeđenom da je poziv došao na moga supruga jer mislim da se odnosi na naše zajedničko dijete i na njegovu budućnost.

**Vijećnik Safet Jašić**, i pored ovoga što predsjedavajuća opravdava izostanak predstavnika škole, mislim da je ova priča bila i prošle godine ista i nije ovo dovoljno ozbiljno od predstavnika škole da danas ne sjede ovdje i ne samo da sjede da čuju šta će vijećnici kazati o svakoj školi, nego da oni iznesu probleme, a ja koliko živimo prolazimo kroz javne ustanove OŠ i srednje škole, Gimnaziju itd. niz problema je u ovim školama. I na ovu temu je potrebno bar godišnje jednog održati tematsku sjednicu a ne samo riješio sam se evo ja sam poslo informaciju i završio sam posao. Nije to dovoljno. Problemi su veliki posebno u SMSŠ, kada se djeca trebaju opredijeliti gdje, šta i kako dalje. Gimnaziji također, ali i osnovne škole imaju niz problema koje trebaju ovdje da predstave i da upoznaju vijećnike sa kakvim problemima se susreću škole. Od osvjetljenja, od pitke vode, mokrih čvorova, putovanja učenika itd. Mislim da ubuduće treba malo ozbiljnije to shvatiti i lijepo je da svaki direktor izađe i kaže pravo stanje tamo gdje i zarađuje platu.

**Vijećnik Firuz Galijašević**, zaposlen sam u Službi za zapošljavanje ZDK i mi smo i ove kao i svake druge prethodne godine imali obavezu da obavimo profesionalnu orijentaciju sa učenicima završnih razreda kako osnovnih tako i srednjih škola, gdje smo im mi objašnjavali u stvari; Profesionalna orijentacija je pomoć u odabiru zanimanja. Mi smo to pokušali da im prezentiramo i damo pravo stanje na tržištu. Moja je sugestija da se ta profesionalna orijentacija pokuša napraviti i sa roditeljima, jer mnogi roditelji utiču na svoju djecu u tom odabiru zanimanja bez da su provjerili kakvo je stanje na tržištu.

**Vijećnik Nedžad Lokmić**, ja sam zadužen u ime gospođe Amele Hidić, direktorice JU Gimnazija „Edhem Mulabdić“ da se kratko obratim. Ona je prošli put bila na ovoj sjednici i danas je namjeravala, međutim zamolila me da se obratim u njeno ime jer ima određenih zdravstvenih problema i posjetu određenoj osobi.

Dakle, vidjeli ste i u materijalima, ja ću se kratko osvrnuti i na ovu i na narednu tačku mi planirano upisani tri odjeljenja. Znamo da je to pretjerano, da je to nerealno, ali stavili smo pa čak i onaj optimalan broj odjeljenja. Mi ćemo biti zadovoljni i sa dva odjeljenja prvih razreda u Gimnaziji, prenosim i njenu molbu i molbu svih uposlenih u Gimnaziji a vjerujem i u ime kolega iz SMSŠ da svi zajedno doprinesemo da se što više naše djece upiše u ove dvije škole, da utičete, da molite, da sugerirate da djeca ne napuštaju našu općinu da ne idu u druge općine jer sve te struke i sva zanimanja, ili barem većinu u našim školama. Šteta je da omladina odlazi, šteta je da dovodimo u pitanje rad određenih ustanova, određenih škola u 13. tački imate rezultate rada naše Gimnazije oni dovoljno govore o tome i u ime svih velika molba da svi zajedno doprinesemo da se što više učenika upiše u ove škole.

**Predsjedavajuća**, nema više diskutanata, ukoliko direktori škola imaju potrebu da se obrate izvolite.

Mislim da smo svi manje više svjesni osnovnog problema kad je upis učenika u pitanju, to je nedostatak učenika, broj djece na području općine Maglaj, ali i okolnih općina vjerujem da će u okviru ovih diskusija o samom radu ovih JU biti možda malo više riječi o uslovima koje je spominjao gospodin Jašić. Zaključujem raspravu i predlažem

- Prima se k znanju Informacija o planu upisa u osnovne i srednje škole na području općine Maglaj.

AD – 13 – 17

**Predsjedavajuća**, sugestija dopredsjedavajućeg da diskutujemo o svim školama, ako proizađu neki zaključci pojedinačni vezano za ustanove, pošto su i gosti nam tu.

Od 13-17 tačke otvaram diskusiju po svim informacija

**Vijećnik Edib Delić**, imam jednu tehničku primjedbu kad su u pitanju izvještaji školskih ustanova. Prilikom pripremanja za ovu sjednicu vidio sam da u materijalima stoje izvještaji, a u sazivu za ovu sjednicu stoje informacije. Da se ne bi desilo da izvještaje primamo k znanju, a znam metodologiju i koja je išla, ali da se zna i da se usaglasi.

**Predsjedavajuća**, i javnosti radi samo da pojasnim Općinsko vijeće nema nadležnost da usvaja Izvještaj o radu osnovnih i srednjih škola, to je nadležnost Ministarstva za obrazovanje, nauku, kulturu i sport, ali je obaveza svih tih obaveza da informaciju o tome dostavljaju nama. Oni su dostavili naravno u materijalu izvještaje koje podnose ka Ministarstvu kao materijal za nas da imamo jasan uvid u njihov rad i ono što su izvještavali ka Ministarstvu, na osnovu čega su i dobijali saglasnost za naredni godišnji program rada. Ovo je za prethodnu školsku godinu u svakom slučaju .

Nema rasprave, zaključujem raspravu i predlažem da sve informacije primimo k znanju.

- Informacija o radu JU Gimnazija“Edhem Mulabdić“ za 2018.godinu;

Prima se k znanju Informacije o radu JU Gimnazija“Edhem Mulabdić“ za 2018.godinu

- Informacija o radu MSŠ Maglaj za 2018.godinu.

Prima se k znanju Informacija o radu MSŠ Maglaj za 2018.godinu.

- Informacija o radu „Prva osnovna škola“ Maglaj za 2018. godinu.

Prima se k znanju Informacija o radu „Prva osnovna škola“ Maglaj za 2018. godinu.

- Informacija o radu Osnovna škola „Maglaj“ Maglaj za 2018.godinu;

Prima se k znanju Informacija o radu Osnovna škola „Maglaj“ Maglaj za 2018.godinu.

- Informacija o radu Osnovna škola“Novi Šeher“ Novi Šeher za 2018.godinu;

Prima se k znanju Informacija o radu Osnovna škola“Novi Šeher“ Novi Šeher za 2018.godinu.

### **Brifing Načelnika općine**

Načelnik općine, s obzirom na sve današnje obaveze pokušat ću biti što kraći što mogu da se osvrnem na neka dešavanja koja su bila u periodu od posljednje redovne sjednice Općinskog vijeća Maglaj, tako da u tom periodu smo imali i konačnu Komisiju za reviziju, proces dobijanja BC certifikata. Ovdje je bila jako kvalitetna dobra rasprava, bilo je nekoliko sugestija, prijedloga za korekcijama onog što smo uradili. Inače radi se o procesu koji traje od perioda prošle godine od prilike godinu dana. Hiljade stranica dokumenata je predato, postavljeno na stranicu, tako da nakon evaluacije, kontrole i svega imali smo posljednju reviziju. Sugestije koje su bile ni jedna se nije odnosila na kriterije koji su eliminacioni, niti kriterije koji su imali visok uticaj na dobijenu ocjenu. Tako da smo jako zadovoljni, sve što su bile sugestije u narednih par dana smo korigovali, odradili tako da očekujemo vrlo blisko u narednom periodu da dobijemo i sam certifikat.

Također radimo na istraživanju kako najbolje riješiti problem implementacije Menadžment dokument sistema u Općini Maglaj. Imali su određene prezentacije, nekoliko prezentacija ovdje od lokalnih kompanija, govorim o BiH, do slovenačke kompanije i vodo sistema. Ja se iskreno nadam da ćemo ove godine uspjeti s obzirom da imamo i dio sredstava planiranih u Budžetu za ovu godinu, nadam se da ćemo to uspjeti i realizovati.

Također nedavno smo imali u posjeti delegaciju UNDP-i i ispred EU stručnjaka za upravljanje rizicima od katastrofa gospodina Mihovila Nekvasila. Imali smo jednu kvalitetnu analizu radi se o tome da se priprema plan postupanja u kriznim situacijama kada su u pitanju elementarne nepogode, pa lično mogu biti zadovoljan sa analizom koja je napravljena od strane Nekvasila, razmotrili smo nacrt tog plana i uskoro ćemo imati konačan plan kako sam već i napomenuo koji će biti ponuđen Općinskom vijeću na usvajanje, a svakako ćemo raditi i na procjenama ugroženosti, kako smo se inače dogovorili u okviru tog projekta, procjene ugroženosti kada je u pitanju i požarna opasnost i zemljotresi, poplave, klizišta. Očekujem do kraja godine da ću imati tu kompletno zaokružen projekat.

Želio bih vas informisati da smo nekoliko mjeseci tražili sastanak sa Željeznicama FBiH zbog određenih aktivnosti koje bi trebali s njima zajedno da radimo i da realizujemo ili u najmanju ruku da nam daju zeleni signal da to možemo raditi. Tako da i nakon naših pisanih zahtjeva i nakon uticajnim zaobilaznim putevima uspjeli smo na kraju obezbijediti da jedna stručna delegacija Željeznica FBiH dođe u Maglaju izašli smo na teren da riješimo dva problema. To je pitanje podhodnika koji se ne koristi a djeca iz Misurića idu preko pruge u školu, tako da smo dobili zeleni signal i sredit ćemo i taj podhodnik staviti ga u funkciju, staviti nadzor i zbog sigurnosti djece, a istovremeno otvara se i tržišni centar „Bingo“, danas je otvaranje u 14:00 sati, tako da će to Maglajlije i kupci koji idu u „Bingo“ koristiti. Ono što je bitnije nakon višegodišnjeg odbijanja da razgovaramo o alternativnom prijelazu preko pruge u slučaju većih poplava kao što je bilo 2014.godine na sve naše ideje i ranije dok je Načelnik Mustabašić slao zahtjeve i ja što sam slao, stalno smo dobijali odgovore da po zakonu i pravilniku ne može da se pravi u tom rejonu pružni prijelaz. Međutim, našli smo jedno vrlo prihvatljivo rješenje gdje su i oni iz struke Željeznica FBiH se složili da je to moguće uraditi, da je to moguće riješiti i da neće biti zloupotrebljavano od strane građana, dakle neće se povećati opasnost da neko koristi to i eventualno da imamo neželjene posljedice na prelasku preko pruge. Iskreno se nadam, dogovorili smo se da uključimo tu i Federalnu upravu CZ Općina Maglaj i Željeznice FBiH i da to riješim. Iskreno se nadam da ćemo to riješiti iako znate da je sa JP koji su državnom vlasništvu nekad to malo i preteško, nekad budu jako kruti, ali obećanja imamo.

Dotakao sam se otvaranja Trgovačkog centra „Bingo“ da napomenem još jedanput danas u 14:00 sati investicija koja je bila preko 10 milina KM uposlenih negdje blizu 100 u ovom trenutku i vjerovatno će biti još. Za dalje investicije vidjet ćemo porazgovarat ćemo.

Također vas želim napomenuti da su u toku javni pozivi, dosta javnih poziva je otvoreno, Općina Maglaj prati sve javne pozive, javljamo se na sve njih i također saradujemo sa ostalim institucijama što JU, što pojedinim udruženjima koji imaju mogućnost da se jave na javne pozive. Rezultati će biti prezentirani nakon što odrade komisije nadležnih institucija svoje poslove i rangiraju one koji su kandidovani i odobre projekti.



U toku je opremanje i strukture PVJ i sa sredstvima za spašavanje na vodi i sa ličnom zaštitnom opremom i sa opremom za vatrogatvo, uključujući i vozilo koje im je neophodno, ne vatrogasno veliko vozilo nego vozilo za manipulacije na teže pristupačnim mjestima za manje ekipe.

U toku su određeni infrastrukturni radovi Poslovna zona u Liješnici, most ana Bijeloj Ploči danas se stavlja metalna konstrukcija, šalovanje završni radovi.

Urađeno je retro rasvjeta prema „Natron“ za koju se zahvaljujem svim i uposlenicima „Natron“ i građanima koji su me kontaktirali i zahvalili se za to.

Na nekoliko lokacija su otvoreni radovi Straište, otvorit će se put kod „Natron“, u Jablanici dakle većina onoga što je u prošloj godini 2018. Stradalo sa onim poplavama, sanacija tih dijelova i ono što smo planirali Budžetom da radimo na terenu, tako da svakako sezona tih radova i jeste, tako da će biti na širem području općine u skladu sa planom koji smo usvojili ovdje na Vijeću koje može biti korigovano u određenom iznosu ovako kako smo i danas rekli da gdje se ukazala potreba poslije ove poplave da tu intervenišemo prioritarno, a da rješavamo onda te dionice naknadno.

Želim još pomenuti kad je u pitanju napajanje el.energije na području općine Maglaj, konačno je riješeno ovo u Šeheru trafo stanica zv. „Gornja mahala“, puštena je pod naponom iako je bilo nerazumijevanja između dvije elektrodistribucije. Ja sam dvije godine uporan bio na tom problemu da riješimo FERK je također bio smetnica, sad kad je riješeno FERK napisao proglasio se ne nadležnim u tom problemu, prebacio na Ministarstvo koji je vlasnik obje „Elektrodistribucije“ pa evo de se vi između sebe ganjajte, nemojte nas uznemiravati, nema ne treba da radimo, a pravio je FERK i te kakve probleme. Kad je u pitanju el.energija radovi idu i na području Kopica, nadam se da ćemo u toku ljeta imati trafostanicu u pogonu. Davno je odrađena projektna dokumentacija, izganjane dozvole još dok sam ja bio u „Elektrodistribuciji“.

Za mještane Kosove informacija da je otvoren radni nalog za trafo stanicu Kosova Brdo to je dakle gore u onom gornjem dijelu Kosove, a vrlo brzo ide i sa rekonstrukcijom nisko-naponske mreže izgradnja nove trafostanice i pripadajućeg dijela srednje naponskog voda za novu trafo stanicu kod Doma u Kosovi.

Još jedna informacija i jedan zahtjev. Ovdje kod izvršenja Budžeta bila je dilema različitih iznosa kada su u pitanju sredstva dobijena od poslovanja kladionica na području općine Maglaj. Mi smo u Budžetu prikazali 30 i nešto hiljada KM u medijima ste mogli pročitati sto i nešto hiljada KM. Dakle, konačna stvar provjerili smo mi smo u Budžetu to odradili korektno onako kako jest, mi smo dobili 30 i nešto hiljada KM, a ostala razlika do ubranih sto i nešto hiljada je pripala višim nivoima i ko želi to može dobiti te odgovore i u pisanoj formi.

Zamolio bih vijećnika Jašića kao predsjednika MZ dugo pričamo o dobijanju ishოდovanju papira za građenje društvenog doma u Kopicama gdje imamo planiranih 25.000 KM za ovu godinu. Vi ste dobili dio sredstava za projektnu dokumentaciju i na kraju je ispalo da fali 400 i nešto KM za geoistraživanja. Ukoliko nisu uplaćena od strane Općine, neki dan je došao zahtjev bit će odmah uplaćena, ali vas molim dajte više to ubrzajte da završimo proceduru radi se o vašoj MZ, radi se o domu koji će biti kod vas i neće ga ni ovaj ni bilo koji načelnik natovariti na leđa i odnijeti iz Kopica. Ja vas molim smanjite politizaciju a dajte da uradimo nešto konkretno za građane. Projekat je jednog doma toliko dugo traje. Puno većih i značajnih projekata smo u međuvremenu riješili.

Imate podršku za izgradnju doma, ali dajte da zajedno to ubrzamo.

## VIJEĆNIČKA PITANJA I INICIJATIVE

**Vijećnik Firuz Galijašević**, pokrećem vijećničku inicijativu prema nadležnoj službi koja je u saradnji sa Savjetom za sigurnost saobraćaja.

Veliki problem u gradu je horizontalna signalizacija, tj. pješački prijelazi „zebre“ koji su izbljediti ili se i ne vide pa tako stvara problem i opasnost građanima a i svim učesnicima u saobraćaju.

Prijedlog: obilježiti sve pješačke prijelaze po Zakonu (član 51. Odluke o sigurnosti saobraćaja na cestama Općine Maglaj - 22. Sjednica OV od 04.12.2018.godine) i standardima uz obaveznu garanciju od strane izvođača. Zadužiti nadležnu Službu da u saradnji sa Savjetom za sigurnost saobraćaja vrši kontrolu kvaliteta boje kojom se obilježavaju pješački prijelazi i ispravnost horizontalne signalizacije (član 52. Odluke o sigurnosti saobraćaja na cestama općine Maglaj isto tako 22. Redovna sjednica od 04.12.2018.godine).

Moje pitanje upućeno je Službi za urbanizam, geodetske i imovinsko pravne poslove:

Na 26. sjednici OV od 28.03.2019. godine pokrenuo sam vijećničku inicijativu za dopunu spiska potrebne dokumentacije za utvrđivanje uslova u okretanju postupka za izmjenu Regulacionog plana na području općine Maglaj i još uvijek nemam povratnu informaciju od nadležne općinske Službe o poduzetim radnjama i mogućnostima uvrštavanja navedene dokumentacije kao uslov za pokretanje postupka izmjene Regulacionog plana na području općine Maglaj, te molim Službu za pismeni odgovor za postavljeno vijećničko pitanje.

**Vijećnik Safet Jašić**, na 26. Redovnoj sjednici sam postavio dva vijećnička pitanja i nisam dobio odgovore.

Radi se o onom udruženju ANTIFAŠISTA da li su se oglasili povodom onog četničkog djelovanja.

Drugo vijećničko pitanje bila je sanacija puta bankina na putu Novi Šeher-Kopice. Nisam dobio odgovore na ta dva vijećnička pitanja. Tražim da do naredne sjednice dobijem ta dva odgovora.

Kada je u pitanju ovo što je malo prije Načelnik rekao. Ja sam ozbiljan čovjek i odgovoran i na poslu i kod kuće itd. Kad je u pitanju ovaj projekat, projekat je jučer me nazvao čovjek i rekao da je projekat završen. Nema nikakve politizacije, ni osporavanja oko ovoga, ko bi to bio protiv da mu se nešto kod kuće i u kući radi. Projekat je jučer završen i danas ću podići projekat i vidjet ćete datum, nije bilo do mene. Isplaćen je dodatna sredstva su bila čovjek je platio izlazak geologa koji do sada nije bilo potrebe da izlazi za ovakve objekte. To je jedan prelijep objekat.

Želim uputiti čestitku svim vijećnicima islamske vjere Bajram Šerif Mubarek Olsun ispred Kluba SDA.

**Vijećnik Hajrudin Ferić, - inicijativa** - zamolio bih tehničku službu da u iduću zapisnik sa 28. sjednice uvrsti moju inicijativu sa 27. sjednice, tako da stoji na papiru.

Iniciram kod Službe za BISZ da za narednu sjednicu Općinskog vijeća pripremi i predloži ime povjerenika MZ Maglaj-grad, kako bi isti mogao učestvovati u pripremnim radnjama za donošenje Statuta i sazivanje zbora građana, što je utvrđeno donošenjem Odluke o osnivanju – nastavku rada MZ na općini Maglaj.

Ja postavljam jedno pitanje i tražim odgovor u pisanoj formi. Vezano za problem korištenja stanice u naselju Krušik u MZ Bradići. Ja sam profesionalno u decembru mjesecu prošle godine bio gore na licu mjesta snimio, usliko onu strahotu, katastrofu kroz šta sve mještani tog područja prolaze i koliko im je ugrožena bezbjednost prilikom a vrlo veliki broj mještana koristi željeznički saobraćaj i prema Zavidovićima i prema Maglaju. Bio je jedan novinski natpis sramota ovog stoljeća civilizacijskog u 21. vijeku da one stare neke, ljudi, radnici uzimaju gajbu da bi mogli da se popunu i uđu u voz. Zbog toga imamo informacije o problemu naselja Krušik u MZ Bradići koji koriste željeznički prijevoz problem se ogleda u nedostatku stajališta i pristupa na stanici. Imamo informacije da postoje određene aktivnosti mještana u saradnji sa općinskom administracijom i željeznicom, pa bi volio da znam dokle je došla realizacija projekta uređenja željezničkog stajališta u ovom pomenutom naselju.

**Vijećnica Šefka Hasanić**, na prethodnoj sjednici postavila sam pitanje vezano za dezinfekciju i dezinsekciju. Ovim putem želim pismeni odgovor.

**Vijećnik Mustafa Buljubašić**, ja sam prošli put i vijećnicima i službama podijelio jedno vijećničko pitanje. To vijećničko pitanje je upućeno u ime 3300 penzionera koliko imamo u Maglaju. Dobio sam odgovor koji nije odgovorio na to pitanje ni 1%. Da se ne bi sad ovdje raspravljali, zato sam izašao i želim da kažem iduće sedmice odgovor na ovo pitanje, ili monitoring tim i tu komisiju koja ima u Općini pošaljite mi da sjednemo i da razgovaramo. Mustafa Buljubašić, predsjednik udruženja 11 godina. Za svaki dan, svaki mjesec, svaku godinu postoje papiri, odakle je došla marka, kud je otišla i kako je podijeljena. Da mi se odgovori na pitanje sljedeće sedmice, ne sada, ili da mi se pošalje taj tim da razgovaramo kao ljudi da vidimo gdje idu sredstva, kakve su potvrde, ko ih može dobiti i ko ne, po uzoru na podjelu sredstava Federalnog saveza, Kantonalnog saveza preko općinskih udruženja. Naravno i Vlade i ministarstava određenih, sve ide preko udruženja. Ja ne bih više pričao ako budem morao pričati, bolje da ne pričam. Znači pošaljite mi ili tim ili odgovor valjan.

**Vijećnica Selma Avdić**,

Kako je moguće da u pojedinim mjesnim zajednicama ne dobiju ni jednu KM pomoći za izgradnju ulične rasvjete, a pojedinim MZ rasvjeta se radi o trošku Općine bez projektne dokumentacije i ostalih potrebnih dozvola za izvođenje radova na izgradnji ulične rasvjete?

**Vijećnica Edina Jašić**, pošto je na prošloj sjednici gospodin Bradarić rekao da vijećnici trebaju otići do Jablanice da vide šta piše na talbama ko je investitor za mostove izgradnje. Klub vijećnika SDA postavlja pitanje: Koliko je općina Maglaj izdvojila i platila iz općinskog budžeta za izgradnju mostova na rijeci Jablanici, te koliko je mostova izgrađeno i rekonstruisano.

**Vijećnik Nedžad Lokmić**, ja imam jednu novu inicijativu i morat ću ponovi onu od prije dva mjeseca, a ona se tiče klizišta na Bijeloj Ploči, ispod Plana, odnosno Selišta. Zamolio sam tada da se nešto učini. Tada je bila situacija nešto povoljnija u odnosu na današnju, gdje je iole postojao bilo kakav kanal, klizište odnosno ta sjelina je bila dužine nekih 4-5 metara, međutim sad se raširila na dužinu od 20-tak metara. Vidi se da se ovdje koja je iz ove Bare, kako reče vlasnik Ahmet Mulalić, koja je ucrtana u sve knjige koja je također ugrožena ona je sad na neki način spojena sa tim klizištem i tim podvodom. Voda već izlazi na cestu, to je snimljeno prije sedam dana, a danas je situacija još gora. Ja sam još jutros htio da to ponovo uslikam. Prije dva mjeseca sam obavio razgovor sa Ahmom Mulalićem vlasnikom parcele, on je tada bio flustriran, ogorčen nekvalitetnim izvođenjem tih radova i jedno vrijeme je tjerao sve one koji su dolazili da pričaju na tu temu. Malo smo smirili strasti, on je spustio tenzije i spreman je ponovo razgovarati na tu temu. Dakle, u ime mještana Bijele Ploče i u moje ime molim da se uradi nešto jer postoji realna opasnost da se nakon slijedećih jačih kiša odvali, odnosno ta parcela izađe na ulicu. Gore na Planama kod garaže Bahrudina Nalića postoji ovaj šaht već više od dva mjeseca. Ovo je slika prije sedam dana i ja mislim da je situacija potpuno ista. Ne može se prolaziti autom osim da se ne nagazi gore, ovo je auto koji je čovjek slučajno naišao i ošteti auto od tu paletu prolazeći pored. Inicijativa da se to pod hitno riješi. Par metara dalje je put koji vodi dalje prema Planama i prema Jablanici također oštećen, voda je isprala dio asfalta i

postoji mogućnost i opasnost da put kompletno ulegne. Treba napomenuti da je to u slučaju poplava, odnosno vodostaja rijeke Jablanice jedina veza iz Jablanice prema Maglaju. Inicijativa da se i ovo pod hitno riješi.

**Vijećnik Fikret Delić**, ovo je moja inicijativa koju treći puta upućujem. Radi se o jednoj sanaciji puta u gornjim Čobama, gdje su me mještani zamolili i prije nove godine i poslije nove godine evo i sad. Radi se o jednom putu gdje je značajan za te mještane ima desetak kuća. Ne radi se o nekim sredstvima koja zahtjevaju neku veću količinu sredstava. Radi se o par kamiona nasipa. Mještani su također voljni pomoći i molim Načelnika i Službu da izađu na lice mjesta, da vide o čemu se radi da se pomogne koliko se može pomoći i nadam se da će to Načelnik i učiniti.

**Vijećnik Adis Abdurahmanović**, dva vijećnička pitanja.

Jedno je ispred Kluba, tražimo da nam dostavite informaciju koliko je sredstava u Općinu Maglaj došlo za vrijeme poplava u 2018. godini iz kantonalnog i federalnog Štaba CZ i eventualno drugih nivoa vlasti i na koje projekte i za koje sanacije šteta su ta sredstva utrošena i to pojedinačno po svakom projektu. Radi se o elementarnoj nepogodi koja je zahvatila područje Jablanice, Bijele Ploče, Ravne, Oruča, Moševca, Kosove i Ulišnjaka.

Drugo vijećničko pitanje zamolio bih pisanim putem odgovor.

Da li je Služba pripremila elaborat o sanaciji puta na dionici Topola – Kamenolom? Dionica puta je svakim danom u sve lošijem stanju i danas je skoro pa neprohodna.

**Vijećnica Irena Herceg**, moja inicijativa se odnosi na sanaciju rupa u ulici Civilnih žrtava, tačnije onaj dio kod raskrsnice od Vrtića prema Stadionu. U toj ulici uvijek s jedne strane su parkirana vozila i nemoguće je zaobići te rupe. Ukoliko je moguće da se izvrši što prije sanacija.

**Vijećnik Bešić Mustafa**, obratila mi se jedna porodica iz Liješnice.

Radi se o Omeru Ćosiću Liješnica. Čovjek ima problema već 40 godina sa vodom sa nevremenom. On je ovdje to napisao opširno pa me zamolio da to ja prenesem Općinskom vijeću. Kaže da se obraćao Načelniku, da ima problema od 1987. godine. Svaka poplava ga je zadesila. Njemu je nanijeta šteta kad je izgrađen M-17 od 1987. godine. 2014. godine čovjek je imao 3,20 metara u kući vode. Sad u maju je imao 1,20 m. On je to ovdje napisao trebalo bi mi 20 minuta, pa ću ja to dostaviti pismeno.

U razgovoru sa njim čovjek stvarno ne znam kako bih obrazložio njegovu priču. Čovjeku je došlo do preko glave ne zna šta da radi sa sobom. Moli da mu se pomogne. Kaže najviše bi volio kad bi moglo se naći neko rješenje da se kuća izmjesti preko neke organizacije, jer nemoguće je živjeti ima staru majku 92 godine koja živi s njim.

Drugo vijećničko pitanje se odnosi na sanaciju lokalnih puteva na cijeloj općini Maglaj. Evo i vremenske nepogode su prouzrokovale bankine, putnu komunikaciju u svim mjesnim zajednicama. Molim Načelnika da nam kaže da li će to brzo biti.

**Načelnik općine**, dao odgovore – ja ću ići redom odgovoriti na pojedina pisao sam ko traži pismeni odgovor, a ostalo ću dati ovako da ne uzimamo previše vremena ni administraciji.

Vijećnik Galijašević – horizontalna signalizacija imamo ugovor ovo dana će se raditi horizontalna signalizacija čim se iščisti vrijeme. Ja se s ama slažem u potpunosti i meni nije jasno da se za godinu dana baš izbriše skroz naskroz. Ja sam inervenisao prošle godine sa tom konstatacijom u Službi, rečeno je da nisu pripremali kako treba asfalt da treba isprat, ispuhat itd. prošle godine su to uradili i ponovo imamo istu situaciju. Dakle, radi se o kvalitetu boja, vidjet ćemo kako to riješiti, a činjenica je da to nije samo na području općine Maglaj, da je to u svim općinama na regionalama, na magistralama, a sad rade nove crte. Što se tiče grada to će biti vrlo brzo na redu.

Što se tiče dopuna potrebne dokumentacije, to ćemo provjeriti da li je u skladu sa zakonom, kakva je dopuna ako bude sve ok, služba će pripremiti inicijativu dati na Vijeće ukoliko treba na vijeće, ukoliko je to unutar Službe zakonska oblast onda će Služba to rješavati.

Što se tiče vijećničkih pitanja vijećnika Jašića ja znam da je otišao odgovor na vaše pitanje vezano za dešavanja u Foči kako kažete četničko divljanje. Nije mi jasno smijao sam se prošli put nije mi jasno da je Udruženje antifasista to koje se treba baviti četničkim divljanjima, a isto to Udruženje do prije dvije godine nismo htjeli da podržimo nikako da ga utušimo, pa valjda i mi koji smo se borili u ovom ratu trebali bi se oglasiti, a nisam čuo ni gore da se u vrhu države time bave a strašno je bilo. Ovo je moj komentar. Odgovor vam je poslan pismeno znam da je poslan vama lično i ostalima na znanje.

Št se tiče konstatacije za mjesnu zajednicu ja pokušavam da vas ubrzam da to završite jer pored mjesne zajednice isto vam sugerišem vi koji se vodili vodovod „Duba“ da preda papire novom rukovodstvu vodovoda da ljudi mogu normalno radi, nemojte da se stalno podmeću klippe, nego da mjesna zajednica funkcioniše. Manite partija, vratite se životu.

Dopredsjedavajući Firremić, pismena forma dobit ćete, ali već sam odgovorio kad je u pitanju područje stanice u Maglaju. Po pitanju područja stanice u Bradićima i tu smo nekoliko puta imali zahtjeva i razgovora i moram reći da nije gospodina Jozinovića u Zenici koji je na terenu i koj je operativan, da nije njega ne bismo uradili ništa, ali konačno je stigla saglasnost u valjanom obliku i to će ići uskoro na izgradnju perona i mi ćemo finansirati.

Željeznice neće oni ne daju nigdje marke. Nemaju prvobitno rješenje koje je nudeno a ne možete vi ciljati gdje će stati vagon, proći gore pa opet ide „gajba“ bila što je prenosiva. Mora se napraviti i to će ići sigurno.

Što se tiče gospode Hasanić, ako se radi o dezinfekciji i dezinsekciji koja je pomenuta na prvom dijelu ove sjednice, to je bilo očigledno lupanje iza govornice odgovorili su ljudi koji znaju direktor Vehabović i gospoda Herceg koja je te struke, dakle odgovor je dobijen. Ako ima eventualno predat kao vijećničko pitanje neki zahtjev za neku drugu dezinfekciju ili nešto dobit će odgovor.

Što se tiče vijećnika Buljubašić, postavili ste pitanje, dobili ste odgovor. Odgovor je 100% tačan i tog odgovora će se držati administracija u svom daljem radu. Da vam kažem neće vam doći administracija, iako meni nije problem poslati administraciju u bilo koje udruženje. Neće vam doći jer vas ja mjesecima zovem da radite za udruženje da dođete u administraciju itd. Neki dan ste dobili paušal za ne znam koliko mjeseci od početka godine, a mogli ste dobijati redovno zato što niste odradili na vrijeme nego hoćete da pravite neke ratove. Mene to ne interesuje. Dakle, mi nismo ni jedan savez ne kantonalni ni federalni penzionera, mi smo Općina Maglaj i radimo u skladu sa zakonom u skladu sa Odlukom o izvršenju Budžeta, sve ostalo je druga priča.

Gospođa Selma, evo ja ću na vaš odgovor mada je nema bilo bi ok da je sačekala da dobije odgovor na pitanje koje je postavljeno koje dolazi od velikog šefa, evo odgovor od Načelnika općine. Kako je moguće da te mjesne zajednice do sad nisu imale rasvjetu?

Gospodo Jašić ovo što ste tražili pa imate u izvještaju koji ste imali u prvom dijelu sjednice, otvorite dopunski izvještaj koji ste dobili uz izvještaj pa ćete naći sve podatke koje ste ovdje pitali. Nemojte da vam ja čitam i iznosim. Uzmite otvorite i nađite.

Gospodin Lokmić, klizište Selište ili kako se u mom djetinjstvu zvalo Selišće. Pod brojem 1. Nije u nadležnosti Općine Maglaj. Regionalna cesta nadležnost kantonalna, odnosno Direkcije cesta ZDK, to je jedna stvar. Druga stvar vi znate da je vlasnik gore radio bez ikakvih ispitivanja, bez ikakvih dozvola, kopao, sjekao itd. Sad je to dole kliznilo. Kad je bilo sanirano pa cijevi postavljene, morate provjeriti zašto je neko povadio cijevi. Dakle, nije općinska nadležnost. Ono što znam da gospodin Hajrulahović se stalno bori da se to konačno završi i da je bilo i branjenja da se to uradi. Da je ružno jako je ružno a našto će ličiti ono Selište onako kako je urađeno, kako je kopano bez ikakve struke bez ičega i jedan dan će završiti samo na regionalni ili na onim kućama dole iza to ćemo tek vidjeti.

Kada je u pitanju ovaj šaht gore, znam dobio sam informaciju od mještana. On će biti urađen, naravno nećete naći izvodača koji će otići uraditi jedan šaht. Naravno kad se bude radilo na tom potezu Bijele Ploče, a uskoro će radovi na potezu Bijele Ploče onda će se sanirati i to gore na Planama, mislim da pored šahta ima još određenih stvari koje je Služba evidentirala i koje treba uraditi.

Vijećnik Delić Fikret sanacija puta u Gornjim Čobama. Neću garantovati 100% mislim da je to Služba snimila i da će to ići.

Gospodin Abdurahmanović, dobili ste u ranijim izvještajima sve od koga je koliko novaca došlo, dobili ste izvještaj o štetama, tako da većina informacija koje ovdje tražite ste već dobili ranije samo potražite u papirima koje imate.

Gospođa Herceg pored te ulice gdje se parkiraju ima nekoliko rupa, ima i u ulici „kestenova“ od Vrtića tamo prema Centru za socijalni rad i to bi trebalo da ide uskoro u sanaciju.

Bešić, Omer Ćosić je zaista jedan od najtežih slučajeva u Maglaju kada je u pitanju problem sa poplavama. Još njegov otac rahmetli je vodio zakonsku bitku da se riješi taj problem. Čovjek je nažalost umro i nije to završio. Omer je nastavio nije nikad završio. Mi pokušavamo sa Direkcijom cesta da riješimo taj problem, čovjek je bio kod mene neki dana, a bio sam i ja kod njega sad nakon ove poplave možeš samo otići gore i plakat kad sve to vidiš i kad svaki put bude poplava Omer je siguran da će ga to zahvatiti. Jučer sam razgovarao o mogućnosti da mu trenutno opremimo sa namještajem tako da ćemo vidjeti u toku je provjera. Ako budemo mogli kroz neke projekte to riješiti i to bi bila najbolja varijanta. Čovjek ne traži puno kvadrata, ondje je zaista neuslovno, ima staru majku preko 90 godina. Čovjeku se zgadio život u kakvoj je situaciji.

Što se tiče sanacije puteva, ugovor je potpisan sanacija je započeta, sad je samo pitanje tehnike prebacivanja s lokacije na lokaciju. Uglavnom ići ćemo sad je svakako sezona i vjerujemo da ćemo tokom ljeta raspisat još jedan veći tender za sanaciju putne infrastrukture.

Nastavak 28. sjednice Općinskog vijeća prekinuta u 11,15 sati.

Zapisničar,  
Nisveta Bašić

PREDSJEDAVAJUĆA  
Svjetlana Zamboni

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

